該夢 明 夢録









東希話著

瑣

録

夢集

北京古籍出版社

#### (京) 新登字 200 号

图书在版编目(CIP)数据

话梦集·春明梦录·东华琐录/何刚德, 沈太侔著, 柯愈春, 郑炳纯点校.—北京: 北京古籍出版社, 1995 ISBN 7-5300-0103-5

I. 话… II. ① 何… ② 沈… ③ 柯… ④ 郑… III. 地方 史-北京 IV. K 291

中国版本图书馆 CIP 数据核字 (94) 第 03624 号

#### 話夢集 春明夢録 東華瑣録

何剛德 沈太侔 著

北京古籍出版社出版 (北京北三环中路6号) 邮政编码: 100011 北京出版社总发行新经销 北京朝阳广益印刷厂印刷

\*

850×1168 毫米 大 32 开本 6.5 印张 114 000 字 1995 年 5 月第 1 版 1995 年 5 月第 1 次印刷 印数 1-2 000 ISBN 7-5300-0103-5/K·52 定价: 7.80 元

記

掌印, 故、 居上海。著作除《話夢集》外,尚有《春明夢録》、《郡齋影事》、 西省内務司長、 年(一八五四), 《家園舊話》五種, 風俗和人物軼事者。 《話夢集》和《春明夢録》, 民國間刻《平齋詩存再續編》二卷、 後升侍郎。 都是張壽鏞先生在上海爲他刻印的。 豫章道尹,一九二二年六月兼代江西省長, 卒于民國二十五年(一九三六)《光緒三年考中進士後, 總名爲《平齋家言》。 歷任京曹十九年, 作者何剛德, 各兩卷, 又外任江西建昌及江蘇蘇州知府。 字肖雅, 光緒末年刻有《平齋詩存》三卷、 爲民國年間刻印的詩集和筆記, 《平齋詩存三續編》 號平齋, 福建侯官縣人, 《西江贅語》、 同年十月被免職, 卷。據稱何氏民國 《平齋詩存續 民國初年曾任江 曾任吏部司 皆記清代宫廷掌 《客座偶 生于 此後卽隱 清咸 談》、 務廳 豐四 間的

收有《嘆舊懷賢》詩, 話夢集》刻于乙丑年(一九二五)。 都是作者回憶爲官時出入宫廷的見聞, 筆者最感興趣的是上卷收有《春明記事》詩, 非道聽途說者可比, 誠如他 下卷

記

自稱: 「雖僅 一鱗半爪, 然五十年來世變, 亦可於此存其概已。」

服。 園、 莊, 佛一尊, 曾經督管皇家建築的修繕工程,當他在皇帝婚配時用的交泰殿勘工時, 皇目的,而祇講爲了尋樂: 靜看慈輿緩緩行。」注曰:「金輦以百二人舁之,甲午欽后六旬聖壽, 有規矩, 諸王公捧如意前引, 詩 幾乎每詩必有注,這是一般風俗詩或竹枝詞所習見的,讀者並不嫌其纍贅。 又如寫慈禧的六十壽典。「慶典堂皇飾太平 如同 頤和園及三海, 中說:「避暑偶尋行樂地,翠華嵗歲倖離宮」。注中不談皇帝在此從 如果光看詩何以能如此傳神。 談其 不容違犯。 不知 何解。 他有關北京的風俗雜事詩一樣, 若駐蹕行宫則不拘此例, 這就給研究故宫史的人提出了一個有趣的問題。 無非苦宫中過於拘束, 皆側身卻行。」如此具體而微地描寫宫中禮儀, 「《宫史》藏于宫中,外廷不及見聞。 而托避暑爲名也。」 我並没有忽畧作者在詩後的附筆。 故熱河避暑山莊規模甚壯。 九衢蹕路噤無聲。景皇前導諸王 祖訓極嚴, 這就比官樣文章讓 如見光緒皇帝的神態 德宗在金輦前步行, 關於承德的 發現殿中供有大 事政治 起 後來移蹕 居 飲 活 避暑山 食, 如作者 動 退, 人信 圓 的 明

殷摯。 嘆舊懷賢>詩主要是記 余欲從之學, 公曰: 『洋務亦須有二十年功夫, 人, 如有關薛福成的詩注寫道: 方能精到……」又云: 『公嘗言將 · · · · · · · 在京時, 與 余情 意 甚

者的 言因 臣 來 到 代 極佳 身份隨皇上赴東陵, 從 有 生動之感。 來都察院 親 之間 陸 市 頌 史上的 戰 E 聲 有 切 井里巷的 ず。」借前 司 海 風 發 미 的 信, 名 景依然在目。」這些記載雖簡 也 非撤 閒 戰 之外, 此 \_° 作者以爲李鴻藻 話, 流 外, 不可。 反之則顯空洞。 角 門外一帽舖 也許 作者出守建昌, 度來描 史料 作 必有雲戰。 在正 作者也 且謂: 價 者 值 的詩 畫 史中 亦 人物, 的 中還寫 在側 平時工作勤懇, 伙計 我此後服 高 是不易見到的 詩中 今飛機 過天津時 堪稱 口吻, 寫張之洞 注中云: 有懷李鴻 到 畧, 盛行, **禿**葆 膺老子,絕不爲天下先。 側 面 極 又謁李中堂: 的詩中 卻出 襯 楨 口 詩 是個 章、 其言 「公嘗與余言, 托 稱道 樂禄 自 中 的 心聲, 手法, 老成的典型。 李鴻藻 寫 驗矣。二 張買物不還價, 有 到 句: 的 翁同 「公謂 自有 的 頗能 人 物, 這些 詩, 「京朝 龢、 御史一竅不通, 顯示 建昌昔曾駐兵麻姑 其聰明之處 公時以中東之役異常憤激 寫李鴻章曾以直隸總督的 後者官吏部 凡 片言隻語, 張之洞等人物, 滯迹久知名, 與 人物 過節不欠賬 作 者接 的 性 交較 尚 都 格 安議國是,將 書 H 商 密者 自朝 莫不 讀 Ш 賈 IE. 來 城 恰是 是 樹 是 便 廷 不 近 作 感 重 南 木 無

聞 涉 及 有 春 中法 由 明夢録》兩 于是回 戦爭、 憶 前 甲午 卷 朝之作 戰 早刻于《話夢集》兩三年, 爭 義和 落筆時禁忌也少。 專 運 動等 重大 史事 因是筆記, 如作者寫了 也涉 夾叙 光緒皇帝召見作者三次的經 及了宫廷典章 夾議 娓 制 娓 動 度、 聽 科 場 其 見 中

前

記

福建 過 少, 富現場感, 問光緒 大小臣工苦心對付, 但當時大家競言排 還有義和團之亂的情況, 璃窗。 的 晚年患咳嗽 條記載 中 禧 戲劇 國自海禁大開, 太后 民教情況, 地 何至怕冷如此?況祖宗體制極嚴, 點都在 性場 慈禧 光緒初親政時, 「皇帝有話説否?」德宗祇説 「汝可下去。」 ……以 重 分明可以看出慈禧與光緒之間的某種矛盾以及兩人不同 復 太后 面 臨 乾清宫, 亦極畏冷, 朝 續問礦務能 這樣 外, 時, 副盛氣凌 交涉時常棘手。 無過不及, 的 筆記 因畏冷, 開出 在頤和園作者又蒙召見。 時值德宗親政時。 地方上如何被擾, 又是如何結束的等等。當時慈禧曾經嘆息道: 引見時以貂皮煨膝上, 副來; 否發達。 旋又問他在江西任職幾年, 人的 又何 才能免此 在殿門裝有一片玻璃窗。 面 今則一味媚外, 止是治近代史者所樂見? 孔, 庚子之役, 若於殿廷上裝起玻璃窗, 真的是活靈活現了。 危局。 當時君臣之間的問答, 予誤聽人言, 太后與皇帝隔桌同 江蘇地方事, 何等耐苦?」終於還是撤去了殿門的 又未免太過了。 慈禧太后聞之大怒: 上或有爲 當然這也是個表現人物性格 導成今日局 也不 成何樣子!文宗(咸豐) 江西各府的情況如何? 是 時事 的語氣 坐一炕, 慈禧 實録, 好 辦 艱難極點 面 開 和 的 神態。 脱 慈 如 後悔 皇 禧 臨 處 : 先問: 其 主又 無及。 上年 又 全賴 境。 卻 極 他 玻

東華瑣録》,

沈太侔著。

多記舊京遺聞掌故,

里巷民俗,

更加詞章雅馴,

不失爲

刀者, 被迫 臭不 之所。 通 燈彩四環, 部史料及藝文價值俱佳的筆記。 貝子私納女演員楊翠喜 上……」但是, 院皆燈 向 可聞, 「都門昆明湖長堤, 閘在東便門外, 泗州 光緒和慈禧具疏乞罷斥。 .楊杏城士琦也。」這些材料也都是在有關的著作中不易見到的。 世界。」類似情景, 空其壁以燈填之, 今更無踪可尋。 到了本世紀二十年代末,作家沈從文寫《游二閘》時, 自五月朔至七月望,青簾畫舫, 一案, 例禁泛舟, 又寫工部的 假其廊以燈幻之, 涉及清朝官府的 不少都是作者幼時的親 由于作者的身份所限, 作者引録其疏文, 十刹海僅有踏藕船, 燈景者: 腐敗, 且燈 「舊制六部皆有燈, 並稱: 見, 其門, 當時任商部尚書、 他更注重民間見聞, 酒肆歌臺, 小不堪泛, 爲他 「婉曲微妙, 燈其室, 人 所未道。 二閘遂爲游 情境荒 令人疑在 惟工部 燈其陳設之物, 文詞 御前 當然, 轟 凉, 斐然, 最 大臣 動 如寫二閘 盛。 秦 L 河 書中所 的 時 淮 薈 聞 門 水 載 的 内 E 河 苯 風 捉 振 是

厰販書人, 代 詩 文集的研究, 《話夢集》及《春明夢録 所 見頗豐 於清· 又雅愛文墨 人著述情 \*爲 柯 況所 愈春 同志 志在編撰。 知甚多。《東 點校, 《東華瑣録》絶版已久, 華瑣録》爲 明顯 的錯字均已改正。 鄭炳純同 志 點校。 柯君業 極罕見。 鄭君 餘 器 爲 從 於作 事清 琉璃

記傳聞也未必全部如實,

這也是舊時一般筆記中難以避免的

前

記

記

六

者沈太侔及有關版本情況, 鄭君在點校完工之後寫有「校點後記」,此處不贅。

感謝北京古籍出版社多年來爲保存舊京史籍做出的貢獻,

望讀者不吝指正。

他們的遠見卓識。

限于筆者與柯、

鄭二君的水平,

如有標點、

校改中的疏漏和不當處, 本書的得以出版仍歸功於

九九三年五月

<b>D</b>	宋華·瑣句
Ŧi.	各明夢録
	前夢集

目



非古人之夢痕也。 旋晉接者, 痕矣。自三百篇、 列子之説鄭人也, 場春夢》。夢其所夢,人生固一大夢歟! 亦即彼夢之囈也。 乙丑孟春肖雅何剛德識於平齋 隨所觸而綴之以詩, 古樂府, 日《蕉鹿夢》; 余自逾冠通籍, 無論我夢彼夢, 迄漢、 亦誌
全已然之夢
痕耳!或有譏
余爲夢囈者, 吕翁之醒盧生也, 迴翔京外, 魏、六朝、 不越一夢而已。 雖然, 唐、 閲四十年, 今舉平日所聞所見, 夢無痕也。 宋諸大家, 日《邯鄲夢》,東坡之遇 編既成, 古人以詩傳之,則無 無一非古人之詩, 爰以話夢櫽其端 **饁**婦 不知 及素所 也, 痕而有 彼 即無 所謂 屬

劂

周

日

氏焉。

序

## 話夢集卷上

周備 春明記事三十二首 且有事涉瑣層,未及收録者。今因記憶所及,隨興各家以詩,仍仿前人雜事 壬戌冬,曾有《春明夢録》之作。 惟志來紀姓鏡波, 採輯多未

詩之例,敘事實於詩後,聊補遺佚而已。

成禮曾聞重大婚,顧名不信説無根。誰知内殿清嚴地,趺坐依然佛一尊。 奉先思孝惕宸衷, 竹笠香僧甫送迎, 昭顯宣仁雷與風, 殿中禱雨禮維虔, 風雲電雨廟,爲統稱之名。其實,雷曰昭顯廟,風曰宜仁廟,雲曰凝和廟,雨獨曰時應宮。 交泰殿在乾清宫後, 國家忌辰,在奉先殿,素服行禮。若誕辰,則在壽皇殿,不著素服,即俗生忌死忌之别 大高殿在神武門外, 相傳爲皇上大婚成禮之所。余勘工時,見殿中仍供大佛一尊,不知何解 爲皇上祈雨之所,意所祀必爲天神。及詣廟,見所供均仙佛, 梵宫畚築促觀成。 忌日明虔肸蠁通。 塑像安排佛與仙。 大德曰生顏額在, 凝和時應雨雲通。修雩禮獨從隆重, 循例百官俱素服, 我來循例完公案, 歡喜參禪不繫情。 三廟釐然别一宫。 禮文不與壽皇同。 分明取義在承天。 殊不可解

**雍和宫爲憲廟潛邸,改作年久,時有工程。** 余往勘工, 寺僧出迎。紅教喇嘛僧, 戴竹笠、紅頂、衣紅。 黄教用金

衣黄。 後宫間有魔女像, 余未往觀

**贄箴几誦古遺風** 禮法精嚴勖聖躬。 避暑偶尋行樂地, 翠華歲歲幸離宫。

《宫史》藏於宫中,外廷不及見聞。祖訓極嚴, 起居飲食,各有規矩, 不容違犯。若駐蹕行宫, 則不拘此例。

還宫,不能久在外駐蹕也。

河避暑山莊,

規模甚壯。

後來移蹕圓明園、

頤和園及三海,

無非苦宫中過於拘束,

而託避暑爲名也。

然秋冬仍當

故熱

阿哥所,在東華門内,

東華曩歲億從公,儲位名存事已空。寂寂院門人迹罕, 前星黯淡掩青宫。

聞爲阿哥讀書之所。阿哥卽皇子也。同、

光以來,

儲位久虚,

故所亦聞

廢

名場艱苦要親嘗, 數典前王未可忘。 聖主飛龍占巷遇, 緑槐如蓋尚 高 張

**貢院龍字巷,余會試第二場即坐此。** 見第三號硃書一「龍」字, 虚無人坐, 云是純廟當年借舉子名人闡坐處。後檐有

首都試院棟連雲, 斥帑鳩工急運斤。 觸盡有明亡國忌, 終教掃地痛斯文。

高槐一株覆之。

京師貢院,明季重修而國亡, 清季重修國未亡而科舉廢。 當議修時, 固力斥迷信

居然移禍到詞曹, 晦兆文星痛此遭。 守土昌黎應有責, 西園翰墨已羶臊

翰林院院址, 於拳亂後劃人各國使館界。 内院舊祀韓文公, 相傳文公爲翰林院土地

慶曲堂皇飾太平, 九衢蹕路噤無聲。 景皇前導諸王退, 靜看慈輿緩緩行。

話夢集卷上

五

金量以百二人舁之。甲午欽后六旬聖壽,德宗在金輦前步行,諸王公捧如意前引,皆側身卻行。

六

上公異數壓朝紳, 玉牒宗支爲展親。 持較諸王恩稍殺, 殆如九錫寵勛臣。

開氣袍、紫韉、朱輪、門釘(門上密布巨釘爲飾)、茶壺(出門有人佩大茶壺,形扁,高廣逾二尺)、 家將(家丁,有頂帶), 謂之人八分公。不人八分公者, 八分公者.清制,公爵曰鎮國,曰輔國,然有「入八分」、「不人八分」之別。八分者, 即不得用此八分。 即許用寶石頂、 朝 龍 褂、

演禮分明攝至尊,

卿月高寒望渺然, 郊廟祭祀,先期代皇上演禮者,用九品官服制,呼之曰「遣」,不知何義,特相沿如此耳 名之曰遣語何渾。 班躋五品若登天。 冠裳九品資承乏, 郎官應宿欺人語, 深意當時殆有存。 九轉丹成總不

排比鋪張重一時, 給事中、鴻臚寺少卿、光禄寺少卿、通政司參議,升官九次仍是五品。 "九轉水晶宫」,京曹謔語也。舊制"各部員外郎,秩五品。由主事升員外郎,遞升郎中、御史、掌道御史、給事中、 龍門筆法棄如遺。 衡文無計評優劣, 只重篇終八韻詩。 五品, 例戴水晶頂, 故謂之九轉水晶

固近鋪張,且拘以字數,名曰館閣體。故考試時閱卷,除比較小楷外,多以卷末試帖詩定去取 京中謔語曰:「翰林院文章,變與衞刀槍,太醫院藥方,騾馬市皮箱。」謂虛有其表, 不適於用也。 翰林院文章。

刀光淬雪斂鋒鋩, 「鑾輿衞刀槍」,即俗所謂鑾駕也。 後擁空擎豹尾槍。 御駕出, 隨後必有豹尾槍數排,其餘仗設不必全備。 警蹕威嚴仙仗列, 飾觀不爲備非常。 故鑾輿衞刀

半有名

請脈醫官按憲綱, 龍宫金匱要尋章。 絶無可灼紅丸弊, 此卽天家肘後方。

無實

「太醫院藥方」,皆由院使主筆,引經據典,不能以意爲之。醫官診脈,謂之請脈,亦以官階大小爲序。

糊紙塗朱髹漆膠, 女兒黄竹笑難淆。 世間儘有麒麟楦, 持與朝官當冷嘲。

「騾馬市皮箱」,以木片糊紙爲之,外施朱漆,細察始知其贋。

平頭甲子積資深,引覲猶勞黜陟心。爲恐老郎筋力敝, 老人班者,京察人員年過六十未得一等者,作爲老人班引見,分别照舊供職及原品体致 衰庸未許濫朝簪。

拜恩九叩共朝天, 殿試題紙:試日,貢士三跪九叩,謝恩畢,監試王公在殿前頒發。心熱鼎甲者,急於見題, 捧紙王公出殿前。 睨鼎有人心太熱, 爭先快覩越班聯。 每越班先起。其人以

京官子弟爲多

御筆神摹墨未乾, 朝考題紙:先有御書一小紙,由王公捧出, 榜諸殿柱便傳觀。 交狀元 贈寫, 黏於殿柱。 今朝更覺龍頭貴, 莫作尋常視草看。

三銓選格失調停, 鮎竹功免滯典經。衛陸聲華誰繼美, 於今紫極黯前星。

「一洗萬古」,京曹謔語也。翰林轉到詹事府司經局洗馬,升階便滯。人因「一洗萬古凡馬空」之句,嘲之曰「一洗 萬古」,亦以清朝不立東宫, 故官制不甚介意也。衞玠、陸機,俱官洗馬。

**貳我成均詔語優,** 如何蹭蹬竟生愁。 師儒莫作窮途歎, 不見陽城刺道州。

開國朝官坦率多, 「大業千秋」,亦京曹謔語也。國子監司業升階之滯與冼馬同,故人以「大業千秋」對「一冼萬古」。 行行不似八騶呵。雙環柱上嵌殘鐵, 説是當年緊駱駝。

話夢集卷上

吏部 鐵環懸在大堂柱上, 相傳國初堂官皆騎駱駝進署,遺迹猶存。

五國風霜九死身, 形容枯槁愴蒙塵。 畫圖留作昏庸鑑, 天府依然什襲珍。

歷代帝王像, 藏内務茶庫,隸南薫殿。 而以徽、欽小像爲獨多, 余查庫時親見之。

岳武穆及諸名人小像, 亦藏在茶庫。 威名赫赫震朱仙,

誰信風流是少年。

人説留侯如好女,

怪公美貌亦翩然。

鬚稀眉爽掃清愁, 蕭瘦詩人未白頭。 不似清平奏新調, 脱鞾捧硯恣風 流。

李太白小像

醉飽場中一達官,

肌豐鬚黑面團團。

世人泥讀青蓮句,

猶作山頭戴笠看。

杜少陵小像

窄帽將軍奕有神, 閒攜小卒翫鵪鶉。 風流畢竟輸秋壑, 鬭蟀堂前擁美人。

吴三桂鬭鶴鶉小像。

絶異堂餐具八珍, 軍機處階前, 每晨必列燒餅、油炸粿敷料,備樞臣召見後作爲點心, 蘇拉設備及清晨。 莫疑餺飥登盤賤, 可謂儉嗇極矣。 當日甯無伴食人。

四更席地徧街西, 贋鼎求售索價低。今日銅腥工使鬼, 五都市外孰燃犀。

因偷兒得贓, 京城鬼市, 於四更後席地售貨,貨無定品,價廉而多廣質。 亦多於是市急售也。 余進内時, 夜過菜市口, 京僚喜購便宜者, 每遇見之。 每人市游, 間 有以賤值得貴品者,

擇肥全豕剥皮蒸, 列俎神餘香始升。 賀客登筵盤膝坐, 老饞不取主人憎。

主人以客多食爲吉利。 請吃肉者:滿人夜祭神,黎明延客啖肉,謂之食神餘。先期具柬,禮極隆重。筵設炕上,肉切白片, 聯翩而進,

## 紀事詩書後

老翁逾七十,寂寞竟何爲。 濟世知無責, 箸書嗟已遲。 舊交聊問訊, 雜事偶成詩。 未免

春痕在,夢婆休笑癡。

郎潛憶舊三十二首 余爲郎十九年, 追維身歷之事, 有未能忘情者。 興之所至,

拈一事, 系以一詩, 用誌泥爪。

引覲龍顏肅佩紳, 潛郎餘味尚津津。 雄雞驚破人間夢, 霜雪盈顛卧海濱。

吏部帶領引見,必於雞未鳴時人內。

肺氣侵晨鬱欲伸,侍班殿外正垂綼。 殿廷禁咳嗽。余咳聲素重,一日在養心殿候帶引見, 誰知紫禁清嚴甚, 氣鬱作咳,侍衞即趨出查問, 一咳聲能嚇近臣。 以不得主名而

絶憐世僕舌難翻, 國語呼啞覲至尊。 從事豈容開口笑, 齩唇破處尚留痕。

滿員引見, 例操滿語。自報姓名、歲數,而偏多不諳,期艾之聲,奇怪百出。余帶班時,鮫唇不敢笑,至今 破痕

尚在。

話夢集卷上

九

侍宴龍墀捧壽觴, 八珍頒賜出天閶。郎官承寵慚逾分,回首昇平黯斷腸。

賜宴太和殿。甲午六月二十六日,爲德宗萬壽也,余以吏部郎與焉。次日,頒賜福字、

如意、

帽緯、

飄帶、地、掛

盤、盂八件,誠異數也。

粉餈疊疊堆盤整,果實纍纍列簋齊。光禄例供良醖酒,銅盤更貯一羊蹏。

賜宴:每宴二人一筵,筵堆餑餑數層,上加果品一層,再上置羊腿一盤。菓餅乳茶係滿席,内務府所 備;

光禄寺所備。良醖署署正提壺行酒,壺高約二尺許。

數墨尋行貫始終,大端犖犖意能通。胸羅一代興衰史,不負微臣兩載功。 《十朝聖訓》,余借之於玉蒼,每旬易五卷,不兩年而卒讀。後來遇事,受益甚多。

仁皇弓劍護松楸,于役曾趨遵化州。 園寢國初遲定制, 埋香列隊土饅頭。

寢未定制歟 景陵,聖祖陵也。余充歲修之役,從殿後鐵門入,見隧道前兩行紅土堆,云係妃嬪葬地,爲他陵所無。 **殆當時園** 

穹碑鉅制越尋常, 聖德神功碑,皇帝有武功者,始於隧前建立。余歲修裕陵時見之,聞其碑文例由嗣皇親筆。 延項龜趺一丈長。文字子臣親吮墨,武功和淚說先皇。

**趱程計日限難稽**, 于役東陵途中遇雪,因陵工有定期,不便停留,冒雪行。雪深敷尺,不辨路之高低,一日易騾五次。 步步輪蹄陷入泥。 五度易騾行百里, 雪深無處辨恒蹊。

名駒聲價世誰知, 穆宗以平定髪捻, 亦有聖德神功碑, 曾載神功毅廟碑。 赴陵所乘, 遵化道中憐末路, 即馱碑之轅騾也。 漫天風雪價轅悲。

裘披猞猁敵風饕,匹馬長途不憚勞。 縱轡霎時三十里, 雪中猶憶少年豪。

余向不習騎, 曩往東陵,同事有駿馬,途中借乘之,衝雪疾馳,甚爲快意。身披猞猁馬褂,領下不沾雪花,

此裘之暖也

六飛扈駕謁陵時, 紅日高張矗大旗。體制宫闈亦明備, 一鸞一鳳别尊卑。

皇上懸日旗,太后鸞旗,皇后鳳旗,御駕謁陵時旗幟也。隨扈各帳棚, 亦各有標記,不書明字樣。

巍峩行殿矗高岡, 燈城者" 御駕謁陵時,夜駐行宫,行宫必據高原,宫牆外一兵持一燈, 宿衞森嚴夜邏忙。 萬帳無聲山月朗, 銀花璀璨繞宫牆。 背牆而立, 徹夜如晝, 故 名曰燈城。

歲供石首例相沿, 遠致艱難味不鮮。得食頓忘魚餒戒, 天厨異味慰饞涎。

**黄花魚,崇文門每歲三四月照例呈進。余隨扈到東陵時,貫適至,御膳房以膳餘分送隨扈各官。** 

魚長不滿尺,

與

海濱所食者遜甚,且遠致味亦差。然當時分嘗一臠, 固以爲異味也。

策肥荒驛例難求, 驛馬多瘠,吉林近山,數武即一小河溝, 千里心猶侈勝遊。 須躍馬而過, 不耐車中常閉置, 控馭殊費力也。 朝朝躍馬過河溝。

威名漢壽震巖局, 屏息車如度井陘。慘淡日光林薄瞑, 四山奕奕有英靈。

關壯繆廟,關外極著靈應老爺嶺不止一處,奉天其最著者。

連朝積悶厭征軺, 吉林老爺嶺, 高幾千仞, 攬轡高峰匹馬驕。 俯瞰廣漠無際,視奉天過嶺時意境迥別。 俯視能窮千里目, 衆山撲地若團焦。

話夢集卷上

:16

地高寒不植梅, 一株潛邸獨移栽。摶泥孤鶴碑陰立, 生面皇都此别開。

醇王府改爲廟,余勘工時,見梅花下立一鶴碑, 刻「天寒有鶴守梅花」七字。

京輦華年舊履綦, 禪林避暑憶尋碑。 宸書題詠詳因剏, 神往雍乾全盛時。

法源寺,

**余在京時多往避暑**、

碑刻御製詩有「創雍正、葺乾隆」之語。

但相傳寺舊名「憫忠」,

徽、

欽北狩,

曾寓

逢三墟市集如期, 選具農庖便取資。 愛菊我偏成痼癖, 年年倚此作東 籬。

土地廟在宣南下斜街, 逢三墟期,農具、庖具排列滿地, 然皆小貿易也。 左近花廠林立, 資本頗鉅,

秋間賣菊以

塔勢摩空湧上層, 西征由此理行縢。 尋常雅客游踪集, 選菊評花訪寺僧

千萬盆計。 花好種備,

視海上菊市,雅俗判霄壤矣。

天甯寺在京城之西, 馳驛西行者,以此爲第一站。 寺僧取茉莉熏鼻煙, 並儲佳種菊花, 以資生計

倒懸龍爪古槐青, 龍樹寺在陶然亭左近, 逭暑禪房每叩扃。靈産天南形逼肖, 有槐, 葉似龍爪, 倒覆於地, 緑陰如幄。後至南安郡署,見後園牡丹亭(即杜麗娘遺蹟)畔 題蕉又過牡丹亭。

有蕉龍 株, 其形絶肖, 特葉稍勁耳。 槐一蕉, 皆以龍名, 亦天然配偶也

松筠繞徑未蓬蒿, 楊椒山先生宅,在宣武門外炸子橋路南, 諫草千秋敢弁髦。 而路北河南會館大書「嵩雲草堂」一額, 一事最教人刺目, 嵩雲兩字矗天高 巍然高聳, 人多議之

貲郎沿例又齋錢, 調劑官私說自圓。 笑我當年臨渴飲, 尋源至竟愧廉泉。

印結費者,部曹俸薄, 在敷弊也。部員人多,又恐有扶同及爭執等弊,各省乃各設局管理之,酌取其資。同鄉有印之京官,勻分之, 省一律,遂儼若功令焉。但各省豐籪不同。直隸貧瘠,捐官者少, 賴以爲津貼,各省通例也。 捐例初開, 恐品流混雜, 而在部當差者又多,每年所得只三四十金, **飭同鄉五六品京官**,具印結 作保, Ħ.

常省分,每年可二三百金,若川粤江浙之富饒,年竟有逾千金者。

度支須制卅年通, 部員月費,旅俸之外,月給新鑄大銅錢二十錢,一當五,適合百錢之數。 量入甯能韶禄豐。二十青銅聊訓儉, 司農月計不愁窮 雖係錙銖, 不得謂非實予也。 按

郎中、員外郎八十兩,主事六十兩。京官正俸之外加一恩俸。名曰雙俸,養亷則春秋二季,每季只給三兩左右, 總數攤勾,不似外官之有專額也。當日官俸如此省嗇, 亦以中國財力有限,若厚給官俸,轉難爲繼 銀 由

南人交口侈南烹, 北省京宮與南省不同。余同年李少林同部(錫彬),直隸人也,以直隸印結費之微, 酣豢何曾繫養生。 畫粥斷虀容易事, 北人醉飽已忘情 每自訴清況曰:「余家平常不舉

火,上下四人, 每銀一兩, 晨興以一錢市開水, 可易京錢十五六千。印結費一 盥飲俱備。早晚兩餐, 項, 作一月伙食足矣。」余聞之惕然。後質諸滿員之貧者, 四人食鳗首四斤。加以葱醬小菜, 日不過京錢 大率類 千有

土木量工過掖垣, 羣閹趨事肅無喧。 聲唤取錢糧子, 金鑰旋開閭

闔門。

乃悟京曹清苦,北人固倍於南人也

以四品爲止。 管即率小太監引導, 宫中四十八處總管,管四十八處宫殿也, 總管不必盡有頂戴也。然皆面目黧黑, 毎到一處, 即呼錢糧子。 每處以一老太監充之。 錢糧子者,鑰匙也。 形容枯槁,與窮寡婦絕相似。 太監穿靴帽袍褂, 取鑰開門, 勘畢仍閉。 曩余奉差入宫, 有頂戴者, 其無工可勘之處,皆 有無頂 勘估 戴 T. 頂 總 戴

四四

律閉門也。

内官捧賜逮諸臣, 備犒區區例八緡。想見當年宫禁肅, 能令宦豎耐清貧。

太監齎送賜品八件,隨衆給酒錢八緡,卽京票八千,實只銅錢八百耳。尋常召見,在陛下板屋小坐, 太監點火伺

茶。予以四缗,亦即歡欣稱謝,所願固不奢也。

敢將楊意證前身,鬻狗生涯老食貧。不遇相如名不著,朝官但認姓張人。

每到年節,或憐其貧,以兩緡與之。向之買狗者,卻不多見也。

狗監張姓,養哈叭狗頗夥,每對賣銀二兩或四兩。年八十餘,老邁龍鍾。

手持茶壺,强人飲,人呼之曰「狗張」。

公僕供差紫禁城, 蘇拉兩字慣呼名。郞官趨直無兼僕, 蚤夜猶堪備使令。

蘇拉裝束與僕從同,朝官下車人禁城時,即隨行報告,今日某衙門值日,某人謝恩,某人召見,

即本日宫門抄報

一段之語。報畢,又易一人,所報如前。有所詢問,有所使令,應對如響。是亦早朝者不可少之公僕也。每年節,

風流置酒少年場, 給賞京票兩千或四千。平日未經使令者,便可不賞,不賞則下節即不來報告矣。 脆管簾櫳夢未忘。今日梅邨蕭瑟甚,吴趨無處覓王郎。

相公下處,京師伶人所居也。京伶名曰「像姑」,轉音則曰「相公」。其居宅曰「下處」,朝官下朝憇息之所。謂之「下

處相公」,亦稱「下處」,竈異之也。其址在八大胡同,與妓寮雜居而陳設獨清雅,字畫亦可觀,京僚多於是尋樂

焉。今則妓寮盛,而下處竟滅,斯亦可以覘世變也。

巢痕回首已迷茫,富貴真成夢一場。更觸老饕無限感,五香列肆有蒸羊。 富貴街者,夾吏、户兩部之間,而成一街。街設肆,鬻五香醬羊肉,味特美。憶散直時,多購一臠而歸。 癸丑到

京, 部均改屬,思之慨然。

# 郡療憶舊三十二首 余作郡十有五年, 所歷之事,仍仿《郎潛憶舊》之例, 隨意各系

以詩。一鱗半爪,不能盡求備也。

堂皇閲武萬人觀,一介書生作考官。影事追思猶捧腹, 射夫酷似沐猴冠

府考武童" 佘到建昌時,武科未廢,尚考一次武童較射,因舊式凉笠礙目,特制一小笠綴於頂上。

九推鄭重勤農典,五郡迴翔守土官。揭起朝衣親秉耒,黄童白叟堵墻觀 勸農爲郡縣重事。屆期,郡官脱去補褂,揭蟒袍於帶,臂上斜挂朝珠,親自秉耒驅牛,有司隨

後播種,

往返九次。

十四年中八座尊, 行春五馬出東門。 芒神今日歸何處, 漢臘空存那忍言。

迎春亦郡縣重事。余作郡十五年,而迎春只十四次。

芒神迎罷待春回,安置蘆棚鼓吹催。唱到三鞭成禮退, 部民拍手奪牛來。

鞭春之禮,迎春日,將芒神土牛舁回,安置小亭,待春到時行鞭春禮。三鞭後,土民即剥裂土牛,

以取吉利, 例不禁也

祈雨爲地方官所有事。余守赣四郡,地處上游,望雨尤甚。每逢定期禱雨,未懸示,雨即降, 向未詣壇行禮。 重農守土責難寬,地據高原易旱乾。默禱心潛時有應,九年從未詣齋壇。

經術元知致用難, 苦思輸俗枉心殫。可憐下里巴人曲, 此調於今亦不彈。

五

《資生要術》兩書,頒發書院。謝紳味餘曰"「公爲諸生改試帖,諸生甚歡。此書恐曲高和寡。」後

話夢集卷上

科舉改試策論,余乃輯《論纂》一卷刊行,告味餘曰:「君只要太守作三家邨學究,曲徇君意,不得不如此耳!」

天柱灘頭險象生, 礙舟贛石駭聞聲。 劇憐枉費推移力, 難得中流自在行。

天柱灘,爲十八灘之最險者。己亥夏,余調贛州,奉老親及范氏女同坐一船。當上灘時,萬安縣令係同年友,特 添雇一灘師,以示慎重。誰知兩灘師一推一挽,迭聞意見。行至天柱灘,砉然一聲,而水灌入艙矣。幸船將近岸:

僚屬來迎者已可望見。適旁有探差小船,乃乘之而出險焉。

沿灘寇盗隱相侵, 破纜牽舟陷阱深。 鐵索鑄成逾百丈, 一時聊抒濟人心。

過,索貲爲酬。 **灘有名黄泉路者,左近有一段,水深無底,且岸無縴路,篙槳兩無所施。土人以竹纜懸於兩山之巔,船行扶纜** 然纜皆半蝕欲斷, 鏡斷船沈, 則本地小船紛集搶物。 余詢知其弊, 乃飭量竹纜, 計百三十丈, 捐 īfij

百夫負縴力全疲, 壩難於一壩時。 咽盡孤臣惶恐淚, 東坡到此獨無詩。

廉購鐵纜易之。

**赣州至南安,水程二百四十里,而有三百六十壩,壩上下相去四五丈不等。過壩時,** 而一壩又接目前。 **縴夫筋疲力盡,視過灘爲難。然東坡過灘有詩,而過壩無詩,** 殆其飽嘗險阻, 以敷船擁 一船而上。甫 於此不及措 過一

麗娘軼事足風流, 廢址梳妝話舊樓。 授命微官如可託, 殘脂賸粉亦千秋。

1

牡丹亭在南安府後園, 亭畔有荒地一 區, 相傳爲杜麗娘梳妝樓故址。 拳亂亟時, 余指爲全家殉難之所。及事平。

凝別有所建築,嗣因去任而罷。

圍欄養鴨遍千家, 製備南烹索價奢。 沿習爲民圖利便, 年年長至許開衙。

南安府板鴨,爲粤人珍饌。鴨卵産自南雄,移到桂陽孵之, 旋即攜至南安,飲東門外之水。冬季宰而醃之,以冬

至日爲止。每年醃鴨數十萬, 無處可晒,官府大堂皆許其借用。小民生計所關,故曲示體恤也。

迂儒祗解讀農經, 兩載書成付殺青。補得授時通考闕, 英山黍稷有餘馨。

《撫州農産考略》一書, 余聚六縣人才,考究逾年始成,而得郡紳黃申甫駕部、 臨川江雲卿大令之助爲多。 初擬以

《授時通考》爲藍本,後考其所載率略殊甚,遂置不用。此書近爲農商部所采,他時如有所纂箸,儘足以資考證也。

書院俄然改學堂, 當年我亦亟更張。事逾七日承明韶, 風氣開先喜欲狂。

撫郡學堂,辛丑八月初六日,余廢與魯書院而改建也。 院有六齊, 暫仍其舊, 因其時規制尚未定也。 逮八月十三

日,奉旨「各省書院一律改爲學堂」,人羣喜以爲得風氣之先焉。

樹人樹木本同心, 劃地成場用意深。 夾著芙蓉種楊柳, 喜看萬緑瞬成陰。

建郡學堂,余霓舊府廨地基創建, 前劃地作半月形, 沿溝夾種楊柳、 秋芙蓉。 清明日冒雨督營勇掘地三尺 種之,

不三月一律成陰,亦快事也。

循良慚愧溯前塵, 俗物何堪什襲珍。抖擻衣痕叢萬感, 竄名俱是太平民。

漸散失。昨檢舊篋中, 萬民衣者:從前官去任時,紳民或立碑豎腷,或送萬民衣繳及德政牌,以示去思。余在贛日久, 有己亥建郡所送萬民衣一襲,尚完好。傷心世變,覩物愴然 所得頗夥,近亦

政繁賦重拂羣情, 夙夜兢兢惕敗名。 清簡蒙麻承謬譽, 能無愧色到 生平。

話夢案卷上

一人

癸卯余奉諱卸任時,建昌士民所立也。碑文有「在任六載,政尚清筋, 固平時所深自策勵者也。 民蒙其庥」數語, 雖屬謬許,然「清

春申朽骨此埋幽, 暖閣扃門故事留。 顏額墨書懸兩字, 黄堂從古屬蘇州。

「黄堂」二字,蘇府大堂橫匾也。暖閣門閉不開,傳聞堂後即春申君墓

厲壇時祭典堂皇,旂鼓喧闐舉國狂。 士女如雲迎五馬, 畫船七里簇山

三節會者,蘇州府年以清明、中元、十月朔日三次率屬往虎邱祭厲, 名曰「三節會」。

選士文場鬨一時, 甄才末季等兒嬉。似憐老守無聊甚,又遣冬烘作主司。

又設選士一場,爲舊生謀出路,旋即作廢。朝令夕改,不值一笑。唯老守又博得一次考官,亦出人意

勸業新猷盛一時, 郡中物産各捜奇。 大藩財賦彊猶昔, 未覩民康感左司。

外也。

科舉停後,

南洋創勸業會,各府應先立物産會, 預徵本郡物産以爲之備。 珠寶錦繡, 粲然具備, 即技巧器具, 亦出奇制勝,

維新詔罷制科年, 學校如林乍改絃。 更使生徒知稼穑, 吴中風氣此開先。

洵不媿爲大都會也

農學堂之設: 余到蘇時, 因蘇州書院已改爲學堂,獨農校尚付闕如。 余乃創設專校, 以開風氣, 意亦以爲實事求

是也。

講舍東偏地有餘, 分科植物事耰鉏。 腐儒也解談新政, 重讀人問種樹書。

植物園在農校之旁, 因餘地,附設一園,以資實地考驗

立苗概種準良規, 明效收於刈穫時。 一穗纍纍三百顆, 鄉農動色詫神奇。

用朱虚《耕田歌》之法藝之。及驗其收成,

每穗得三百餘粒,

視常農幾逾倍。

傳觀

各外屬,羣相詫異。

農事試驗場種稻,余劃地六畝,

間胥度地及城陰, 墾徧荒蕪用力深。 不尚虚文求實事, 劭農嘔盡濟時心。

余於閶胥各城根空地悉數開墾,以爲農事試驗。當時厲行新政,農事亦新政所不廢,余故以是自任**也**。

寒山寺於庚戌重修, 日本領事送櫻花兩株,卽於寺院植之。

畚锸期成趁放衙。

十七年來如昨夢,

不堪腸斷兩櫻花。

楓橋斜畔路三叉,

百度維新具苦心, 課農餘事創園林。 手栽二萬二千樹, 異日終餘蔽芾陰。

蘇州公園名曰「植園」, 雜植松杉檜柏及梅杏梨桃之屬, 每種各數百株, 園外種桑萬株。 方擬籌歲修之費,

因國變

中止, 園亦改他屬

柔輭猶傳小菜名, 南巡供御記分明。 百官承旨方奔走, 哀韶俄然痛大行。

柔輕小菜, 南巡時曾供御膳。 德宗病時, 内府傳令江蘇貢呈, 未及貢而罷

藍印明文飭百官, 攀髯縞素泣衣冠。 二旬七日遵哀韶, 紅紫同時盡改觀

何年霹靂觸驚雷, 生面宸題獨別開。 大厦已傾樑棟折, 可能需此不羈材。

話夢集卷上

國喪例用藍印。

己酉國喪,

官文書改用藍印、

藍筆, 二十七日而止。

舊制閣部督撫印用紫色,

餘均用紅色。

九

奇崛。

又有一株。

枝柯散落平地,

如雷劈形。

廣逾半畝,

而老幹仍連屬,

則真所謂怪矣。

鄧尉司徒廟有四柏,純廟南巡時,以清奇古怪目之。清、古兩株,固松之本色。一株枝幹下垂, 仍復上聲,勢甚

暗香千里與方赊, 林下徘徊路幾叉。不見海棠增嫵媚, 但看烏柏鬭横斜。

鄧尉梅花甚盛,所謂香雪海是也。近土人貪利,多植烏柏雜樹, 梅花獅稀。

淘河百計苦無由, **鑿井東瀛法可求。怎奈居民安慣習,濁流聲價重清流。** 

井成而汲者皆裹足不前, 東洋井, 即自來水井也。 **敛**曰:「井水有毒, 余因蘇州居民洗米、浣衣與滌便器聚在河畔, 不如河水飲之心安也。」苦勸之而卒不應。 穢濁不堪, 爰於京師雇匠鑿東洋井三口。

金甎備貢庫儲頒, 宫廟需材豈等閒。 匠作初成驚國變, 可堪流落到人間。

方几, 金甎爲蘇州貢物,凡壇廟、宫殿工程需用者, 民間殊不易得。 寬方五尺, 厚五寸, 庚戌年正值傳辦, 以次遞降。 因蘇州土潤工細, 工初竣, 向由蘇州府領款,督同府、知事監造,鐫銜名於側面。分大、中、小 未及貢而國變作, 迥異尋常陶埴也。 不知如何散落。 遇傳辦時, 近日, 貢餘或取以學書, 蘇、 滬園林觸目皆是 或架作

### 憶舊詩書後

見之愴然。

備遺忘 京朝十九年, 强記逮未死。 在外近兩紀。耳目之所經,足迹之所履。影事時上心,瑣瑣難僂指。 隨事矢於詩, 聊以佐稗史。 若謂鶩詩名, 吾意不如此。

### 科舉陳言

變 衡鑒各 試各 取。 秀才 附 先 院 漸 分路 例, 謄 從 試 X 生 録 齟 縣 本縣考 歷代 送 童生 暫且 鄉 龉 極 對 再 考升 禮 會 讀 薦 П 陰陽 學院 損益 卷 從 部 年 試 詆 皆 X 闡 廩增 齒 科 糊 略 1 三試 試後六街迎秀才, 多 股。 差 重 舉, 名。 臨 淮 不 至府衆童聚。 錯 鐘 以 幼 期 悉 廩生 投畀 人仕 篪。 監 穉, 頭場 亂 1 數。 至 八月六, 公堂 試諸 如 明清相 幾欲從豺虎。 鄉試 有 才富 八 制 麻 股 近 E 弊 糧 清。 皇華 院試 古。 似授 真 兼 轄 把遂 沿六 各所 年 如 外簾監 使者 院試 糈。 雀頂 詩 大 ---腹賈。 百 場便覆試, 付 舉 、藍衫興 我從 年, 行 此外 覆試 歲 祖 監 1 科 龍 臨 臨屬 騶 數場 試爭 炬。 科舉出身來, 鳴。 考官 分兩 秀全竊 坐鎮 更 飛舞。 巡 有 此第 總其成 爲 别升 次, 撫 IE. 出 數十名額勝爭 案首前 之輔 據行 途 自紫禁城。 約舉 途, 學院三年循 提 州 童生千苦又萬辛, 無阻 調 + 縣 監 恩拔 名, 經文論 其 H. 外 作 大端 欲 場 試 同 暢談 祇緣 副歲 事畢 職 考, 正 赌。 例 副 賦 其 分 優貢 全案送 序。 後來 肅 明 兼 先後 披沙 今更觀 内 揮麈。 簾 規 雜 草茅 得此 館選寬 矩 按 揀 體 收 分房參文 Ŧi. 金得 縷衍 掌 省 本 科舉 彌 五貢 報 府 層遞 新 東 派 其緒 西 封 酬 秀才, 進 以矛 分場 本 分 付 衡 各 固 府 日 掛 有 場 由 其 童 易 酌 如 名爲 堂名 各條 攻盾 如 書, 遠 所。 縣 酌 生 科 選 近 例 鬼 舉 去

話

集卷上

比。 公車 藍衫 道, 次場 同 Ŧi. 構思渾忘苦。 人首場 第 三百餘名耳。 鞭聲起。 貢士覆試名 考官, 經 稱傳 魁。 先期 晝夜宿· 同 著青衫, 條對詳 五藝分五 隊 場 兼派 逐征 肩 狀元 各分數十號, 特旨派大員, 百數十名作 負被囊 明博獎許。 在 不 埃。 經, 首場三篇四書文,八韻一詩力共努。交卷只限兩日長,次場開門又 白榜懸在禮部前 ·落 監試各御史。場規一切鄉試同, 榜眼 内 鹿鳴盛宴容追陪。 餘者同仁皆 閣 二月趕到長安市 健者炫才擅籑詁。 手篾簍。 裏。 許應殿 與 散 探花 榜, 會同禮部相料理。三月初六人闈期, 號中列舍如列伍。 卷分第一二三甲, 歷場總括十 試候 視。 號中屋小 鼎甲三名引前跪。 如額 甄敘。 中式無 事畢設筵謝 分省定額中貢士。 三跪九叩齊謝恩, 四藝, 出場 不如 應期覆試忙舉子。 考試同在保 、遺才。 舟, 累煞盈 次日旋 號額字取千字文,一目了然供快覩。 先呈十卷取 主考, 滿月放榜亦相似。 足不能伸首常俯。 榜外數名列 二甲三甲首 萬頭 入場, 和 榜首第一日會元, 殿, 同年大會歡銜 煌煌大典天顔喜。 進 巾 忙似 腐。 正 七開 會試例有 副 一名, 次日 榜, 軍書日旁午。 四大總裁奉諭旨。 重陽前後蕊榜開 大卷各奏技。 御殿 各領 各省舉子近萬人,中額 知貢 杯。 副車 夜半不眠候 此亦沿 舉, 次年三 誤 禮罷 大傳 出 中 班 三場策問 洞開 前 臚 職 無 讀卷大臣 俗稱 題紙, 與 月 嫌 近 更派 鄉試 士子 卽 猜 解元 陛。 正陽門, 太和 會 傳 道 初八 脱去 鼓。 題來 試 亦五 殿 派 爾 繼 甲

堂。 亦相 全榜一 比較 毎十 紙。 狀元 説 有 歸 刺 條 班 當。 Ļ, 不 同賜 殿試 歸 刺 謂 無定格 不辭繁。 體蒙録用 廢 紊 馬 及 此 科 網 優 高 試 疾 第 時 在 選 後又朝 如 舉 下三等安排好。 駛。 重 綱。 作 叨 看 畫數少者用 道上 爲庶 恩 亦似癡狂。 新 考, 學, 吾身 光。 同時新貴喜洋 榜探 活士, 一論算收 二甲 排仗同 舍此 考備館選非草 庶常, 曾親 場。 下科 進士 朝考首選稱朝元, 但屬兒時辛苦事, 不能期救亡。 送 散館 洋。 歸, 恩科臨: 賜 見, 次用主事分部郎。 出 語皆翔 身, 草。 待 狀元職首授修 名爲 考量。 時下 泯 及第 持較及第微 疏一 恩旨 實非 棼胥漸今未艾, 三試等第細 主事 義 論 緣此。 鱗半爪烏能忘。 渺 撰 茫。 分部縣 再次中書縣卽用, 1 兩 韻詩 低昂。 試 亦 繼聞 卽 甲及第最堂皇。 計 分會 分省, H 三甲 低徊 論。 貢士 試 卷用 題 與 改策 鄉。 賜 成 往事 事 每 白 況是一段大掌故, 下 等 進 爲 摺 王, 科場 免草 吏部 酌劑名額費 同 心徬徨。 論 畫 進 榜眼 榜掛 春 士 分省算 稿 旋 循 官守 舊章 卽 見 禁垣 滿 探 收 出 周 卷 花 紙 成 身 束 授編 欽派 用 兩字 詳 樞 陳言 歸 例 其 黄 學 餘 臣

歷 選額 爲送府之名次。 漸 科舉始 轉影 自 隋、 院試 響, 唐, 寝成 覆試 而以 亂 制 局。 義 院覆試例有兩場, 取士, 縣 試 覆 則以前明 試 覆 爲 後添 試或四 盛。 詳 場, 場, 見 梁茝林。 名曰『浮案』, 或五場, 制 可 義叢話》。 臨時 學 酌 額 不 定。 館 選 逐場 律, 減黜 舊以錢糧多少酌 同、 光以 來 則 翰 林

禁我

説

短

長

話夢集卷上

五貢 或曰「入庠」,人縣學曰「邑庠生」,撥入府學曰「郡庠生」。例由府縣教官月課。 録、 主副考官, 切。 交謄録生以硃筆易書之,謄畢交對讀生對讀,謂之「硃卷」,送人内簾。取中墨卷, 改總督, 五貢皆貢國子監肄業,准入順天北閣。生員欲入北閣,仍須捐監,名曰「廩監」、「增監」、「附監」。 計赴試名數, 省中額不同, 各史館寫書, 會試」,雲貴遠省並許馳驛, 對讀分所, 號舍: 至公堂: 其主考、同考及内外簾各官, 增生, 院三年考優貢一次,十二年考拔貢一次。廩生年深,於歲試時升爲歲貢, 亦有奏請學政代辦者。 雲南、貴州兩省,五月卽派,餘以程途遠近類推。其順天、直隸士子,在京都貢院鄉試, 酌定中額, 號舍亦數十間,長短不一,每號派營兵兩三名供役,名曰「號軍」,外省或曰「監試軍」。 同科中式者謂之「同年」,不同榜者謂之「天下同年」, 功課完滿, 所各有官,謂之「外簾」。同考官試卷交收掌官,由收掌交彌封糊其名, 定期集一等生員及新秀才謁見,名曰「簪花雀頂藍衫」。簪花後,先謁孔廟。故秀才名曰「人泮」, 皆按定額挨補。 憶閩中至公堂, 先期請旨宣示。 議敘知縣等官。 餘亦例有川費。南省後亦有輪船特送者。會試中額:各省舉子不滿萬人,分省校 内簾監試以知府充之, 童生考試, 有聯云:「場列東西,兩道文光齊射斗,簾分內外, 則於初六日欽派, 又舉人過三科,大挑一次,屆期派王大臣在内閣挑選。 額外取謄録百數十名, 應由廩生二人作保, 當日入場, 外簾及提調則以省道充之。 如鄉試副榜之意,由吏部發榜。 與會試同。 名曰「廩保」。 而皆有齒録。 監臨 府院試時, 廩增:附生歲科兩考, 會試: 遇恩科則爲恩貢,副貢即副榜。 收掌彌封: 存在外簾, 俟寫榜時查號 巡撫例充監臨, 而另編號, 毫關節不通風 廩生應到場識認 舉人進京旗號曰「禮 以二十人爲一班 腊録舉人, 鄉試考官: 收掌、 謂之「墨卷」。 若無巡 撫 榜額 得一等者 名曰「北 彌封、 甚 唱 爲 各 拆 腊 部 確 則

均改設大學堂, **生童歲科兩考,仍先試經古一場,專試中國政治史事及各國政治藝學策論。正場試四書義、五經義各一篇。** 考試及武科鄉會試, 降旨後, 試差,庶吉士散館,均用論一篇、 改編修, 每班挑一等三人爲知縣, 散到主事者。 中三元」。朝元不在此例。三試等第: 端門、午門、 卷用紅格紙, 二場試各國政治藝學策五道, 情願歸原班者, 餘可類推。 庶吉士屬翰林, 皆當爭自濯磨, 三甲改檢討, 歸班: 正陽門, 一文一詩。 各府及直隸州均改設中學堂,各州縣均設小學堂,並多設蒙養學堂。 大概得四五畫方得庶常。 著即永遠停止。 亦准其請。 無額缺, 升殿時皆開正門,狀元出門後始閉。朝二元: 鄉試解元、會試會元、殿試狀元, 殿試不人三甲者, 次則散爲主事,又次則銓選知縣。 務以四書五經爲根柢, 二等九人爲教職,餘八人落第,俗謂之「跳八仙」。一頁士覆試: 殿上考試,禁繼燭。 策論: 取《書經》 策一道。進士朝考論疏、 三場試四書義二篇、五經義一篇。考官閱卷,合校三場去取,不得偏重一 學堂 光緒二十七年七月奉旨:「自明年爲始, 以知縣歸部銓選, 若此省内無四五畫之人, 則六七畫 亦可 「庶常吉士」之義, 如一等作一畫,三等作三畫,最優者覆試朝考皆一等, 次日欽派閱卷,分爲一二三等。正陽門: 光緒二十七年八月奉旨。 究心經濟, 殿試策問, 其選期甚速, 力戒浮囂, 謂之「歸班」。然亦有舊有官職,因甲第太低,不能得庶 呼爲「庶常」。 均以中國政治史事及各國政治藝學 以副朝廷求治作人之意。 名曰「老虎班」。 三鼎甲仍須考, 「京師已設大學堂,著將各省書院於省城 次科仍須考詩賦一次, 鄉會試頭場試中國政治史事論五 將就, 其教法, 俾 太和殿前, 免一 貢士覆試在保和殿, 以四書五經網常大 」又論: 省向 優者留館, 殿試二甲則爲四 隅。 有長安門、 命 謂之「連 散館亦有 「武生童 題。 浴試 庶吉 場 二甲 自

義爲主,以歷代史鑑及中外政治藝學爲輔。」三十一年八月奉旨,「自丙午科爲始,所有鄉會試一律停止,各省歲

科考試亦即停止。以前舉貢生員,分别量予出路。」尋政務處奏定章程六條"一、酌加優拔貢額,一、考用階級" 1、已揀選舉人,准分發,一、截取舉人,毋庸用教職,一、生員考職,一、貢士准赴部呈 請,帶 領引見 録用。

二六

## 話夢集卷下

以詩。 義, 與余情意相感者, 歎舊懷賢詩二十二首 未嘗不可竊取。 雖僅一鱗半爪,然五十年來世變, 輒惓惓於心而不能忘。 溯自歷官中外, 少陵八哀詩, 與世周旋久矣。其間名公鉅卿及平生師友, 爲歎舊懷賢作也。 人之云亡, 感慨係之。今追尋遺躅, 亦可於此存其概已。 余固不能詩, 而歎舊懷賢之 有

餉, 名臣,史自有傳, 沈文肅制軍葆楨,號幼丹。公由翰林出守廣信, 寇至,夫人以血書乞客軍援。公歸賊退, 無庸多贅。唯公一生功績, **積功游擢贛撫,後督兩江。** 時中原俶擾,贛省半糜爛。 要以贛爲發軔之始。余到贛,前後閱 公爲中興 公赴鄉籌

十七年,而材庸政絀,弗克追步前賢, 慚愧無地已。

公車極艱苦, 先人翰墨溯因緣, 常令余侍側。 故前輩下第多留京用功,俗曰「宿京」。 京華摯語勵官聯。 千佛菴中講藝年。 公以兩江總督晉京陸見, 道光甲辰, 先君子與公同下第, **穉歲清遊陪父執**, 以余有改外意, 公筦船政時, 在千佛卷作會課。 乃曰: 「京曹雖苦, 休日每到余家, 當時海 舶 與先叔手 bj 未

衣已齊備矣。 退可守, 何必見異思遷?」 」其清貧殊可敬也。 生平儉德資懲靡, 域外激觀斥慕擅。公外交手段不弱,嘗告余日、「今日中外, 公撫о時, 只御羊皮外褂, 速督兩江, 貽書友人曰,「吾今日官 皆有得過一日是

日之勢,中國人不必自愈。」飲水章江逾十稔, 後塵窘步愧前賢。

初政, 郭遠堂中丞柏蔭, 及身親見, 查京倉舊案, 浩然引退, 亦幸事也。 枉被坚誤解職,歸主鼈峰書院。旋起用, 春榆侍郎祖也。 仍主講鼇峰。 公道德、政事、文章, 公講理學,詩學尤邃。 迥絶流俗。 游擢封疆, 初以御史外任監司,乃以稽 前輩風流, 兩撫吳楚。 光緒

章疏皆以「依議」二字了事,言次頗有憤色。 里。 先世神交道義論, 跋而旦, 余少時拳拳服膺, 即師前事也 前後鼈峰未及門。 日以爲常。 與吕新吾 一編鄂集餘鱗爪, 公與先君子至交, 《呻吟語》同。 公兩主鼈峰, 家藏函牘, 余前後皆相左。偶騁高談砭閣部, 閉鈔詩卷課兒孫。 魁奇鶴骨容親炙, 章水分流許溯源。公撫鄂時,與同鄉聯吟,刊鄂集。余成賴集, 皆道義相規語。 公骨相清峻, 公精詩律,晚年少睡,夜半燃燭, 嘐嘐弱冠誦微言。 聲若洪鐘。 公以閣臣、部臣不能振作, 余進京銷假時, 公著《嘐嘐言》 手鈔古詩,見 兩編, 適公歸 凡百

錢湘吟侍郎師寶廉, 余卷即爲師所取。 幹臣總揆尊人也。 余素讀《管輼山稿》, 師以名翰林, 作文病奥晦。 疊司文柄。 首場題係「修己以安百姓」 丁丑 會 試, 充 副 總

外。 師旋調吏部侍郎, 題難而思苦。 闡後閱卷批云: 體氣素弱, 而研精公牘, 「後二比迴環説來, 不稍厭倦, 獨得神理。 積勞終於位。 鑒賞出於意 賜祭時,

幹臣出迎天使, 纔數齡而已。悽愴情景, 猶依然在目也。

使, 承恩稠疊與文衡, 書之貴也。 同 列 牢騷豔 行馬郎君他日貴, IF. 卿。 面目枯癯骨相清。 天使來時, 宣南話舊倍關情。 余問邵汴生侍郎亨豫云: 五色不迷邀朗鑒, 「此外尚有何邮典?」 三銓盡瘁概平生。 邵 E 「只此而已。 孤兒髫齔迎天 一今日乃

中興, 寶文靖師相 功業豐偉, 整 號佩蘅。 史自有傳, 師退居八年, 余《春明夢録》亦頗著梗概。 余時往問候, 慨談往事, 兹録 一二軼事, 受益極多。 聊備補供 師翊贊

而已。

詩, 又有鼎甲門生出京散卷, 褂, 倉庫赴熱河, 个中興柱石臣, 有「釣鼈乏術慙龍伯, 取 舊貂 留賓典絮談賢助, 襲予之, 師拒之, 丽 奉旨即處斬。 八年杖履喜迎春。 嫌不稱體, 師戒之日: 失馬澄觀笑塞翁」二語。 垂老難忘白屋貧。 又易一 「受恩多則立朝難, 後改以五品衡署本任, 貂。 某以熊魚兼得爲請, 釣鼈神技平生志, 刀鋸餘生襄帝業, 師少時極貧, 汝前程遠大, 旋即大用。 師笑而付之, 作文會, 勿以未能免俗自解也。 金貂厚餽諷 失馬澄觀坦蕩身。 師任户部侍郎, 師母典棉衣以供客。 日: 門 「我不能吝, 人。 端 華、 師之憐貧勵操, 師以某太史雪中 肅順 師《退樞直示 師以京僚苦貧 汝似稍 弄權, 貪 欲輦 大率 了。 1 無貂 志 京

常持此語勖之。

旋官户部侍郎 號子綬。 余時常通謁。 丙子秋闈, 師體恤寒士, 師主閩試, 格外加意。 以余五經文進呈,是爲余受知之 慕韓總揆近日之汲引後

進,頗有家風也。

惠,

賸有餘慶在鯉庭。

御覽曾叨貢 屏許乞靈。 五經, 師講理學,嘗書語録四幅相贈。 名場早歲辱垂青。 杜厦白裘恢雅量, 宸書滿壁榮承 寵, 光風霽月式芳型。 師爲毅廟師傅, 御賜聯區甚夥。 平生功 業 語 録

使英、 洋數萬言, 熟悉洋務, 薛叔芸副 亦須有二十年功夫, 「外交」二字名目, 勢將駸駸大用, 法、 [憲福成, 義、 時無出其右者。 殊足以推倒豪傑。 比四國。公學識宏博,對人談訥然,若不出諸口,及發爲文章, 公爲余婦翁撫屏副憲之弟。婦翁引疾歸,公由甯紹台道轉京卿, 乃與婦翁俱以副憲終, 交涉皆沿稱洋務。 方能精到。 在京時, 凡使臣例有日記, 然特偏端耳, 與余情意甚殷摯。 公抱負非凡, 殊憾事也。 正不必學也。 公與郭筠仙、 故不願以是自炫也。 余欲從之學, \_ 蓋 曾惠敏所撰爲最著。 **二其時**, 公曰: 中國尚未有 迨聲望日 「洋務 洋

槃敦宣猷大體存,

郭曾聲望後先論。

弟昆共秉南臺憲,

輩行端推列嶽尊。

相勖官常皆擊

5

縱談域外悉名言。公嘗言:「將來海戰、陸戰之外, 必有雲戰。」今飛機盛行, 其言驗矣。 滿家著作尤

**関肆**, 經濟文章具本原。所著文編、筆記及奏議、 日記, 均由三公子慈明觀察次第梓行。

皆以極諄摯之語,推誠相與。 麟文慎相國書,號芝菴。公先後爲吏部堂官, 時德宗親政,恪謹朝章, 與余極相得, 殷勤指導,無微不至, 相度謙沖, 商推公事

近情, 老成可敬。 未遇政變, 便薨於位, 真厚福也。

以花開之衰盛, 兩耳 劍憶推誠。 垂肩善氣迎, 令終贏得耆年福, 卜堂司官之枯菀。 藤廳十載 契平生。 吏部堂前有藤花兩架, 容人儘有休休度, 未與朝端水火爭。 炫衆初無赫赫名。 顏額曰「藤花廳」。 不喜摸稜輕署諾, 驗封司司堂亦如之。 每從負 俗每

年, 選。余出守建昌,臨行諄諄以循良相勖。 李文正相國鴻藻,號蘭蓀。 見其勤勤懇懇, 實事求是,言笑不苟,而待余頗厚。 公爲毅廟師傅, 公人直樞廷, 在弘德殿行走,後任吏部尚書。 旋進旋退,其事蹟史自有論, 余考軍機, 以第一名保 余從事多

如水臣心體國忠, 余不必贅辭。 儼然正色立朝風。 但老成典型, 求之當時, 黨爭甯免清流謗, 已不可多得已。 論定難渝直道公。 世事那堪疇昔

徐忠愍尚 書用儀, 號筱雲。 余在部時, 公任侍郎, 兼軍機。 通達治體, 心氣和平,而 溯

典型誰

與老成同。

當年選卷邀青眼,

豈爲詩才愛考功。

郎景澄、 頗肯任事。 事缜密, 袁京卿昶同時昭雪,浙人爲立三忠祠祀之。 尤令人愜服。乃以大才難用, 遇堂議紛歧時, 與之商権, 皆以一二語剖決。 旋退樞直。庚子拳亂, 私第過從, 竟遭冤獄。 情意殷拳 後與許侍

見也。 祖。 守職拘拘固失宜,相干獨信我無私。人每有以部事饶公通融者, 更可悲。 不撓新法知懲弊, 每遇羣咻善決疑。 公嘗語余云:「人言鐵路有萬利, 任事儘容憑大勇, 抱才恨不遇明時。 余何能遠?但將來必有意外之弊。」及今思之, 公曰、「某人不可干以私者也。」言者輒 三忠寃獄公躬與,天道人生 不爲無

他屬, 以身殉, 徐蔭軒相國 桐,公道貌岸然,嚬笑不苟, 惡太嚴,不免偏激,余亦不甚徇之。 人亦未嘗不畏憚之。久任吏部尚書, 不得謂非知己也。戊庚之變, 殊可慘也 公雖不喜余, 政局紛揉, 於余及李馥庭方伯紹芬 人多以假道學疑之。 公不能無矯枉之過。 然一遇重大事件, 然秉性侃直, 獨加委任。 聯軍人京, 卻不肯舍余而 不阿權 唯 嫉

似, 蹇蹇平生矢匪躬, 老臣愚闍未忘忠。 頗疑抝癖半山同。 是非千古原難定, 污塵每惡元規起, 豎子甯真敗乃公。 關節從無孝肅 謂公子南士侍郎 通。 道學淵源休辨

李文忠相國鴻章, 號少荃。 公在同光兩朝, 豐功偉烈, 彪炳史册。 今但舉余所聞見

# 者瑣敘之,以誌景仰。

臣。 根阨, 撤不可。 上相衣冠八尺身, 開復也。 樂文忠相國 猶認麻姑山色新。 公七十 賜壽, 」且謂「我此後服膺老子, 成就銘鐘鏤鼎人。 嗣在崑師處, 謝恩摺有「三十年爲世, 禄, 初從蹕路謁清塵。 號仲華。 余出守建昌, 絕不爲天下先」。公時以中東之役,異常憤激, 一竅不通□諫職, 時相款接。 公爲崑師母從兄, 受恩獨久於諸臣, 過津奉謁, 余前隨 扈東陵, 旋余出京, 公謂: 公嘗與余言:「御史一竅不通,妄議國是, 五百里近畿拜賜, 「建昌昔曾駐兵麻姑山, 英年早貴, 公以直督請駕同行, 公重復大用。 中道蹉跌。 每先於羣牧」語。 言固有爲發也。 沿途多渥遇。 余以雲泥已隔 樹木極佳, 余相見時, 西江乞郡親談 卅年爲世傲諸 風景依然在 飽經錯節 將來都察院 未與通 尚未 目。」 盤 非

一信。丙午到京,而公已薨於位矣。

辱厚施。 肚歲逢公養障時, 公自西安將軍回京, 偶操閩語訂相知。公亦解閩語, 飽余羊裘、毛毯。 臺省秉鈞疏問訊, 事見《春明夢録》。 雲泥揣分恥言私。 師門飲讌聯談趣,秦嶺氈裘 輕塵重踏風

徽渺,回首前塵集百悲。

心不容没也。 翁文恭 然其加意 相國 同龢, 語詳《春明夢録》, 汲引, 叔平。 不無可感。 余於公爲通家後輩, 公重遭疑謗, 不更贅。 余守蘇時, 身後是非自有青史, 而無堂屬之分。 因勘災過公常熟故里, 平日無私謁 但其 忠君 而公之 愛國之 面 之

墓木拱矣,爲之愴然。

地, 端凝風度美鬚眉 論定千秋萬歲時。 兩代經筵重帝師。因事納忠原不讓, 過墓空揮知己淚,虞山草木有餘悲。 愛才若渴豈爲私。 身居衆難羣疑

崑文達師相岡, 母極賢明, 内眷時有往來, 號筱峰。 余隨侍最久, 事蹟已詳《春明夢録》。師事太師母至孝, 師母愛范氏女尤篤, 蹤跡可謂密矣。 師與榮文忠公爲內 師

弟道義之交,殆不愧古人歟!

親,

余於文忠亦素投洽。

然文忠當國,

烜赫一時,

余沈滯江西,

未曾一涉竿牘。

師

贐, 師門警欬廿年親, 師嬰風疾退休,相見不能語,爲之愴然。瞑目不知陵谷變, 視疾無言淚滿巾。 風節崚嶒式搢紳。 余乙未出守建昌,師餞余。惟二人對飲,並以二千金爲資。 移晷縱談時世事, 騎箕天上獨歸神。 賞心共契古人真。 丙午到京, 臨歧對飲金爲 始清夙 負。時

有緣也。 汪柳門侍郎鳴鑾, 及于役吉林, 迨移守蘇州, 又以奏稿五十三開歸余一人撰擬, 公制藝爲江浙四大家之一, 余素欣賞之。宣南相見, 公適流寓胥間, 重復歡聚。 極爲歎賞。 不兩年, 沿途又多唱和 公作古人矣, 歡若平生, 翰 思之 墨固

文字三生若有緣, 長安一笑各嫣然。 借才敢副千言選, 趲驛相從七月天。 遼海駝鈴餘和

黯然。

句, 將軍長順 敬文恪相國 郇厨鹿尾尚流涎。 内務府郎中慶寬兩案, 信, 號止齋。余在部時, 平生飽嘗異味, 以公厨鹿尾爲最美。寓公杖履重陪日, 上意難測,當時不免懷懷危懼。 公任侍郎。 余承辦欽案多次, 夢斷姑蘇又廿年。 事詳《春明夢録》。 唯從公查辦吉林

公於拳亂平後薨於位, 不可謂非福 也。

别, 三銓綱紀慎維持, 餽 贐 兼金恤及私。 躁釋矜平矢退思。 余出京時, 公爲籌備川資, 頻歲潛郎勞拂拭, 後因款集未受。 忠厚一生饒後福, 兩番大案歷危疑。 乞麾僻郡難爲 陸 沈已是考

公以白髮老臣,一人隨行, 參樞政, 王文勤相國文韶, 諳習政事, 號變石。公充軍機章京時, 氣度從容。人以其老於事也, 榮文忠尚且後至, 錚錚有聲。 可見老成人之可敬也。 輒以琉璃毬目之。 旋外任, **游膺疆寄**。 然西幸之役, 丙午到京, 復人 見

平生幹練濟精明, 余外簡以舊屬禮往謁, 公告慕韓, 中外迴翔享盛名。 以出色人才相譽。摸稜莫便騰疑謗, 邂逅識荆原有分, 慇懃説項自多情。 蒙難端應賴老成。 公曾署吏部侍郎, 京邸 重逢

其老邁龍鍾,

兩耳重聽,談及時事,

猶嗚咽欲泣也。

傷耄及,關心宮府淚縱橫。

陳伯苹中丞 啟泰, 公以名御史出典郡, **游擢封疆**, 老成持重, 守正不阿, 與余極 相

話夢集卷下

具詳《郡齋影事》。其時端督方、瑞升藩澂、蔡滬道乃煌, 皆恃有奥援, 隱相陵

公皆優容之。三人後俱不得其死,而公獨善終,天道固昭昭也。

遂悻悻告病。燭奸明鏡孰能蒙。相憐老守懷同病, 屹然雅俗鎮吴中, 未改臺端謇諤風。選將大權甯肯替, 公曾任首府, 瑞升藩以標統人選,强行干預, 十年不調, 時舉以相慰。 盡瘁孤臣矢 公峻拒之,

撼樹蚍蜉徒自斃,

輸公獨以令名終。

獨著。 張文達相國之萬, 亦有所憤也。管吏部年久,余到私宅啟事, 曰:「摩天嶺距京遠在千里,敵人運械到京,談何容易, 顧問而已。 少年跌宕風流, 甲午一役,不以主戰爲然。 號子青。 垂老已歸平淡。 公以名狀元久歷封圻, 摩天嶺之敗,主戰者紛紛移眷出京, 及任軍機, 談次每咨嗟太息,蓋知其不得志然也。 晚登揆席, 則年事益高, 主戰者又何張皇乃爾?」意 視尋常狀元宰輔聲望 朝廷亦重老成, 公謂余 備

風流。 籌。 **摳衣**忝附年家子, 謂甲申、 甲午兩役。 家有古罏, 公與先君子丁酉同年。 飽看塞外風 日遣僕磨擦, 雲變, 然無甚名貴者。 鈴閣追陪歲已周。久歷疆圻儲偉望, 隱厪朝端水火憂。退食鑪香餘品畫, 兩番帷 老來減盡舊 幄賴前

丙午到京,公已易名文達矣。噫,

不得謂之非達也。

**應文端相國傳**案, 號滋軒。 公任閩臬, 余於同鄉公餞時, 匆匆一見。 泊丙午起 復到

万 公適入軍機, 例應往謁。見其兩耳重聽, 老態頗足, 然談論時事, 娓娓不倦。

語多洞中窾要。有一次厲色言曰:「中國百姓太愚了, 何得了?」及今思之,其形容猶可掬也。公在當時, 阨於親貴, 中間這一般人又太刁了, 又格於新潮流, 如

與非, 不得意, 自有語妙入玄之時, 人競以「不了了」目之。其實,公起家牧令, 所謂「深人無淺語」, 宜門外漢之懵然也。 久任封圻, 熟精治理。其辨是 余以候簡人員

則必見, 見則談必移時。 回首前塵, 有餘慕焉

遇缺卽用,

於朝貴無所用其奔競,

而喜公之善談也。

候簡閲三月,

月必一再謁,

謁

説, 耳聲背俯步蹣跚, 處士虚聲只永歎。 宰相人將伴食看。牧令起家饒見地, 車馬不喧談塵治, 虚堂未覺客氈寒。 老成更事厪憂端。 司徒銅臭甯堪

頗以揮霍訾之,然家無私財, 甲申戰役,以閣學簡晉撫, 張文襄相國之洞, 號香濤。公應試屢遭迴避,發科較晚。 隆隆直上,遂由封疆人樞廷, 則可共信者也。 生平事蹟, 余到京後, 史自有傳, 薨於位。 公規模閣大, 公尚沈滯司業。 今且就吾聞見

所及, 瑣瑣言之。 有一

免羈留誠異數, 京朝滯迹久知名, 公於外屬謁見, 商賈城南有頌聲。 多羈留旬月, 余以愛養介紹而免。賴親櫛沐有同情。 帽舖夥與余言。「公買物不還價, 過節不欠賬。 余嘗自謔, 」極口稱讚。 「勤洗

足學曾文正, **嬾薙髮學張香濤」,具有大臣風範。** 禦拳局竟東南保, 庚子東南互保之局, 公與劉忠誠主之。 勸

學才堪震鑠驚。 公著《勸學篇》, 雖詳舊學, 已開新學之基。 不戢自焚遺疏語, 知公伏枕具神明。

弢菴處得公遺疏稿,末有「弗戢自焚」語,甚痛切。

侔也。 故知余, 出京時, 溥玉岑尚書良, 意。政變後, 公亦系出天潢, 然無 倬雲尚在部, 鬱鬱以終, 一席飲饌之雅, 公弟倬雲司寇興 乃丙午到京, 而與親貴格不相人, 殊可悲也。 蓋公操履謹飭, 與余同考功, 相隔十二年, 故雖起家翰苑, 恂恂儒者, 且多同差, 已以刑部尚書告病矣。 晨夕相見, 其與倬雲之倜儻氣象固不 位躋正卿, 情好 時有歉然之 無間。 公以倬雲

髮, 慰藉。 春秋 畢 同列兩周官, 薦衡 世 純修付蓋棺。 應韶格原寬。 兄弟真無媿二難。 更爲季方叢百感, 宣統初元, 韶部院保薦人才, 説項贈詩情自摯, 摩挲緑玉淚闌干。 公長禮部, 保薦二人, 余出守時, 倬雲曾以緑玉煙管見贈, 而 公逢人爲余稱屈, 余 與馬。 滿腔 且對 孤 前作 憤 余 《緑玉 歸晞 極

歎>。即其事也。

香一瞬朔斯專。考化雅思

心香 余遂無常師焉。五緡手奉束修虔。 瓣溯薪傳 髫齔難忘問字年。 師每月束修皆余手奉。 八載身依函丈久, 泰山巷陋餘家具, 師老於優貢。 余七歲從受業, 師賃泰山巷小屋以居。 十四 正 逝

習海軍, 七字對,先君子謔之曰:「其父表章六經,其子僅通七字。」蓋其時文人笑謔,多用八股文也。後煥其三世兄出 洋, 絶域著鞭先。 誼堂高託硯田。 充出使奥國大臣, 制藝「又聞君子之遠其子也」,題有「其父表章六經,其子僅通二義」語,膾炙人口。 左文襄督閩, 得風氣之最先者也 招舉貢校正誼堂書, 旋設正誼書院, 師迭得優等。 卻笑六經終遠子, 師世兄長者作

## 懷程九希師鵬

得句, 慘也。 以場中作賦者少也。 第七段有 虔博學憎時命, 雞蟲得失亦尋常, 宋玉招魂馆肺腸。 便喊茶房。 師主試, 「從此蠻煙瘴雨, 在内廳面試, 檐餘寸晷許終場。 桂屏性高潔, 遂就寢去, 發軔科名未易忘。 功標一柱之銅; 師楚人, 隨時看稿。 蓋因前數場文已入彀也。 文才斐美, 卸署閩縣, 笑他鑿齒雕題, 古學場試「狄青元夜張宴奪崑崙關賦」, 縣試原許繼燭, 與余交擊。 余五應童子試,乙亥縣試,取前列第四名,旋入庠。 後補南安, 丙子中副車, 錯鑄六州之鐵」一聯。 桂屏即是年案首。 余與桂屏二人遲至三更尚未繳卷, 旋即下世。 鬱鬱歿京師。 今日五經成埽地, 鄭福崧, 句本不工, 以「火樹銀花、星橋鐵鎖」爲韻。 余臨其尸, 友山學土瓊韶之公子也。 乃於稿上即加密 師乃朱書一 尚 側面 那堪浩級話 鐵鑄六州欣 而 卧 條云:「茶 圈 殊 鄭 余 可 亦

#### 益盛。余居京十九年, 榕 **蔭堂感舊詩二十四首** 歷時既久, 榕蔭堂者, 晉接尤繁。 吾閩之福州新館也。 老來記性鋭減 後經重修, 回首舊游, 同鄉觴詠之集 曹然如夢。

話夢集卷下

紅羊。

今撮舉其事, 即輩分、科分之前後,亦祇能略爲詮次而已。 或互詳其人,隨意分詠,不敢言無罣漏也。 至諧公之官階宦績、 無暇

者也。 謝枚如中翰章等,公余之表兄也。經學湛深,諸家箋疏多能背誦。工古文詞, 歡聚十日, 頗物色之。黄榜發,乃以策內有諷刺時專語,置三甲末。 有名於時, 經師人望, 後乃告就中書原班, 此後即不復相見。 歷主書院講席。丁丑會試,與余同寓圓通觀。是科俱報捷,當道震其名, 一時翕然, 旋以大耋終。所著《賭棋山莊文集》, 晚年主講致用書院, 仍歸里主漳州丹霞講席。余戊寅過漳州, 即王文勋中丞 例應歸班選知縣,時論爲 凱泰所剏專講經學 行於世 於其書院中 少即

教坡老負平生。五經腹笥難窺藴,三影詞才偶倚聲。公以餘事填詞,亦爲世所重。 圓通觀裏夜初更,情話依依步月明。 場後無事,同人常在庭樹下步月夜談。 忽感劉蕡儕下第, 一别丹霞成

追歡十日倍多情。

郭穀齋廉訪式昌,春榆之尊人也。以名孝康作郡兩浙, 和藹之氣, 頌聲尤載道。 溢人眉字。 間以海運之役,晉京盤桓匝月, 後昆濟美,籍甚一時。 天之報施善人, 傷詠極歡。 卓著循聲。 放不爽也。 對人無疾言遽色, 擒服巨寇, 綏靖

播然兩量正如霜, 妙語天成獨老者。世事飽更供一笑,公遇後輩高談腦論時, 只微笑而已。 宦游

姑爲此兩子計耳。」迎人善氣餘和煦,擒賊神威已斂藏。蘭桂滿庭俱貴顯,填門衆喜識餘慶。 累載賸空囊。 公挈兩少君晉京,時纔敷齡。 余問曰:「年伯年高福備,何尚俟懷作此行?」公曰:「余宦蹇蕭 然,

孫穀庭方伯翼謀,公以翰林出守安慶,膺卓薦, 見時, 適余帶班,以鄉先達之分,紆尊下逮, 性情純摯,大有公瑾醇醪之風。 升兩淮運使,游擢皖藩。當卓異引 出京

**絲布者,半絲半綿織成,價廉於湖總也。 絶憶江亭風雪裏,** 石,公喜讀毛《詩》,背誦衞風,手舞足蹈,獨得神味。崇樸衣常屏綺羅。公自奉儉約, 拜恩兩度步鑾坡, 後,音書不絶。哲嗣述亭太守,需次吴中,與之同官,交誼益加密焉 晨直趨陪聽玉珂。 蔾火分從天禄久, 棠陰留在皖山多。 如仙好句足長哦。 陶然亭吟集,遇大風雪、 到京後獨着絲布袍。 讀經聲尚鏗金

公得佳句甚夥。

龔藹人方伯易圖,公以庶常起家,官山東登萊青道。時髪捻己平,元氣漸復,公在任 最愛説東坡, 致極豪。 甚得意, 不數時,即解職歸營, 旋擢粤藩。到京觀見,與余頗投洽。自矜文采,尤善詼諧。讌游匝月, 日啖荔支三百顆,天下幾人學杜甫, 别墅於烏石山,名曰「雙驂園」。題一聯云"「平生 安得廣厦千萬間?」亦可想見其

冠玉丰姿似少年, 翩翩曾是玉堂仙。 恩承漢殿三霄露, 身惹齊州九點煙。 喜啖荔支参宣

豪概矣

74

法以蜀黍初茁, 飽餐珠筍侑歌筵。 粒小如珠時擷而烹之,味極甜脆。 公素眷梅伶巧玲,即梅蘭芳之祖也。邀飲其家,庖饌甚精。有珍珠筍一味,製法尤別。 余在贛、蘇時, 每仿製之。但一盂之筍, 須破蜀黍半畦耳。

聯語饒文采,林下逍遥晚福全。

嗜好, 耶。 酒酣時,追敘當年邊塞隨侍之苦,及奸相媒孽之謬,輒怒髮衝冠。公寡交遊, 林心北太守共樞,公文忠公之四公子、子安亡弟之婦翁也。公善飲啖, 過從三年。 嗣文孫朗溪左丞灝深、季湖太史步隨,先後崛起, 唯喜與余及管樵二人手談, 公出守汾州, 在上斜街作終夜之談而别。 旭齋偶作陪而已。時公事多暇,間兩三日必一集, 到京結社聯交, 誰知地角天涯, 至今音書尚未 從此竟成永訣 宴客饌必豐。

晨夕紆尊許敘歡,古心古貌古衣冠。烹鮮常喜賓筵盛,盡興渾忘夜角殘。 公巡城時,夜邏每在門前吹角。遠塞奉親時憤慨,斜街泣别賸汍瀾。文孫猶共分吟幟 公精神健旺, 毎談

銅鉢聲中羡二難。

斷絶也

襲禹疇侍御履中, 次了」。公曰: 升御史, 「纔七次耶!」可知公之困場屋,不止七次矣。 皆在中年以後。 公余之姨丈也。 嘗問柳丞日: 年登耆壽, 興趣不衰。 汝 到底 應 初以援例任兵 鄉 試 暇時每懷詩猜數百條, 幾 次?」對 部 郎, E.

時余記 與人賭勝。余與管樵、 性頗鋭,遇有重出者, 余亦不能常勝, 心貺、 則喝曰:「圓領大袖, 伯雙、 柳丞, 時從之遊, 此明朝之裝也。」公坦然不以爲 詩猜不肯多備,每新舊間出。 逍遥自得,

此其所以妙也。平日口不言貧,

與人

瀟灑 風流。 求之前輩, 不可多得也。

意。

然目迷五色,

物, 是翁矍鑠盎精神 典到琴書不厭貧。 同鄉皆不知題旨。 翻以孩心見本真。 公日:「我昔官兵部, 卻笑夏官疑待闕, 見司堂區上有此四字, 從仕亨於垂老日, 文衡得失太關身。 定是 猜詩賺盡少年人。 《周禮·夏官》語。」然卒不敢自引用, 公考試差時, 詩題係「進賢興功」,得 空無城府能容 遂

見。 余丙 葉恂予學士 大焯,公科分較前,然對余仍執晚親禮。余亦以其令弟子翔 與 余 鄉 榜 同 其世兄肖韓侍御在琦,克承先志,詩才尤佳。 互相敬讓焉。公聲華藉甚,迭得試差、學差, 午到京, 見其形容蕭痩, 甚憂其不壽。 出京不多時, 擊鉢吟日, 居京日少,自粤歸後,即不復相 即得其計, 常歡聚, 殊可惋也 情 好甚篤。

南横街畔舊同居, 被劾去職。雛鳳音清吐氣餘。 兩度出 一軺車。 河魚疾篤銜冤日, 儉讓 風 規每起予。 肖韓年少得館選,旋督黔學,人人稱快,以爲忠厚之報。聲價 鯉庭依樣重, 公督粤學, 公衣履簡樸, 粤中闡姓弊重,幕友以巴豆鴆公, 氣度謙和,余甚佩服之。侍直八磚聽禁漏, 得腹疾, 因而舞弊。 事發, 承恩

新陰桃李滿鄉間。公歸主講鰲峰,肖韓奉諱歸,亦筦鳳池講席。

甯靜平生只寡言, 邵實孚中丞積鹹,余與公兄補堂太守爲兒女親家。 雲南迤西道, 重復相見, 不戀高牙開幕府, 贊如、 盡量自醉。 伯雙、迪臣、 獨居一室, 十年坐鎮, 紛華屏盡道心存。三椽讓宅歸新主, 平日一無嗜好,不特不喜博奕,卽擊鉢吟亦謝絕焉。。後以給事中簡 獨裝片石返家園。 自奉尤約。 耀如、 遞擢黔藩、 子徵,亦時相往來。好小飲,談諧間作, 盤桓三年,余一别赴蘇, 護撫, 商量聯句題生擴, 秋風命駕, 公素寡交, 公外簡, 浩然而歸。余讀《禮》家居, 以鐵門寓宅讓住。十載循資晉 安樂窠中證本原。 與栒子、弢菴、 不逾時而公作古人矣。 唯每飲必 管樵最

爲擬題句曰:「誰得有九仙骨,此便是安樂窠。」公爲康節嫡裔也

沈管樵吏部詠形,公爲文肅公胞姪、周溪表姊丈之胞兄也。余與公同吏部, 譯夜分勞。」亦尚可誦。 日三秋之感。公喜手談,尤喜飲,不喜作詩。然記其斷句, 兩部亦例認前後輩。初到時,以禮相見,備承指導,情意漸洽, 團圞月亦分今古, 平遠山如月準繩。」《電線》 絶句云:「絶憶軍書星火急, 惟飲癖不改, 屢以麴糵傷生之語相勸, 如《古繩折枝》 而卒無效。 談讌益親, 題云: 逝後, 郎 幾有一 禮

常夢見之。

軟紅初踏奉清塵 原不失吟身。 藤花廳裏尊前輩, 談讌聯歡旦夕親。典屬底須通譯語, 竹葉杯中殉故人。藥石成仇空苦口, 公兼差經界。係以科甲人員考送。考功 夢君三夜淚盈巾。

楊心貺太守廷傳, 老告養歸, 時閻文介司 遂成永訣。 農釐剔宿弊, 公性伉爽, 日前邂逅遇其文孫, 遇飲博, 公佐之, 意氣尤豪健。 甚資臂助, 知公平日收藏字 遂膺上考。 與余及實孚、 畫 簡甘肅甘 管樵、 尚 有 存者, 州 贊如 府, 交 U 親 最

黯然

滿巾。

滿頰黄鬚奕奕神, 經》一章, 公以百金購之。易播無緣愁遠宦, 十年晨夕素心人。 地官課最名公賞, 歸山一拂别京塵。 大學温經墨寶珍。 文孫酒座詢遺箧, 劉石菴寫 馆到人 琴淚 《大學聖

缺頗 差運亦小異而 潘耀如太守炳年, 解 組 優, 而 歸 大吏以他缺易之, 優游 大同。 自得, 公與迪臣同官翰林,爲莫逆交。其貧同, 由粤西歸, 固毫無介意也。 不即令到任, 與余談馳驛苦況,余甚服 而迪臣在杭極得意, 其爽直。後 儉同, 相形不無見絀。 謹慎同, 放 四 JII

夔州

府,

然公

其文字及

風 韻宜穩。 度從容可 立品端應占上流。 鎮 浮, 平 生慮患最能周 弭變有方過古驛, 論詩不 厭從時尚, 公放粤西試差, 僕從爲驛吏所侮, 公揣摩館閣體, 謂試帖宜先作第 公因應得宜, 六 事遂寢。 聯,

話夢集卷下

處膏不潤傲雄州。公才未必輸君復,獨讓孤山占一邱。

當國 京寓 騒。 事敢言。 林文直侍郎紹年, 逮人樞廷, 與之有舊, 親戚情話, 嗣以封章太數,爲當軸所忌。 號贊如。 不逾時, 往來素洽。且與余及心貺、伯雙、 一意汲引, 公之胞弟勤如, 旋退出。其時朝 **游擢封疆**, 俸滿截取之次日, 由滇 政混濁, 余姊之夫也。 而桂。 直道難容, 柳丞遊蹤尤密。公轉御史,遇 公平生不甚 其從叔麗琴 太守, 即簡雲南昭通府。 則真可牢騷矣。 蹭 蹬, 而 。榮文忠 與余 好 發 同 牢

猶獲與諡典,九原有知,其庶幾稍慰歟?

本是風流蘊藉 餓撫何曾是赤貧。 變津門隱, 眼看横流只怒嗔。 人 滇、桂均係瘠區, 長安年少日相親。 故常自稱餓撫。鬱悒騷懷空一世, 窮官每自拚孤注, 公每日"「御史一窮官, 輪困膽氣欲渾身。 我拚作孤注可也。」 滄桑

道。 林迪臣太守啟, 但公書勝於 此 興蠶學, 一書者, 雖 小 節, 耀如, 弢菴、 民感之, 公與耀如交最摯, 事後論定, 而耀 可莊、 留葬孤山。 如詩勝於公。故公得學差, 贊如、 亦足見兩人之非詭遇也。 差運亦略相似。 芸敏俱名噪一時, 且就其平日吟所, 唯當時考差重白 而耀 公書亦不絀, 名曰「林社」。 公旋出守衢 如僅得 試 州 差, 摺, 而 余西湖有詩 移杭州 耀如則遜矣。 當 詩次之。 時 目 爲 創農 同 公 紀

### 其事焉

瞬屬斯人。

曾尋宿草過吟所,

遺象湖壖尚逼真

滑。聯句傷時只馆神。 本是多愁善病身, 清貧頻歲滯京塵。猜詩創格偏超俗, 公不喜鍛詩,只隨意寫懷而已。庾嶺相思疑萬里, 公作詩猜五字, 各樹一義, 公守杭時, 余在赣南。 勝於禹丈之圓 孤 Щ 轉

陳伯雙侍御懋侯, 焉。 亦當時名士, 卒」兩句。 且竟止於此焉,诚奇事也。公平日屢喜説一段隱語,中有「君子死曰終,小人 死曰 意興甚豪, 公進京散館, 二人臨棺視斂。 吁, 算日:「官止監察御史。」公本可不考御史, 仍歡聚如昔。 慘矣。 余以「君子有終」四字輓之,美其善終, 尤喜諧謔, 留館後僅得一房差, 同寓觀中, 中夜凄寂, 公從兄汝翼太史, 逾年升御史。忽一日聞公耗, 亦好猜詩, 遂敘姻誼。 心貺尤整暇周詳, 余中表也。余丁丑會試, 比公憔悴獨甚。 與禹丈各樹一幟, 嗣公與汝翼均留館, 蔵事而出散。 臨考時亦自躊躇, 謂昨夜無疾終矣。公少問命於鐵板 亦未始非一讖也。汝翼文學較優, 先公卒時, 藉甚一時。 余分吏部, 身後僅餘一妾, 住南横 公不在京, 公旋督蜀學, 乃竟考而竟得, 街圓 同宦京師。 通 余與心貺 旋亦殉 觀, 任

圓通古觀靜無譁, 燈影疏窗晃碧紗。 君自矜才工賦鵡, 我初學步窘塗鴉。 余初寫殿卷甚窘,

公在場外代爲磨勘一遍,不犯例而已。一場春夢期長好,十載懽悰恨有涯。 余與公在京, 数

聚不及十年。四字輓詞成讖語,豸冠不及觸官邪。

堂立祠時,公告余曰:「我擬一聯送之曰:『二三豪俊爲時出,七十老翁何所求?」」 陳芸敏侍御琇瑩,公文才俊逸,少卽馳名, 書法尤不俗。性孤介,不屑苟同。 吴柳

絶世 - 聰明氣格奇,行空天馬若難覊。十年館職埋名地,兩度文衡吐氣時。 可知其平日氣概矣。旋放學政, 轉御史,而竟不永其年,悲夫! 賦質大贏知不

壽, 生才何意轉多疑。撫尸含襲皆從古,慘對垂垂玉半規。 公終時,從古禮, 含用玉, 垂於

口角。

盡歡, 得未曾有者。 同年。 父子恆比部,古道照人。余在京備承教訓,情誼極親。 王可莊太守仁堪, 公祖文勤公爲先君子之舅, 公子司直觀察,且爲余兄子婿,往來蹤跡最密。公昆仲年少氣豪,與余文酒 形骸脱略。然余有過失,仍以表兄名義,嚴詞訓斥。三世道義之交,平生所 迄今夢遊中冷泉, 見其大書「天下第一泉」五字,猶不禁濟然淚下也。 且受業焉, 公弟旭莊觀察, 函札中時以道學相勖。 亦與余丙子 公

年少龍頭享大名, 公外簡時,寶文靖師已退居,余謁之曰:「可莊放鎮江,直與香山貶江州同耳。」師曰:「知府亦方面大員,狀元 末光幸附亦爲榮。 忘形儘許歡悰洽, **砭過時還厲色爭。** 京口謫居恩豈

且陶情。願傾四海合歡酒,只學文山前半生。」弢老聞而切責之。 已隔三任矣。文山晚節君非願, 放知府,事所恆有。朝廷殆欲鍊其才,儲爲大用,何必妄事揣測。」蘇臺踵跡感交并。 宰相原期佐太平。公於酒座,醉後作詩,云"「憂樂斯民百感并, 余曰:「此魏徵願爲良臣意耳,何必苛求?」後公外任 公旋調蘇州, 余繼之。 樽前絲竹

錚錚有聲,

未及中年而卽溘逝。

噫,

其有詩讖歟

1

中, 寓滬, 之明,對人云:「某人脱口而出之言, 林槑貞觀察景賢,公少貧而好飲, 膺上考。 無疾而終。余輓之云:「半生流落殆天意,滿地榛蕪足酒悲。」蓋相知爲最 事理明白, 才略亦優, 意氣甚豪, 必不可抝。」公寄籍京兆, 計將内轉, 詞華斐亹, 乃外放鎮江道, 借鬻書作酒資。常服余 得拔貢小京官,遞升郎 非所 願也。 國變後 料事

負, 鬻書身世感迍邅, 觀奕長安萬感牽。 鬱盡牢騷對酒邊。問事深慚推伯始, 流落半生殆天意, 輓歌聲裏淚如泉。 騁才儘許媲樊川。 備兵京口初心

較長, 葉鐸人觀察大道,公恂予之從弟, 不久即下世。 故名爲十一集。公外簡廣東瓊州道, 丁酉《擊鉢吟》九集、 公長公子乃謹孝廉在延、次秀文太史在藻,文才茂美, 十集, 亦余之晚親 即其所選。 乞病歸。 也。 余所選, 性情肫厚, 余適奉諱旋里, 亦卽前數年之詩, 而 稍 近拘。 見之, 皆不獲永年, 在赣選刻 在 頹唐已 社 年

話夢集卷下

五〇

**廿載宣南社約循,** 粤海備兵勞跋涉,里門慰病賸吟呻。 吟邊數典每齗齗。 公詩有被擯者,必數典辯論。千金享帚殷勤甚, 庭階玉樹雙柯隕, 同赴修文更馆神 兩集持衡

迨無黔而國難作, 沈敬裕中丞瑜慶, 庚子東南互保之局, 荔虎先後同官京師。 號愛蒼。 滬上相見, 襄贊有功, 公喜飽啖, 公文肅公第四公子也。公以廢職 鬢髮皤然。 隆隆直上。 觴詠之樂尤酣。 余旋重赴豫章, 公性不羈,易與人忤, 嗣以道員分發江 不逾年, 分部, 而公齎志歿矣。 昆 甯, 季魯青、 中 經波折。 迭膺要 東

榛棘忽縱橫。 曩歲郎潛共帝京, 以漕督驛封致函, 劫餘歇浦同飄泊, 風流餔歠治平生。節樓道地殊稱快, 爲余發牢騷, 夜夜殘棋對短檠。 余以謔語答之。然 其本意, 滬居 詠觴之外, 固甚厚本。 爲見張文襄事。漕部馳書煞有情。 對棋多達旦始罷 健翮榆枋方決起, 窘途

吟,春榆、 孚舊居也。 公氣度秀逸, 曾幼滄太守宗彦, 戊子之後, 徵字亦偶至, 詩尤戛戛獨造。時珍午以華贍勝, 余與公胞弟蔚孫同鄉榜, 余部務益繁, 餘則不速而已。 每杜門避客。 雨夜則以車迎送, 且有戚誼, 子瑜以淹博勝。 公曰: 晚間約公, 往來極 盤桓 治。 與 數年, 珍午、 余 寓 鐵 子瑜 「我以不消 門, 小集聯 真 即實

午到京, 説 者不説勝, 故以少許勝人多許也。」余出京後, 與公官轍分 馳, 可勝慨哉 蹤 跡遂隔 丙

玉, 别春 不 輕著墨字 明歲月深 時弢庵倡折枝之局, 如 鐵門風雨最關心。 金。 毎吟, 人必三四首, 珍午尚及與, 屏將塵牘餘幽賞, 公至多兩首而已。 而公則早歸道山矣, 兩三知己形骸略, 靜比僧寮共苦吟。 最足移情人似 同 賞黄 鍾

吕音。

京後, 甚謹。 林廉孫· 亦頹折殆 夢訪公於西城舊居, 中書, 京曹 外簡廣信, 太守開章, 盡 貽書得庶常, 一耐苦, 所未弱者, 公與子昭、 意謂 苦中作樂, 未得一 隔 季鴻官光禄, 只貽書一个耳。 郡, 見顔色, 佑襟兩先兄同鄉榜。 終易相見也。乃扶病莅事, 文酒交歡, 即羣季亦未一遇, 紹勤尚未筮仕。 蹤跡尚密, 情況固相 公弟四人, 似 亦差慰人意 也。 公以長兄勉持家計, 夢境模糊而已。 不久即 公以户曹兼軍 皆翩翩 已。 不起, 少年。 機 公荆枝, 悲哉!昨夜 處。 諸弟之率 時 希實 余出 近

古, 不堪 海 回首問 Ŀ 驚 神京, 魂 躍 五更。 飄泊支離感此 羣季莫傷零落甚, 生。 何意夜來成舊 人間尚有奕秋名。 夢, 猶疑 君住在西城。 信州 死别悲千

謂 張 擊 珍午民 鉢 吟 也。 政元奇, 公到京後, 同鄉吟社, 吟集尤盛。 余到 京尚作 前後如耀如、 :折枝, 卽 所謂詩 迪臣、 鐘 贊如、 也。 旋改 春榆 爲 七 伯雙、幼滄 絶, 即所

肖韓、 皆與焉。 朗溪、 其到會稍疏者,尚未及僂指。鐵門小集, 季湖、鐸人、少萊、 南雲、扆丹、 友其、 而公與幼滄、 石孫、 子瑜、 子瑜過從尤數, 熙民、 筱麓, 至

余出京而始罷。 公旋出守長沙,飛黃騰達,相隔忽如霄壤。滄桑一變,星移物换,

意興索然。 甲寅一别, 遂不復相見。 後累得公書, 見其筆 力日 漸 頹 散。 函詢春

榆, 則以公「燕玉暖老」爲言。 噫, 公其有醇酒婦人之戚歟 1

宣南勝友舊如雲, 公挈眷赴京, 過成山頭, 船沈, 健將登壇各張軍。 依孤 島, 遇救而免。萬壽橋頭火不焚。 勞燕分飛憐宦迹, 龍蛇 阨歲愴斯文。 公歸閩,任民政長遇炸彈不中。 成山島外波難

眼角有稜慳得壽,長才未竟煞悲君。 公眼角有稜, 術者以爲異相

選逅成緣, 郭少蒸大令曾準, 令弟筱麓、 遂將積年舊稿商訂付刊, 賢阮, 公爲春榆胞弟, 先後同與吟集, 與余又有連也。 即所謂《擊鉢吟》十一集也。 一時稱盛。 而尊甫穀齋廉訪及子冶、 旋公出宰泰和, 公詩才固佳, 余又作郡建昌, 令叔南 而作

之潜然

宰尤卓著循聲。

余到贛南過灘時訪公衙齋,一

宿而别。

重到豫章,

而公不復見矣,言

吟社多才繼荔 積年舊學賴商量。 香, 君家極盛孰能當。 灘頭一别人千古, 故知日下詩名噪, 老淚龍鍾滿豫章。 更羨天倫樂事長。 余在豫章, 刊赣集, 異 題後詩有 地歡悰成邂

劉子澂太守齊潯、 鄭友其太史錫光、林仲沂禮部怡、魏挺生兵部秀琦、張弼予兵部嘉猷、鄭扆丹府丞叔忧, 許柳丞工部標藩、周郁齋上舍雲章、傅蓮峰觀察嘉年、李秀瑜户部毓芬、

館、 余離京已三十年矣,迴憶與諸公或未及聯吟,或聯吟而爲 時 甚 暫,然 於 老 館、 廣和居, 蹤跡則皆甚密也。舊遊如昨,老境侵尋。讀少陵「驚呼熱中腸」之句, 新

不禁百端交集已。

苦從閒裏憶, 在其左近也。南下窪荒每駐鞍。南下窪, 三十年前握手歡,過從晨夕樂盤桓。 舊容賸向夢中看。閩山墓草無情碧, 一片荒野, 而老會館在焉。 廣和居敞時聯袂, 顧影桑榆淚暗彈。 居在宣城之南, 且地近陶然亭, 同鄉常聚小飲, 亦游踪所常至也。 因寓所多 陳迹



### 平齋家言臣

瑣談》、 余曩有《課孫草》之作,**意雖不專屬**課孫, 《春明》一録可以存掌故而補遺佚, 裒然成帙。 可捉拏。夜窗默坐,影事上心,偶得一鱗半爪, 語焉殊未及詳。 囘憶七十年來身世所經歷, 《家園舊話》 退居無事,略加編次,分爲《春明夢録》、《郡齋影事》、《西江贅語》、《客座 五種, 録而存之。祇自成爲一家言,本不足爲外人道也。 慫恿付梓。 而究限於範圍。舉凡世事之推遷、 因復加刊削, 輒瑣瑣記之,留示家人。自丁巳迄去秋, 耳目所接觸, 屬諸手民, 幾如雲煙過眼 非敢言問世也, 人情之變 渺然而無 嗣友人以

亦藉以誌世變已耳。壬戌冬日平齋識

## 春明夢録

色立朝之風。 京師爲首善之區, 潛滋暗長。戊戌政變、 甲午中東之戰。戰後余卽出京, 政銓曹, 依然風流儒雅。 躬逢其盛, 百僚庶司, 人言朋友之樂, 鐘簾所在, 固不以長安爲不易居也。 庚子拳亂, 不失同寅協恭之雅。 觀聽肅焉。 然其時風氣稍移,而大防尚未潰決也。詎知黨禍萌芽, 無如京師, 相逼而起。 時值承平, 蓋於飲食酬酢外, 洎丙午重復到京, 不數年, 即朋簪投洽, 紀綱未弛, 法、 越構衅, 亦毎 獨得真趣也。 世事已大異昔時矣。 以道義相規,文酒過從, 大臣老成持重, 黨派漸歧,乃激成 余於丁丑觀 儘 有正 目

年, 文靖師鋆, 余以丁丑會試成進士。 閣學、 錢師亦終於吏部侍郎任内, 宗室崑文恪師岡, 號佩蘅; 吏部尚書、 房考爲翰林院編修、 號筱峰。 河南毛文達師昶熙, 照例賜祭。 吕師、 余在其教場五條胡同寓所, 廣東吕冕士師 毛師, 號旭初; 於余戊寅囘 紹端; 禮部侍郎、 京時, 座師爲大學士、 即不 見世兄幹臣總揆 浙江錢湘 及見。 吉 吟師 閱 林寶 數

首春明,

重温舊夢,

不禁百端交集已。

出 迎天使, 時方數齡也。 寶師、 崑師. 則相從最久焉。

慕韓 世。 事妥出京, 出 考爲 毓 慶宫, 榜 與其弟慕蓬 孫師即 無錫 中式, 3王莘鋤: 留 慕 旋即作古。 係在 侍 韓總揆之尊人, 郎 本任。 比 丙子恩科。 一難競 部 師粹。 王師文名甚盛, 爽, 意殊不懌, 時師後以引見到京, 在户部侍郎 房考爲陝 知其 發迹之有自來也。 不久亦終於位。 門下尤多知名。丁丑夏間, 西時銘三師 任内, 因懲辦部吏史松泉事 目力極差, 永新, 師講理學, 主考爲錢塘孫子授侍 余適在部,爲之加意照料, 待人仁厚, 丁憂囘籍 爲同 官 光霽 郎 1所擠, 亦旋即去 師 H

法, 頗 余五 與李太白 其規 應童子試, 矩 較路 畫像相似。 乙亥歲始受知於閣學、 閏生之仁在堂爲精。 旋任 陝撫, 不數時 師在 廣東馮展雲師 即被議 京時, 僅謁 免職 晤 譽驥。 兩 然無大過也。 次, 師 書法名重一 風 裁清 峻, 時, 面 痩 衡文 而 鬚 重手

掌文官 余榜下 封 掌文官 削 兩 得之。 百 1銓選。 到 封 支部, 典 隨 掌印 及邺 便可 考功司掌文官議處, 典。 分考功司兼驗封司行走。 例用實缺 兼 也。 四司之中, 毎 郎中員外郎。 屆 京察, 以 文選、 吏部 而京察大計亦屬焉。 余到部十一年未補主事, 等六員, 吏部分文選、 考功爲 兩 大司 而漢 考功、 人 稽勳司掌文官丁憂更名 選不 居其二。 稽勳、 兼功,功不 即代理司 循例以 驗封 兼 四司 文選 務廳及驗封司 選。 其 驗封司 文選 考 餘勳 功 百 兩

春

司 郎 前。 中, 光緒十七 調 充考功司掌印。 年, 補文選司主事, 計自榜後告假, 升考功司員外, 即於戊寅秋銷假, 實授驗封司掌印。十九年, 迨甲午春得一等, 實歷俸 升驗封

十七年中無一日閒斷。然視他部之淹滯至二十餘年者,

已爲優勝矣。

上; 對畢 庸作 職? 只問 則 應 余官京師時, 而退。 在考功司 茶 示革; 孝 一偏北。 籍貫、 一便言: 」對日: 向北 欽太后重復臨朝。 何 第三次因簡放建昌府謝恩,見時先問籍貫、 議處專條 不日卽當覆奏。」問: 知縣爲 掌印。 「汝去江西, 履歷, 在園 行禮畢, 「此次參案, 召見三次, 時, 正印官, \_\_ 又問: 惟查佐雜人員俸滿甄别例, 無多語。 趨案之西北隅 御座則在殿廳屋東壁, 謝恩時在頤和園, 好好安養百姓。 外頭俱已洗刷乾净,摺尾以『才具平庸』四字奏結。部例無才具 「考功司有幾案未覆奏?」 皆在乾清宫,時德宗正親政也。 如果才具平庸,自難輕減。擬卽比例議處。 「潘泰謙議何處分?」對 第二次因郎 側向太后跪。 中俸滿 」遂點頭 召見在宫。 向 截取 西。 凡才具平庸者俱斥革。 而 退。 履歷, 隔數分鐘, 孝欽太后與德宗同 對曰: 目 見時, 見時問: 迨服滿 第一次因京察一等記名, 後問在何衙門當差,隨問隨對 革職處分。 「只有廣東南海縣潘泰謙 御座在宫之 進京, 「在何司當差?」對 喘息稍定, 」隨後即略聞數語 佐雜 簡放蘇州遺缺 坐一炕,太后偏南 問: 西 才具平庸 始發問 閒 屋 何以 南 窗炕 E. 議處 須革 尚

廷體 已改, 言, 邸, 乃改以 根本不宜摇動 **咸豐之末,文宗出狩熱河,** 在京時 蘇地方事, 又未免太過了。 誤聽人言, 皇帝有話説否?」德宗只説: 謂 俱一一奏對。 非 恤之意然也。 而 江 寶 無 一時之盛 五品衡署户部 便微 西各府情形如何, 師 可忌諱。而吾身親見之事, 也不 弄成 遂與同直諸 聞 力持 也。 是好辦的。 今日局 兩宫有隔閡之說。 時事艱難極矣, 44, 開首問籍貫, 泊甲 侍 不 郎, म् 面, 旋歎息言曰:「中國自海禁大開,交涉時常棘手。庚子之役, 公同 申 並追問當日拳亂, 得旨: 後悔無及。 予看汝在外多年, 時出軍機矣 越南之役, 旋即大用。 時端華、 「汝可下去。 全賴大小臣工苦心對付, 後問福建民教情形, 到蘇後, 「寶某著卽處斬。 肅順竊政柄,欲輦京倉米輸熱。 儘有可資印證者。 但當時大家競言排外,鬧出亂來。 朝士以樞臣失職, 與恭忠親王文文忠公祥 」遂退出。 謡言日益歧, 地方如何被擾, 事理亦很明白, 」嗣文宗賓天, 又問礦務能否發達。 余先後召對 敘其大略如右, 無過不及, 交章彈劾, 更有軒輊已甚之語。 同 後來如何結束。 好好去做 心夾 四次, 兩宫太后垂簾 寶師 纔能 遂以禮親王出代恭 輔, 不敢贅 經 便 今則一味媚外, 是。 挽此 旋又問在江 蔚 適貳户部, 歷 成 情 危局。 滔滔數百 今者 形 中 辭也 又言: 興, 如 政 玉步 此 以 江 不

寶師

嘗告余日:

「汝同

鄉陳伯潛參崇禮曰:

『識字無多,

習氣甚重。

謂不應任以禮部尚

寶師 過。 自是 亦不 里, 我往 書也。 清 功 日 爲 跡及連 謁 Ŀ 得 陵 也, 論 我甚 體 視 出 今謂 能 見聖容散 我 見軍機, 軍機, 全。 日踩 僅往 實 軍 看見否?汝以 及到 特 機 其『識字無多』, 在 重其人, 俟 我以其言甚中肯, 蹦 若舉以 未知崇禮來歷耳。 歡 返數日 他 大臣只是承旨書諭 園, 佚 情 喜。 明 各賞穿黄 逾數時, 地 形 日上來 滿地 遂由 覆命, Ē, 耳, 軍機 相對 爲 苑丞 何如? 兩宫謁 残 灰燼, 馬褂。 再 膺此懋賞, 不 定。 破 苑丞何能 不特徒增國 而 爲 漸漸升到郎 泣 無 不 乃囑其尋覓稻草舉 一一余日: 陵歸, 是日, 堪, 當洋兵之燬 功, 村無居人。時崇禮以奉宸苑苑 耳, 卒 旋告以來意, 驚惶 未 汝不 何 與太史公比。 未免太便宜了。 恭邸請 恥, 敢 奉 軍機大臣五人各賞穿黄馬褂。 「未免太濫 中。 韶。 無 冒賞? 必客氣。 措。 圓 且 二十 益 明園也, 次 假, 崇禮乃泣 假以 傷聖心。 H 火 穆宗曰: 餘年, 我領 但事理之明白與否, 從騎 」師曰: 恭 固 跪 邸銷假 班, 師 辭 兩官以列祖列宗聖容 地泣 循資 言日 此言雖不免有 以苑丞愚見, 不獲 蘭 見辭 同往各處尋覓。 「蘭州克復之日 而焚之, 按 丞獨守官舍, 州 『聖容 遂將此 克復 73 格, 日 奏 次日, 日 得 「黄馬褂 歸以 毁壞 事 自又 不如歸之火化, 牢騷意 算是十 化 尚 編尋不 至 奕訢 二人 我詢 去。 爲 當别論 師告余曰:「昨 此 重, 1 捷報至, 所 恭王名 奔馳十 省 以 他 見覆奏。 以 似 卽 有旨命 洋兵 們 也。 不爲 賞 檢 隨扈 今日 律 肅 穆 較 拾 餘 蹤 戰

先後進固 不相及也。

洋兵 其 日譯署照會, (與醇邸) /燬圓 明園 唱和感舊, 後, 肆意慢罵, 英使巴夏禮入京議和, 詩中有「劍戟如林免胄趨」一語, 其狼狽情形,可想而知。余閱詩後,略詢究竟,師笑而不答, 在禮部設宴, 可見城下乞盟, 寶師時爲軍機, 備受屈辱。證以當 躬與其役。 余見

旋以謔語了之。

寶師 疾革並不甚劇。 余時常往候, 余 適 不能再得也。 休致後, 在 座, 醇邸 月必數至。 易簣時, 寶師 寶師係一 遇有大政, 分一 半相 慨談時局, 紅光滿面, 丁酉拔貢, 贈。 必相詢問, 毛菰形大如 追尋往事, 余認爲年伯, 洵善終也。 時時餽送食物。有一日, 靈芝, 余心領意會, 師最重年誼,故待余爲 煮而 食之,味葷如鮑魚, 所得殊多。 送蜜桃及西 尤厚。 師家居八年, Ш **编**求諸都 退休後, 毛菰兩

出 應之日: 意恐一涉正事 命一日將散值時先往出恭, 京中謔語也。 指 廟 這也 碑下贔屭, 師曰: 是龍生九子之一 致漏洩機要, 「那裏, 謂寶師 日 是出恭。 恭王待之久, 0 殆古人不言温室樹意 「汝看這箇寶貝。 」此可謂善戲謔矣。 」恭與寶二字, 及見面, 一師 蓋當時樞臣見面閒談,多雜以謔語 鍼鋒相對也。又一日, 嘲之曰:「往何處撇寶去?」 號佩蘅, 貝佩二字, 音相似也。 恭邸自太廟 撇寶二

轉

歟

清室諸王, 卻不可及, 外放者饋送, 以恭邸爲最賢明, 但生於深宫之中, 始有收受,聞其界限極爲分明。 長於阿保之手, 雖平日有好貨之名,然必滿員之得優缺及漢員由軍機章京 民間疾苦, 余嘗對寶師稱道其人, 究未能周知。 師曰: 事遇疑難時, 「恭邸聰明 還

房門耳。 面 恭邸儀表 行 禮不還 甚偉, 聞後來攝政王 然卻送茶坐炕, 頗有隆準之意。 初入軍機時, 請 升朝 余素未與周 珠, 見客便坐獨炕矣。 甚爲 旋, 客氣。 簡建昌時, 敘談頗 渠適 久, 人甚明亮, 在軍機, 例 應往 惟送客不出 謁。 見

是我們幾箇

人代爲主持也。

」此等微詞,

特於深談時偶一及之,

不能多得

也

多稱 魄 淑? 北洋 然清流後亦陸續放差, 言:「天下事言易行難, 遇者積不能平, 光緒初年, 力薄弱, 南洋 會辦 人意 有 曾忠襄 翰林漸擁擠, 遇事推讓, 張幼樵會辦 不得謂清流之不勝濁流 遂因法越開衅, 國荃, 似有美珠箝口之意, 遂至馬江一戰, 福 局外不知局中之苦, 北洋有李文忠, 而簡放學政、 建軍務, 歸罪樞臣, 意謂 也。 試差, 全軍殲馬。 坐言者必使之起 嗣後法事愈亟, 不受牽制 交章指斥朝政, 旁觀多竊議之。 徒挾其虚憍之氣,苛以責人, 軍機大臣偏重門生, 張被劾落職, 賴以 而 乃簡弢老爲南洋會辦, 維持。 行也。 究其彈劾貪佞, 人目之爲清流。 而福 誰 廣西兵敗, 不無 知 建 用 何 河議。 違 小 其才, 於事何益? 宋 淘汰衰 寶師 弢老因前保 吴清卿 制 而懷才不 其何能 嘗對余 軍

唐烱 徐延旭二人, 照濫保匪人例降五級調用, 而清 流之氣衰 矣。

戰後, 之。 未 大家 清 亂 南皮張文達之萬、 王世鐸代恭邸領班 恭邸之出 间京 流 之起 即疑 雖未顯露水火痕迹, 皆未與其事, 始復 軍機 也, 其 忽然發表, 有異。 入軍機, 也, 或云李文正與同直意見不合, 濟甯孫文恪統汶遂人直焉。 先期 旋孝欽太后召見醇 不得謂非以令名終也。 軍國 蓋元氣已大傷矣。 耳目一新, 派往 一大事, 而恭邸則以勳舊懿親, 東陵, 醇邸 不可謂非孝欽太后之果 恭代清 一同 邸, 余出 參預。 議於 明節祭典。 恭邸 京不數年, 孫時爲侍郎, 九公主府擬定上諭 長白額小 卒因之罷退, 不無左右袒, 此差本閒散王公之事, **永**決也。 而恭邸薨逝。 山尚書勒和布、 上諭之稿, 恭 不得謂非清流 勢孤 邸退 無援, 貶斥樞臣, 即其 戊戌政變、庚子拳 居十年, 朝邑閻 所 清流 戦勝 特派 擬 文介 直至 也。 從 而以 而贊 恭 也。 敬銘 一中東 恭 禮親 邸 邸 助

來也 良 示 厚 祠 邸 意 與 交情, 也。 誠異 寶 師 未行禮 數 同 也。 . 患難 而遂 而 進主之日, 贊成中 不 Ė, 制 興, 余獲 余怪 後 問 觀 亦 盛 同 滿 道焉 典。 日 人 被 譴, 則 主未 對 日 交情自屬 祠 時, 皇子於廷臣, 較厚。 恭邸 卽 先往 寶師 不能行跪 薨, 看視祭器、 詔 拜 祀 京師 禮。 祭品 其 賢

舊 邸 即德宗 誕 生之地 例名爲 潛邸。 醇王薨, 以其邸改爲醇賢王廟, 猶世宗潛邸,

重

其

去

也

重

體

蓋

兩

得

其

及。

今改爲 後來 雍 親貴 和宫 也。 非常驕奢, 余時派往查估工程, 不數年便覆敗, 見其房屋兩廊自晒煤丸, 可見祖宗世業, 守之難 鋪滿 而失之易也 六六 於地, 儉德殊

間, 門出, 爐者或十人或二十人爲一隊,分隊前行。 申 紙紮等等, 孝貞太后 梓宫由火車行, 穿白袍、 兩宫崩逝, 日暫安殿。 靴用 忽聞 而上槓與尋常棺槨 青布, 青布 大事出殯之日, 有 陸續而 \_\_\_ 人喝「站住」一 余在蘇州, 靴 派王公輪班上祭, 則往 王公親支稍殺之, 其時隨 至。 事不 與尋常民間出大殯者無異, 堪囘首矣。 余入東華門觀禮。 即不及見, 從及觀禮者幾千百人。 亦無大異, 聲, 定期下葬, 諦視之, 餘皆不能用布, 惟和 而德宗因崇陵工程未竟, 中夾以衣架、 則恭邸也。 頭作文點式, 則謂之日永遠奉安。 前導無甚排場, 切縞衣, 但品制不同耳。 此所以示别也。 而德宗卽隨之而至, 臉盆架,錯雜其中。 遠望似黄色繡罩 上下 **鑾輿衛傘扇之外**, 辛亥後始行奉安。 當日體制何等隆重。 無能 須臾, 梓宫 晶 出 别 城 正在 頭 見梓宫自景運 其餘金銀錁 暫安 人戴白 惟 趨前 聞皇上編 只見棒香 聞當時 草笠 殯宫 審視 戊

端 咸 華 豐辛酉, 「有旨意。 肅 順意 洋兵燒燬 存 」内即應 不 軌 圓 日 醇 明 邸 園 「若是母旨意 奉懿旨 京師 震 動。 捕 肅 順於客邸。 文宗在 我卻不受。 一熱河 天時 崩 」乃破扉人, 逝 極 早, 時孝欽太后方二十 屋門尚閉, 擒 而治之。 醇 於是梓宫 邸 Ň 搥 歲 門呼 也

語。 回京 馭 所 熟, 進止, 因宫中舊物半 知 下 過 嗣 故當曾文正 穆宗 故余 嚴 後 不得 歷 甲午 遂承 且 四十餘年之世變, 謂 多散 性 毫 功成 大統 喜游 放蘇 無主持也。 失, 州 入覲之日, 觀 時召見, 兩宫 不免喜受貢獻 如重 但孝 垂簾 備 修 心聽政。 侃侃 嘗艱險, 召對問答, 欽太后精明 頤 和 園 而 談, 此雖恭邸與諸王大臣翊贊之力, 雖 事 係晚景無聊,究不免盛德之累。 體悉下情。 雖 其英明 不過敷衍 勝於孝 寶師 處, 談 余在 數語 貞太后, 次亦頗有微詞。 不能不令人欽 而已。 寶師處熟聞 而 文正 甫經 其召 集中 聽政, 且 服 然遇 自 然其 1對情 所載 西 惟 事皆取 諸 幸 平 四十餘年, 目 日在 形 事 鑾 自 究 早有 非 未 懿旨 宫中 虚 嫻

遇水 忘用 家 班 處 德宗大婚之次年, 住 必 則 售 成 武 帳 須 不 有 意也。 必跪。 橋, 在 行 帳 宫, 其平 棚前 皆 駕之 席 規 吏部例應隨扈, 麥地 模具備 如砥。 鵠 )將至, 孝欽太后率宫眷赴東陵祭掃, 1 迎 而 寢。 而另有 候 必有 而隨扈者每 到陵後 駕 便道、 而余從焉。 過 騎口 後 便橋, 站必須先行 各覓一土屋歇宿 即須拔棚先 呼「二里」二字, 京距 則供 陵二百四十里, 走。 隨扈者往來。 仍名曰「打圍」。 以備 其下 謂駕距: 站班 若無土屋 站 此只二 接駕 迎候之例 沿途鏟 毎日 蓋清以騎射得天下, 里 百姓 兩 則 也。 尖站、 平民田,築成御道。 仍 亦 住 如 遮道跪 帳棚 呼二 之。 一宿站 里後, 迎, 在 陵之行 路 若站 到

支持危局之功,

不能以

一二事

掩

也。

其明如 沿站 督爲 巡幸, 宫在 規矩 返寓。 人中稱傑馬稱駿, 彦訥謨計竟以 出遊毫無所 iP 何等嚴肅。 地 Ш 方官, Ŀ 隆裕 不知何等鄭重, 「上相長身 文忠身極高, 異。 洵大觀 宫牆外人持一燈, 皇后後至, 手麾之使下, 猶憶到陵之日, 皇后特妾耳, 猶督撫出 車駕來往, 及德宗車到, 也。 等是天家首選才。 文忠路與之遇, 其實 巡, 駐陵兩日, 意謂 大臣無避道之禮。 任人縱觀, 親歷其境, 聖駕未 而以 駕轅 密如繁星。 余並不矮, 此係王公站立之所,非地方官所得僭也。 州縣辦 到, 禮畢卽還京。沿途宫女買花籃及食 騾, 蓋紀實也。 並不下輿。 然與之並立, 纔及其肩耳。 差 所見度不過如是也。 不設警蹕,與尋常大官出門亦無以異。 李文忠卽至宫門口候迎, 也。 宫外距里許, 高與人齊, 」殆亦滿洲重 故謁陵先期, 余怪, 駕到後, 爲生平所未見。 則營棚繚繞。 女輕 問溥倬雲是何道理 請駕來, 陵在 大家一鬨而散, 直督必到 婦之故 直隸 立在宫門近處。 地面, 緣山 敷 驊騮道路一鞭 余從旁觀之, 京請駕 物, 文忠卽逡巡而 上下, 與 文忠亦乘輿 而以直隸總 尋 沿途隨行, 古稱翠華 倬雲曰: 常 約數里, 伯 婦 口占 開 退, 女

月, 隸秀才。 清廷家法, 爲慈宫所知, 面目 馭太監極嚴, 清秀, 立即擯斥, Thi 氣 燄頗盛 稍有劣迹, 或云其斃於杖下。 H 捧摺盒 即予杖斃。 進出 都下盛傳李蓮英卽皮小李, 軍機處。 德宗親政 時, 余進内時, 喜用一 太監 常遇見之。 爲孝欽太后 文姓 乃不兩 係直

**豊屑** 例, 聲附 起招 所信 内 無 有 小 異。 招 摇 用。 坐, 然其 月 爲 和 權 若輩 也。 納 余 太監 敷開 事 崩 進 數 醇 諱哉? 之風 且宫 官 所 Ħ, 邸 不免。 端 其 W 查 内 七八 視北洋, 説 茶點 勘 有 四十八 亦以 限 I. 年間 火 程 若謂部院大臣公然與之往來通聲氣, 而 且與 疏 吹 余終不深信。 逖 煙 該 處總管, 未曾見其 派往伺候, 小 廷 總管等開 臣, 備 臣 勢實 極 各管宫殿一 恭 無 庙。 人即以監軍目之。 嫌 卽 順 隔 門 絶, 引導, 可 如二次 賞以 大概 避, 無從 進京, 處, 内 特紀其 京 必恭 府滿員知 接 票四千, 形容枯 治。 必 敬 實耳 事 隔 猶 然余自充掌印後, 憶屢 其爲 其伺 槁 則吾不能以毫 十二年, 便 似 衣服 歡 次 候 慈宫所喜, 喜 御 召 前 襤 過 所 見 縷 望。 者, 見亦 時 無 與之聯 因 馅 不 余出 在 雖 印證之事 公事 過 丹陛 不 箇 能 與窮 京 如 出 後 F 與 此 寡 板 漸 隨 漸 屋 比 吾

余勘估 房。 不忘 有 ifij 御 望 其餘殿 牀 四 1: 宫 多 風 也, 面 自 歟 中 字 乃 只 L 製 1 甚 程 荷 其 窺 見 黄 多 包, 其 兩 廊 中 琉 見宫中妃 間 璃 無 所 令太監 排 不 瓦 列 仍 而 供 售之於外, 是高 己。 嬪每人各住 者 佛 者。 仍 供 乾清宫後 是 ---餑 佛 其最 二院, 每套得 餑, 高 且 進 之樓 溢 殿 即交 銀 官 内 每院中 泰殿 四 X 窗 名日 兩 食 檻 料 必排 紙 其針然 俗傳 普明 皆 固 向 百 數十 以 外 皇上 圓 是 覺 極 丽 箇 精 大 爲 糊 婚 上層 緻。 常 밂 與 住 宫女與 處。 關 皆 也。 未見有 供 外 意以 宫 民 佛 X 房 像 L 家婢 之不得 同 爲 特 中必 登 别 殆 樓 厨

六九

春

111

数

録

律穿紅布衫,以月白緞鑲邊。 余隨扈東陵時, 曾親見之。 可見宫禁之中,

煨在膝上, **德宗之初親政也**, 太后聞之大怒, 召而告之曰:「文宗晚年患咳嗽, 亦極畏冷, 不似人間富貴家也。 何等耐苦?皇上年少, 内務府大臣立山新署户部侍郎, 何至怕冷如此?況祖宗體制極 因皇上畏冷, 造一片玻璃窗, 嚴, 遇着引見時, 若於殿廷上裝起玻 以 裝於殿 貂 皮

璃窗,

成何樣子?汝謟事皇上,

膽大妄爲。

汝今爲廷臣謂署侍郎,

非奴

才 可 比内務府謂爲

求恕死罪。

玻璃窗撤去,

而事始寢。

我不能打汝。

然違背祖制,

汝自問該得何罪?」渠乃磕頭如擣蒜,

蓋宫中規矩 侍從一人。 皇上口吃, 便可下來, 余初次召見,麟芝庵中堂告余曰:「太后限皇上召見一次,奏對至少須以十分鐘爲度。然 不能多言。汝上去,遇皇上發問後,卽可洋洋灑灑,暢所欲言。敷衍十分鐘, 不必過於拘謹。」後驗之果然。 極嚴 殿前太監遇掀簾送入, **絶無耳屬于垣之事。召對之人,** 後即避往 他處。 凡召對時,一殿之内,只有御案一座, 如何稱旨不稱旨, **俟召見之人掀簾出門,始由對面** 及如何奇形怪狀 趕來。 絶無

内務府之職, 如衙門之有庶務, 即俗所謂賬房也。 賬房有折扣有花賬, 已處處有弊, 师

他人皆不與聞

與見也

内務 府朦蔽 蓋御 做, 之他事 屬有 心?」翁對曰: 膳房報 府 命 花湖縐 内 更有百倍於此者。 尚 可想而 務 府 月. 賬 補之, 如 翦過幾百疋, 「每早喫二箇果子即雞蛋包。 知。 此 箇 雞 蛋 德宗在書房, 開賬三千兩。 甚矣積重之難返 嘗聞宣宗極崇儉德, 須三兩銀也。 鮮有花頭恰合者, 宣宗怒其貴, 曾與翁文恭師傅 也 孝欽太后生長寒門, 」德宗日: 是以如是其貴。」後來不知如何結束。 平常穿湖鄉, 嚴詰之, 閒談, 「師 傅 渠對日: 每早點心, 便問師傅: 民間瑣 褲腿膝上穿破一塊, 「皇上所穿褲 事 「早起進内喫何 要用九兩銀子了。」 無 不周 知。 不肯再 腿, 而内 點 推

輿論 邸 孝 南巡之役, 欽係 不 囂 能 宮中 然。 無畏憚意。 册 未必不 寶師曾對余歎曰: 立, 本不能以常禮待恭邸, 見於今日。」只此數言, 即實師與文文忠諸老臣, 「太后當時尚想巡幸五臺山 且自熱河還京, 言外固有無限 亦不能頤指而氣使之。 感慨也 患難與共, 賴我們 諸人勸諫而 時頤 漸底承平, 和 園 大 岸 興 土木, 故對恭 否則

稱道 不 孝 久 欽 程 均 晚 卽 甲 德全遇 年喜學畫, 申 放 出 變抗節之美, 卻 宫 無 召雲 中頗自由 干政之嫌。 南繆太太人宫。 程遂 由 嗣因 蓋 慈宫敬憚醇邸,遜於恭邸也。 同 國 知 又喜聞 際 不 關 次而擢黑龍 係 外國 延外 風 國 俗 江 巡 公使夫人 召裕 撫 庚留學 程無 卽 進宫游宴, 如廣召優伶人宫唱戲 蘇 時 德國之女 意尚 而 以 俄 人 使夫人 親俄自 然

春

明

热

録

亦以 甲申之後爲 未有皇子。 盛。 此雖小節, 而文宗位下, 却煞有關係 當時亦未有皇孫。 也。 若欲立子繼統,

馳報, 微宫。 尚樸 俊爲 小 高, 當初本是此意。 爲不當。 腹之男, 未議及也。 胞妹也。 位下之曾孫。 廟, 誠 時 乃鳩貲立祠私祀之。 渠日: 出, 全城哄動, 繕 相逢老輩寥寥甚, 改元 其詩云: 又乏慰情勝無之女」 奏摺, 暮傷心, 惠陵奉安之日, 七十老翁何所求?」余應之曰: 孝欽自有所不欲,乃權以德宗爲繼。 「死者固可 日光緒, 今既有此 「囘頭六十八年中, 朝旨乃下廷議。 作絶筆詩一首。 思欲樹 意謂纘道光之緒也。 原, 當修祠時, 奏, 到處先生好好同。 吏部主事吴柳堂前輩 生者亦未免太好事了。 數語。 節以表見, 著卽明白宣布。 隨即降旨, 摺内只記有 陳芸敏侍御琇瑩告余曰:「我擬送他 其大意, 往事空談愛與忠。 自亦 「吴柳堂以 欲識孤臣戀恩處,五更風雨薊門東。 當時廷臣尚無間言, 恆情。 」此事遂因之結束。 謂:「德宗所生之子, 則指太后不爲穆宗立子, 「今者惠陵永閟, 可讀, 德宗爲醇王福晉所生, 蓋其意不甚附會清流 庶吉士散館, 烈士殉 乃自請往 抔土已成黄帝鼎, 名, 行禮。 帝后 既以 而於穆宗如何 其時清流競以 銓選主事 即承繼穆宗爲 同歸, 身殉 事畢 則必須求之宣 是使穆宗絶 福晉卽孝欽之 聯曰: 前 到 既無委裘 而以 何 星 住在 立嗣, 必 吏 猶 建祠爲 不予以 氣節相 州 祝 薊 嗣 紫 植 州 固

無謂也。

心 致激 園, 餘年, 明園 清宫相 理 財, 成非修不可之結果。 大吏頗 防微 則不拘泥。故從前帝后皆以駐宫爲苦,夏令必駐三海,託名避暑也。 後以大難削平, 傳 將庫平減成發給, 有一《宫史》, 杜漸, 有貢 獻, 春秋責備賢者, 且開 飲食有一定籩俎,起居有一定時刻, 漸思逸樂。 徐蔭軒相國嘗謂余言:「此事之成, 有撥海軍開辦費以濟之者。 庫平改爲京平,百兩可省六兩,謂之減平。年可省數百萬, 痛圓明園之燬於洋兵, 乃於圓明園左近, 不得謂此論之未允也。 當日言官交章諫阻, 閻樸而近嬌, 毫髮不苟。 閻丹初不能 徐正 若駐 無罪。 持之太蹙, 修理一 三海, 孝欽垂簾十 而近迂, 致長朝廷侈 渠自 頤和

之意。 誰 甲午六月, 爲總管設坐。 甲午之前, 派醇邸前往天津閱看, 知中 東事起, 到津後, 德宗萬壽 李文忠奏海軍成立,謂東南濱海七省海疆可資屏蔽, 乃言官紛紛上摺, 主戰者乃執李文忠前 北洋大臣照閲兵王大臣例辦差。 又派内監李蓮英隨侍, 賜宴太和殿。 謂閹 奏, 人監軍, 每部司官兩員, 逼其 意在慎重海防。 恐蹈前朝覆轍。 一試, 閲兵時, 余與溥倬雲與焉。 而賠欵割地之禍 李蓮英只在後伺候王爺, 杜漸 所派隨侍, 語意不無鋪張。 防微,言之亦自成 發端 宴列於丹陛, 亦係尊重懿親 於此 朝廷乃 亦未 接

其正

色立朝,

毅然不可犯。

及今思之,

不得謂非老成典型也。

畢 羊 使 隔 如 揮 交從者帶 連 仍坐。 腿 臣 世 扇 矣。 殿 宴 盤 席 磁 歷 下東西。 闾 行酒 碗 時 宴之坐次 朝 磁 兩 有 赤日 乳 盤、 者爲光禄寺署正, 使 點鐘之久, 茶, 圓 兩 行天, 人 袍褂 領 自王 有酒為係光禄寺良醮署所造。 大袖 筵, 料 行禮 朝衣 公大臣在 席地 帽緯、 手 作樂, 冠, 執 而坐。 牙笏, 酒微 盤膝 丹陛 白綾 甜 唱 筵用 上, 坐 尤爲 喜起 飄 帶 與常味不同。 恭順。 几, 且旋 各官各按憲綱 1 贊禮者在 色。 舞 几上數層餑餑, 起旋 歌 恭逢 備 中 跪 東 極 殿 宴惟水果可食, 戰 盛 整 陛 後, 汗流 遞 典, 肅 Ŀ, 爲 宴之次 渥 浹背, 朝 坐 加以 荷 贊 爲 次 殊 跪 H 果品一 併, 恩, H, 然却許從者 西 則 邊 餑餑及餘 皆 賞福 殿 末 今日思之, 起 層, 廷上 坐則 Til 字、 在背 果 跪 E 不 爲 朝 可 復 加 鑲 取 鮮 如 救

之日 甲午十月初十 役, 是年六月二十六日德宗萬壽有 概 者 均 摩天嶺 亦 未 無 紛紛進京 及 慶 舉 典 Ė, 辨。 即有 可 言。 爲孝欽太后六旬聖壽。 開 今年又 只可 甲 戰之説。 戊四 遇中 勉强成 旬 大開 東戦 大家 萬 禮。 壽 事 筵宴之舉, 議 論 屆 卽 期 穆宗崩 可 先期 謂甲 太后出宫 見 太 亦爲 逝之年。 即設慶典處, 后 子三旬 辦萬 是點 壽 萬 坐六十四人所擡人輦 一級也。 甲 壽 實 申 籌備 其 有 Ŧi. 其時 時 旬 不 典禮, 萬壽 利 甫 中東 經 然事 垂 備極 簾, 和議 亦 Ė 因 決裂, 隆 舉 路 中 且. 重。 過 行 大 法 各 難 開 戰之 筵宴 未 故 盡

朝

鮮

衣

冠矣。

大臣, 德宗步行前導。 均各有點景, 皆退後行,不敢背面相向。 結綵燃燈,陳設甚美。輦如佛龕形,扶輦之鑾儀校皆穿五綵衣。 前又有王公二人,手各持如意一柄,俯首退後引行。 整齊嚴肅,頗稱一時之盛。然人心不定,亦只粉飾昇平, 凡典禮所派 前引、 對引

衍了事而已。

了。 死罪。 萬壽慶典,設有慶典處,所有應用器物,均由其包攬殆盡,擡價居奇,從中取利。且其 内務府郎中慶寬伺候慈宫,頗見信用。有一日,德宗因慈壽要送禮,乃告慶 寬 曰:「我 派司員二人, 又召侍郎日 不清等事。 氣燄咄咄逼人,旗人多忌之。嗣有滿御史密奏,慶寬家藏御座,舉動不軌,及誣其身家 慶舉以囘奏。 要送太后壽禮, 内府稱太后日老佛爺壽禮, 」傳聞德宗私著四萬,存在後門錢鋪生息。今言抄家,與此語似相印。此一事也。 累日查無實據, 奉旨派敬侍郎信查辦, 德宗問: 均係京察一等記名之人,何能信不過他。」德宗又曰: 「汝言慶寬無罪,吾不疑汝。難道汝之司員盡靠得住耶?」侍郎曰: 汝爲我備之。」慶乃打四箇金鐲式樣呈進,謂:「皇上要送老佛爺清富信 我告侍郎曰:「查辦必須情真罪當, 「四鐲須價多少?」慶曰:「值四萬。 四箇鐲樣,請旨要那樣, 余與溥倬雲充承審司員。德宗召見敬侍郎,必欲置之 即打那樣。」太后曰:「我四箇都要。」 不能殺人媚人。」過幾日, 」德宗曰:「豈不是要抄我家 「他果無罪, 慶寬辦理太后六旬 難道算 「臣所 Ŀ

古 假 不 不 知 數 得 如 日 無 旋軍機張文達出 他 恍 影響, 何 後 違 in 贄御 制 作 得銀三千 73 崩 舉 不 耶 一其門 之徒 然 一侍 其 又 確實可 部選 餘兩 口 伺 郎出告余, 來畫稿 設下馬石, 候 也 江. 意 旨, 西鹽法 指 他 無 者 播 違禁之物, 余密問之, 余日: 謂非 道, 弄 亦 是非 只 德宗 此 郎 中家 又 遠制例應革職, 要 \_\_\_ 而 張曰:「不要作聲, 不免積成 重 事也。 慶寬遂以 所應有 主辦慶寬 嫌 大概清宫家法 落職 作爲 數語 隙 若辦到革職尚可, 觀 1 違 而 上列 案。 頃已 制 已。 後太后 照 兩事 派福中堂前 其餘 極 嚴 例 革職 則 重復 得之傳 太后 所謂 覆 餘 奏。 訓 往 外 待德宗不少 兩宫不 政 聞 抄家矣。」 則 不 摺 慶寬 和 能 奉

洣

惝

H

捉

坚

責, YI. 欲試。 海 中 赚 N 戦艦 於 軍俱 可恃, 劉 源 吴清 去黄 公島 牧 雖 馬褂, 疑 翁 李文忠親到馬關議 卿 自請 李文忠爲 文 TIE. iiii 恭 Mi 法 獨 拔去二眼 大 局 出 主 粉 國 關, 賣國。 戰 孤 十倍 拔 乃 化 雅 諸名士實慫恿之。 翎, 然文忠揣勢量力, 和 聞 歌 甲 投 亦 申。 幾爲 爲 壺 而終屹然不動 礮 甲 風流 H 憙 申 人主戰黨所 流 雖 礟 迭 自 賞, 蓋 遭 所 心 狃於拘獲大院君已事, 此 敗 未 朝 知 衅 其不 狙擊 土固甚喧囂 議 戰 和 而 而 時 可 諒 兵 戰, 裹 潰 Ш 濟定約 故 丽 未 戰 H 兵 及賠 而 口 羣 不 法 步步深 一帥貪 能言。 不肯讓 賠 兵 欵 一数二 也 亦 弘功, ٨, 被 萬萬 雖 步 此 重 役海 海軍 嚴 創 亦 1 旨督 H 陸 馬 又 割

租 腹 臺灣 遼 地 東 及 金、 半島、 ifij 金 復、 法租 復、 海、 海、 廣州灣, 盖 四州縣。 蓋始復爲 不數年間, 我 後因俄、 有。 辱孰 相繼 德 甚焉! 而起。 法三國仗義執言 自是而德租膠 蓋列國亦狃於均勢之局, 州 以 灣、 日本 英租 係島國 幾成 威 海 瓜分。 不能信

俄

雖不與此役相屬, 何非此役階之厲耶

旋和 實缺 皮張文達管部, 中東之戰, 議 成而 等人員 心安, 日兵 並兼 直逼奉天, 無棄職舍去之理, 當時實亦冒險 軍機, 警報時至, 余於畫諾之餘, 也。 老母亦意 京師 在持 震動。 密探消息, 重 朝士之主戰者, 同 鄉多視余家眷行 文達微有指示, 紛紛搬眷 否爲 余遂決計 進 出 此。 京。 不 時南 動

周内, 甲申之役, 羣才不生怨望, 甲申時之清 舉人爲之, 不知履霜堅冰。 推倒 流, 軍機, 未有不安然就範者, 範 甲午時之名士, 圍 愈 廣, 天下事固有發端甚微, 實卽革命之導火線, 則變象愈亟。 皆翰苑高才也。 何至激成中法、 噫, 而皆翰林院之人爲之也。 其殆有天意歟 而貽禍至不可测者, 論者謂: 中東之戰哉?」人或疑此言爲鍛鍊 「當時軍機大臣若能收羅之, 君子所以貴知 戊戌政變, 則以進 幾 也 則

時余正 庚子 拳匪 人京候簡 風 後, 厲行 端 午橋以 新 政, 閩浙總督留京不行, 擬將中國舊法 逐 漸 變 待袁來共議立憲 更。 至丙午之夏, 袁項 費盡營謀 城 以直 改授 督 人 兩江 覲

總督。蓋是時,中國始發見「立憲」二字也。

以趙尚 戾恣睢 罷免, 人直, 主筆即當事之意,人或竟以當國目之。光緒初政,文文忠祥、沈文定桂芳當事,文歿則 兩宫 即令翁、李人直。旋恭邸復起,孫因病自請開缺。 前充領班章京, 謂爲打雜軍機, 八月政變, 旋而恭邸薨逝, 入直。丁酉,徐忠愍出,錢侍郎應溥、廖總憲壽恒, 徐忠愍用儀人焉。 寶師繼之, 1垂簾, 易以 丰 書舒翹繼任, 樞廷幾爲之蹂躪焉。 潘旋 樂文忠以直督到京, 額尚書勒和布、 沈歿則李文正鴻藻繼之。 樞務以恭邸領之。諸大臣中,擇一二人爲主筆,餘則僅供參贊。其後進者, 擬稿而已。蓋不如是,則意見紛歧,紀綱不肅。部院情形,亦大率類是。 復召王文勤入直, **諳悉體例**, 入旋出。 甲午,朝鮮事起,先令翁文恭、 其時剛相亦頗用事。 至甲申, 閻文介 敬銘、 亦入直辦事。 乘輿西狩,文勤一 即令人直, 則以禮親王世鐸代恭邸,並令醇邸參預大計。 時同直爲剛相國毅、 景尚書廉、 張文達之萬、 庚子, 張年老而閻旋退直,孫文恪便當事。 裕尚書出任直督。 王文勤文韶、 人隨行。 拳匪倡亂, 後升尚書更迭入直。戊戌夏,文恭被黜 文恭、文正復當事,剛相國毅繼額而 李文正參預軍事。 孫文恪 毓汶。 啟尚書秀、 榮文忠隨由保定奔赴陝西行在, 載漪袒拳弄柄, 潘文勤祖蔭、 己亥十月, 不數日, 廖尚書壽恆、裕尚書禄 冬間,額、 翁文恭同龢先後 廖尚書退直 許恭慎庚身以 奴視樞臣,暴 嗣許 餘則全體 張出,

模, 忠已逝, 趙舒翹在 即 命人領軍機。 然而 慶邸繼文忠領班, 慶邸已明受饋送矣。 西安賜自盡。事平囘鑾, 諸大臣陸續至, 而鹿相國 辛酉之後, 禮邸遂改任他差。 軍機不以親貴領班, 傳霖、 親貴蠭起, 瞿相國 鴻機、 和議成, 紀綱盡弛, 卽以文忠任之。 徐尚書世昌爲之輔, 勒辦禍首。 樞政益歧。 余丙午到京, 啟秀在京正 吁, 樞廷略具規 既灌以 法, 文

睞。 余於私宅畫諾之餘, 李文正當國, 張文達名士風流, 雖不免有偏執之議, 談論時局, 頗有不羈之概, 頗多感歎, 而風裁端整, 然其久歷封疆, 蓋知其不得志然也。 視事諄懇。 饒有識解。 余時到部未久, 老成 中東之役, 典型, 即頗蒙其青 渠正管部, 至今有餘

戀焉

往,

吾不欲言之矣。

鹿文端 所言, 落。 了?」余歸 伴食視之。 余每到 何等了了。 丙午時與瞿、 而告人曰: 其實文端 輒縱談不倦, 蓋當時 徐同直樞廷, 由牧令起家, 「大家笑鹿中堂雖做過外官, 嘗太息謂 風氣日非, 余日: 三者之中, 煞有經驗。 雖有老成人, 「中國百姓太愚, 以文端爲最無權, 余候簡在京約三箇月, 其實外官之事, 亦供 人狎侮而 中間這 兩耳 己。 亦不甚了了。 般人又太刁,如何得 時往謁之, 重 聽, 人不免以 門庭冷 今觀其

翁文恭美鬚髯, 風 采 奕奕, 忠君體國, 尤喜汲引人才。 甲午主戰, 喪師辱國,無可諱言,

春

然文恭 亦何能 開復, 面保黨人, 然其時聖眷猶 四月 犯免。 追予 身爲 通 ! 被人讒毀。 諡法。 師傅, 文恭卽未去位, 八月政變, 未衰也。 今者國事已矣, 處難處之地, 況所謂政變者,不過出諸一人之口,變究未成, 恭邸復出, 剛相謂其曾經面保黨人, 豈肯與聞其事耶?至謂兩宫之間, 儘有難言之隱, 此等莫須有之言, 深資倚任, 亦謂英雄不以成敗論耳。 亦即有可原之心。 褫職交地方官嚴加管束。 正不必剖辯是非, 不善調護,不無離間 文恭於宣 儤 徒亂人意也 羣兒作戲, 直逾四年, 是嚴 一統時 譴只因 嫌疑。 明韶 雖變

當緣簡放官缺, 到過 原委, 預 趜 故召見。 余於翁文恭之姪孫 也。 而 吏部, 與余言, 余始 余日 有一 日, 亦並 軍機進單時, 知文恭汲引之力, 甚致殷勤之意。 「此皇上天恩也, 雖由 建昌府缺 無堂屬之誼。 弢夫廉訪 軍機大臣公同進單, 不待 出, 斌孫 文恭在毓慶宫先奏, 余得京察記名後,逾年未簡放,文恭屢言之於恭 固煞費苦心也 恭邸開口, 何敢不感激! 日, 爲同年, 因查辦倉案, 而擬放何人,須由領銜之親王開口, 便由 然於私宅未嘗 」文恭悚然致敬。 御筆 一圈定。 德宗謂: 堂司各官羣集倉署, 一謁。 余謝恩後往謁, 「今日建昌府缺, 後因徐忠愍與人私言當日 且文恭於余在京時, 文恭獨於稠 文恭具道抱屈 邸而未得。 請簡某人, 他人不能 從未 人中

徐忠愍爲吏部侍郎時兼軍機,

於部務卻稍可主持。

人極通達,

與余最相得。

余當時頗露

郎 莫能 角, 景澄、 助, 徐告人曰:「是不可干以私者也。 袁京卿 時常道歉, 昶同罹於難。 其情固甚可感也。 和議成後, 余出京後,渠於丁酉出軍機,拳匪之役, 」甲午戰後, 始行昭雪, 追予諡法, 余頗急乞外、 浙人目爲三忠。 而徐以班次在後, 无妄之 與許侍 愛

災,

不能無天道甯論之慨

也。

到京 決 且對余言:「大家皆抱怨老太太指孝欽言, 王文勤人極 下蓋别有感慨也。 滿腹 見其老態龍鍾, 精 神 圓 通, 庚子拳亂, 人以琉璃毬目之。 視乙未在天津節署見時風采頓減, 渠適在軍機, 然其敭歷中外, 汝須防老太太一旦升天,則大事更不可問。 以白髮老臣一人相從西幸, 老成持重。 然惓惓憂國之意, 任吏部侍 備極 賢勞。 郎 溢於詞 時, 余丙午 判事 一言 色。 敏

是, 席 人乃問其貴 工部尚書、 余到京時, 而 續燕 坐。 「榮仲華告我, 甫 鍾杰人同年以閩語問余曰:「 這一箇山査是否 續 姓 我 步軍統領, 初未識 台甫, 見過。 **榮文忠。文忠爲崑師母之從兄,風度翩翩,饒有才幹。光緒初元,** 汝與杰人以福州話唐突他。」余曰: 」 榮文忠亦用閩語答曰: 渠以「榮禄號仲 當時已錚錚有聲, :華」對。 嗣因事鐫職。 余知不妙, 「汝們說福州 「杰人問這箇山査是否續燕甫, 遂移往 有一日, 燕 話, 甫兩淮運使續昌?」余曰: 他坐。 我們 在寶師處聽劇,與之同 亦會説 後 數 日, 福 州 崑師告余 話。 任 Ш

忠起, 查者, 之岳也, 忠之先人爲 閩 復任 故於閩人感情加厚。 人指 閩副將,後以總兵殉粤匪之難。 西安將軍, 紅頂言也, **间京尚以口外羔皮桶** 並非諧謔。 余出京後, 師聞之大笑。 以雪泥之隔, 見贈, 時文忠尚幼,寄讀於饒提督廷選家,即林贊老 蓋以「山査」二字, 後在師處屢相見, 並不與之通信。 遂訂交情。 獑 戊戌政變,文忠 漸 往來。 其實文

嗣

文

以直督人軍機

從容弭變,

保全實多。

拳亂西行,

趨赴行在,

維持大計,

煞費苦心,

朝

局賴以底定,

厥功偉焉。

丙午到京,

惜不復見,

爲之愴然。

崑師 照例。 當時朝 性耿 『麻煩』麻煩卽累贅之意, 他做中堂, 綱整肅, 介而 好臧否人物, 京官體制固一毫不苟也。 本是照例。 京城土語。 嘗謂余曰: 即其面目, 似此 儋夫口吻, 福箴庭銀, 又嘗譏恩中堂承曰: 亦是照例。 大學士 如何 蓋嘲其方面, 做得 豈有此理! 「汝看恩中堂, 中堂? 一余 昨日在朝房, 田田庸庸 聞 之悚 凡事 得厚福 然。 都説是 竟罵 蓋

也。

細思之,不覺失笑。

傑出, 余亦甚相得, 風 滿員以筆帖式爲正途, 裁 峻整。 亦尚 其兼 有可指者。 惜相處不久, 任内務府大臣也, 前所云榮文忠, 其由科甲出身者甚少。 旋薨於位。 毎見 及今思之, 即其一 其入宫門時, 也。 部院 尚有餘慕也。 堂官, 又有吏部廣少彭尚 羣 閹 嚴 不盡皆科甲人員。 憚 不 敢正視。 書 壽, 在部 事 其中人才之 理 時, 通 魄

雖非 溥 中 又爲之説曰:「官階道尊而府卑, 一有泰亦 倬雲奥 :杜撰, 放 爲 陜 寶師 主 事時, 西知府, 曾與余言之, 與余同部且同差時多。 其兄玉岑尚書良告人曰:「近 其實亦慰藉語耳。 然朝廷實重府 後升尚書, 而 輕道, 後禮部應韶 H 放 以病 謂府獨 兩 知 府, 免。 當 保薦人才兩人, 興論 余簡 面 皆爲 建昌 可 辦 朝 同 事 廷 余與焉 賀得 時户 也。」此説 部郎

領衡

者

即尚

書

也

端 見於 尚 旋渠 遭 中 稍 守爲年輕 午橋 有齟 少直 慘殺。 太甚 改 慶 督兩 邸, 官工 接 ,特於接印之日留鬚。 齬 、關繫。 倒行 也。 死 江, 部 事 初幾 時, 不 逆 渠少頗不羈, 不 施 故渠在任, 余簡放蘇州 無 相識 與 可 余多同 憫, 知進而 當時 然平 後乃告余日 有盛 事工程, 自爲滿人, 不知退。 君記名, 竟成屬吏矣。 心而論, 行賂賄之名, 自調 後由 我尚未記名, 偏詆滿人爲不肖。 不得 隔 霸昌道不 直 别多年, 然總督駐紥江甯,而 謂 督罷斥後,仍求四川一差,以爲再起之計, 非 而余則一毛不拔。 自取 十年游歷封 君記之否? 君竟留鬚矣。 也。 鑒賞金石, 一蓋自 疆。 蘇州 雖未邀其青眼, 余四十二歲到建昌, 丙午夏, 則在蘇 誇其已 頗負時名。 撫 爲 余到 範圍之内, 總督 卻未 路 京, 惟其 人謂太 也。 執 曾 相

前 百 部 有一 升 H 甫 遞一 事 允, 條 漢軍 陳, 旗 請代奏。 人 曲 舉 時萬文敏公青泰任尚書, 人出身, 分吏部 候 補 接其摺子, 而 無 甚 出 色。 適余 中 與 法 戴藝甫錫 戰 爭之

春

鈎, 後簡放大名府同往啟事, 文敏乃謂余二人曰: 「此係公事, 可以公言。 余看 其摺 子, 意

八四

後, 道, 唇槍 到省, **謂洋人太横,今宜仿鄉試放主考之例,預定一** 皆相好。 文敏喜詼諧, 渠力裁抑之, 即與之斷絶往來。 不知如何升轉, 將該省洋人同時殺盡,不得走漏風聲, 互相爭辯, 下堂時, 錚錚有聲。 而竟以公事公言告余兩人,亦示調侃之意。升、戴與余同事, 戴詰之曰:「汝知洋人尚有國否?汝殺其人,能殺其國否?」二人舌劍 余以他詞亂之始止。 由陝藩洊擢廿督。 今忽録其少年軼事, 嗣又彈劾權貴, 余出京後,升竟人譯署作章京, 庚子西狩之役, 不稍假借, 非揚其短也。 日期, 致令逃逸。」定例司員代遞封奏,應守秘密, 各省各派一大臣,計算程途, 實爲滿員之得未曾有者。 升在陝西迎駕。 士隔三日, 刮目相待, 後又出洋保候補 太監沿途騷 日日見面,本 余出京 同日 擾,

其進德之猛歟!

之選用科 行新政, 余戊寅到京, 堂官則名爲大臣, 甲人員考充者, 遂改其衙門爲外交部, 其時外交事尚簡, 司官則照軍機例, 後則 、非出洋之留學生不得與焉 且冠諸部之上。 京師設總理各國事務衙門,省文則曰總理衙門,文言曰 名曰章京, 司官始由閣部兼差者, 由閣部人員考充之。 後改爲專官。 光緒 季 萬 始

叔岳薛叔耘副憲福成出使外洋, 甚著聲望, 當時之熟悉洋務者, 無出其右。 余欲從而學

地位, 留心。 不辨 後交際稍嫻 而屬余分手鈔之,余遂得習知故事 與近日之來往文字, 當中法未戰之前,陳弢老正在提倡清流, 非僅 懂西文、 「洋務究屬偏才。 外貌遂漸改焉。 嫻西語, 迥不相同。 政治家宜求其全者, 遂可稱職也。」余雖韙其言,然曠觀時勢,於外交事仍 當時之講求外事者, 見咸同 自因 年間 圓 明園 於洋務極意研究, 何必見異思遷?且此事非二十年經驗 外國所來照會, 被 皆日辦洋務, 燬, 城下乞盟, 後則改爲辦新 曾借譯署歷年檔案, 肆意謾罵, 爲彼族 所蔑視 政 毫 一無平等 今則 時常 迨

樂文忠因病出缺, 如何能辦外交?」蓋慶王名奕劻,本係員勒,後加郡王銜, 慶王之人總理衙門也, 慶王遂秉國柄, 寶師歎曰:「劻貝勒只是一布伊唵邦滿語, 直至攝政王出而始失權。 晉封親王, **囘思吾師當日之言,** 譯爲内務府大臣。材 久長譯署。 拳亂後, 益信 耳

直言外交矣

祚與人才不得謂無關係也。

時代, 然改約, 交之闇也。 鴉片起衅, 曾文正 朝 野稱 中俄 香港被 不知外情, 慶 立 約, 佔, 此 以後 爲外交轉機之一端。 崇厚違訓越權, 遷就結案。 外交迭次 、挫折, 當時外人行險徼幸, 幾成 中法一役, 大錯。 不必言矣。 曾劼剛公使紀澤竟能以 洎天 法侵越南 中國竟爲 津大鬧教案, 所愚, 中國起而救之。 口 亦不 正值 舌之力, 一普法 可 謂 交戦 無如 非外 毅

春

明夢

器械 不精, 將才缺乏, 黑旂劉永福孤軍無援, 致遭敗衂。然劃界議和, 猶能不賠兵費,

東顧, 此外交中不幸之幸者。 英、 此數年中, 法紛紛借地, 正國家閒暇之時也。 迹近瓜分, 外交又一敗塗地矣。 乃甲午、庚子兩役, 乃不知禦侮, 一則賠欵二萬萬, 壹意閱牆,竟若外交爲無足措意者, 天假之緣, 一則賠欵四萬萬,繼而德、 歐戰大興, **羣雄無暇** 

同 鄉沈文肅公, 日之勢,中國人不必遽自餒也。」要言不煩, 己卯以兩江督入覲, **余就詢時事**, 其識見自有過人處。 文肅曰:「中外今日皆有得過 旋閱王芍棠中 丞之春 日是

瞎馬臨

池,

彼仆此

起。

噫,

尚何言哉!

《使俄草》,述各國情形, 兩日記風行海内,然其於歐戰之萌蘗,黨禍之蔓延,言之固不無影響也 亦非一味頌揚。特因筆墨稍平, 不能如曾劼剛襲侯、 薛叔 紅副憲

屏門。 未及終場, 純廟崇尚文學,欲親領棘圍風味。有一科會試, 所坐龍字巷, 即傳呼開 余會試時適坐 門而出。 遂御製一七律, 工其間, 見第三號粉壁中書一「龍」字, 末有「從今不薄讀書人」之語, 託一舉子名, 領卷進場, 近禁 坐龍 人坐。 刊在至公堂 字第三

老樹 番佳 一株, 亭亭如蓋, 已足黼黻昇平 似後來點綴而成。 矣。 即坐號適打龍字, 亦殆當時暗通消息歟?然此

考試試差, 雖以考取名單爲憑, 而遇放差之日, 仍應由禮部具全單, 題請園出。 編修羅

爲準, 廬, 調停, 須讓 科殿試, 從前朝殿考試, 考取名單不過作一標準,可不必拘泥。」而羅遂得差矣。羅後以太守告病,適其時火焚其 太后曰:「我錯了, 素著文名之某尚書乃曰: 有閱卷者亦帶刮刀, 起而言曰: 吏部尚書乃怒曰:「論此卷之字,不必爲狀元,卽論此人,亦不必爲狀元。」崑師告余曰: 「彌封閱卷,何以知其人之該狀元與否,此老説話,亦太不檢點矣。」後來賭氣累日,大家 一字誤作「閭 福考差時,未取在八十名之内, 藏書全燬 憲綱在前者所取爲首選,然究非官話,因商之大衆,非以其所取第一爲狀元不可。 卒以户部尚書所取者居首,然名次黄籤已貼, 雖係錮習, 讀卷官有吏、 「若要改名次, 面」。崑師與福中堂同在讀卷之列, 雖不無暗通關節, 寶師因爲余談及此事。 亦足以示制防。 如何是好,可挖補否?」軍機奏曰:「御筆既圜, 此真無奇不有矣。又一次殿試閱卷, 户兩尚書, 「閭面對簷牙, 我卻帶有刮刀。」乃袖出刮刀改之。 太后於題本内, 户部尚書得一卷, 崑師屢與閲卷之役, 究不能坦然爲之。故三鼎甲次序, 可見當時名爲君主,實完全一内閣制也。 古人詩句, 福中堂挑出 誤園其名, 記曾有之。」大家遂隨聲附和, 更改爲難。又有一最好事之某尚書, 取第一,要作狀元。 遇不如意事, 榜眼已取定矣, 間 而閱考取名單, 汝想, 画」二字, 自是其人有造化, 必以讀卷大臣官階 應試者帶刮刀, **輒與余痛言之。** 某 以爲 其卷中「閆 雖礙於習慣 卻無此人。 不 典。 不復 图 有 쁩

八八

火混 師乃以此事緣起與余言之。 此旨意。今日是君領銜, 崑師派 「今日是尚書孫毓汶領銜, 閱卷,到南書房時特早。 榜發後, 而 詆 **祺科舉者**, 七論譁然。 遂得有所藉 且又是軍機, 俟其來時再承旨。」孫到, 蓋當時館選漸寬, 崑師舉以告余, 太監持一詩片出曰: 口 消息靈通, 矣。 而深恨福中堂之無用也。又一次大考翰詹, 品流漸雜, 請君斟酌可也。」後揭曉, 「有旨,要取此卷爲第一。」崑師對曰: 師告之曰:「我閱卷多次, 不無越軌舉動, 相摩相盪, 人言嘖嘖 未奉過如 水

也。 從前, 箑爲最忙。 逸者莫如房考。 生贄敬, 次則主考。 差有三等, 初到省不可。 至於 京官以翰林爲最清苦, 預先派送。 其豐嗇以門生之貧富爲轉移,大率不過三百金上下, Ш 禮聯、 京程途, 主考一次可得數千金, 最優者爲學差。 到省後, 若主考則勞甚, 放差後不過十餘日, 各省各有約數, 禮箑多自購寫, 遠者逾 即閉入圍中, 學差三年滿, 兩箇月 編檢俸銀, 最苦如廣西, 到省分送官僚, 臨 至近 埋頭閱卷, 行時全數彙齊, 者 大省分可餘三四萬金, 每季不過四十五金, 亦須 句日, 只有九百金, 一箇月而始放榜, 以爲送程儀之招。 即須起程, 辭曰餽 冒暑遄征 贐。 亦慰情勝無耳。 若得鄉會房差, 所盼者, 小亦 整理行裝, 固光明正 無問 蓋已筋疲力盡 省之督撫按照缺分 不 過萬餘 睛 三年一放差耳。 大 雨 而以豫備聯 然得之最 非 則 金而已。 渾然無迹 趕八 專 特門 月 H

圍 供給取諸 囊盈絀 周歷諸郡, 不同, 略事酬應, 1州縣, 似亦不甚計較也。 隨帶幕友書役, 關防之疏密, 仍按驛囘京。 取與之嚴濫, 省分遠者,往返須半年辛苦,然得之者意足心滿。 若學差則不然,官階大小不同,省分肥瘠亦異。三年兩 竟是後車數十乘, 即提調之知府不能言其究竟,本人亦未嘗不 從者數百人氣象。且公費難依定額

困難。

然外

面

則堂哉皇哉,

不失爲督學體制

也

此四字區 曾以貲郎官兵部, 有 真足以顛倒豪傑 總不敢輕信。 我閣中書命輕,第一聯押官韻,固不合格。然果得旨, 房差。 似龔丈兵部資 科考差, 而龔丈不特「夏官」二字不敢用, 額。 周旭齋含人雲草,乃以「人才貢夏官」五字, 欽命詩題 兵部是夏官, 世。 格, 辛未 專爲周舍人効力也者,何其巧耶?可見當日翰林以考差爲第二生命, 人翰林, 「尚賢興功」, 題旨其殆出自《周禮》歟?」 是日亦與考, 得官字, 且「周官」二字亦不敢用,卒不得差。 乃謂 同 鄉皆不知題旨。 同 鄉曰: 同鄉以龒丈長厚,固不疑 在第一聯押官韻, 出場語人曰: 即不合格, 「我在兵部時, 姨丈襲 亦復何碍?」後乃得 、禹疇 記 神差鬼遣, 侍 司 其誑,然 御履中, 堂 上有

嘉 此差遂多歸之。 道年間 考差學政主考, 閣部之得試差、 閣部亦 房差者,十只一二,而學差則絕無 一體簡放, 不專屬之翰 林。 咸、 同 以降, 矣。 余當癸巳 翰 林擁

八九

明

九〇

闊差, 殊虐矣。 意, 閱卷者傳出詩句,知吾之卷已在陳侍郎學棻手, 無得差之必要, 有常課。 云:「自從雲貴盼山東,盼到山東又落空。學政鄉房都過了, 房差耳, 然亦 出乎意料之外, 因 山東爲止。 猶足以 實亦半有妬忌意。因思此次所以想考差者, 甲午京察無望, 余於鄉房告假後, 别 字雖未工, 吾何 有所感觸然也。 自豪也。」 況取在第七?他人或通聲氣, 八月初一放學差, .取焉?乃遇順天鄉試及會試, 遂不復作得差之想。考差時草草成篇, 而詩卻合格, 頗思於考差時卜一勝負,亦見獵心喜意也。 凡放試差, 戲謂人曰:「我考差費到半年工夫,今日告假,獲免 打油 詩 興致亦尚不淺。 不逾時, 初六放順天主考、 五月初 固可得大差, 進題本時, 一以遠省雲貴爲首批, 取列第七。 爲本屆不得京察也。今既得京察, 房考差。時有一打油詩嘲不得差者, 俱預先告假, 同鄉太史羣相慶, 未刻即交卷出場。 團圞家宴月明中。」其作謔亦 若余寂然不 忽調考功掌印, 習白摺, 陸續放至七月, 動, 以示 學試 與 甲午可得京 所得者不過 以爲必得 數日後 人無爭之 以 本 月

時郭春 鄉會試 密 點 榆 及朝殿 各有可觀, 在禮部掌印, 各試 卷, 唯試帖多有笑話。 歸禮部設庫保存, 託其將原卷取 间, 蓋館閣重試帖, 同鄉熟人之卷, 閱十科焚燬一次。 人皆於得翰林後始練習, 亦取出 余在 一京時, 互関 獲雋 適届焚卷之期 平時專習 濃圏

輕」一聯。 乃觀 於試 渠以能詩自喜, 其癸酉鄉試試卷, 帖則無暇求工也。 每當其高談闊論時, 詩題係「月過樓臺桂子清」,詩中有「玉露涓涓冷, 陳伯雙侍御懋侯,以名翰林叠掌文衡,字不甚工, 余必誦此聯謔之。 伯雙歸道山已三十年 金 而 風 試帖卻 陣 陣

回首當時文酒過從之樂,不禁慨然。

秀才, 聞諺 倍於此 易斟酌 聽命朱衣而已。余在籲時, 每人須看數百卷, 卷帙又多, 且筆迹優劣, 乎? 試卷較簡, 「進學是文章, 及看過五十藝,字便不認得, 凡事 一人精神, 亦較有標準。 非親歷其境, 統計之, 幕友又多, 一日看數十藝, 中舉是命。」俗語流傳, 曾考過府試五次, 若鄉會試則不然, 即是數千藝, 場中固不免有遺珠。 殆未易知艱苦歟 已屬神昏目眩, 題目亦遂不記得, 豈有 當時精神何等健旺, 不顛倒錯亂哉?俗言朱衣點頭, 試卷黑格硃書, 本已目迷五色,時間 習焉不察, 然其入選之卷, 況三場十四藝, 屢試不爽。 而不知煞有道 乃初看二三十藝, 總有 況鄉會場繁冗, 以十餘日工夫, 篇稍妥文字, 理 也。 考官只有 學 既 政取 逼, 自

每科總裁,

必有

一老中堂或一老尚書。

嘗聞有滿中堂充總裁,

臨

場

不耐看卷,

只將薦卷

京師

場弊,

自

大

學

士柏葰原名柏俊,

因

刑例凡伏法犯人,

名字有好字

面者,

必加偏旁,

使不成字。

E

法

功令爲之一

肅,

數十

年諸弊淨絶。

然弊

雖絶,

而閲卷之力不

・暇給

則

無以

易也。

況

荒謬? 排作 是窮翰林, 之條, 補批、 麼熟人?」房考曰:「若打官司, 是以説老實話, 將我卷不看, 薦後不中, 「未見出色」之類貼之,並於文内補點數語, 不過如走馬看花,擇其悦目者, 好。」師喜作詩, 任意作劇, 一圈形, 他們如何誤貼在卷上?」舉子乃大鬧曰:「好,好, 後查房考係熟人, 實因時間悤促, 補點之事委諸家丁者, 或擬薦未薦之卷, 汝所深 置鼻煙壺其中, 交與他們貼批。他們何人?明明汝家丁也。」房考曰:「我爲的與汝是熟人, 故所言如此。 汝何必打起官話來。」舉子曰:「我三年辛苦,文章不能勞汝 一顧, 類此者當尚不少。卽寶師充總裁時, 知。 我廐中只有一騾,汝牽去便是。」舉子曰:「罷了。」遂牽騾而去。 勢逼使然也。 攜卷與之理論。 將壺一轉, 家丁亦有倩友人冒充者。 可見其看文之不經意也。 重新加批, 取而薦之。其餘落卷,則預擬一空泛批語,如「欠警策」、 我們交情, 某科有一舉子落第, 房考倉卒答曰: 非初閱卷時便如此精細也。 頭向何卷, 汝當不忍。 此卷便算畢命。其有落卷批出疵病者, 卽中何卷。 亦謂:「我只看詩, 若論賠償, 房考多年力精壯之人, 且聞房考閱卷, 「大錯了。 汝們作房考,只知需索火腿, 取落卷一看, 雖 此事如何賠得起?我 **圖**謬舉, 此係向供給所取物 更有房考性懶 亦非逐卷批點 内批「火腿 詩好 然倚 則文 何至如此 皆由 説甚 老賣 無不

此亦考官坐罰之一重公案也。

不知 大吏又 焉。 比, 字, 前言鄉會場試帖向不講究, 顯有場弊。 而此外 披沙揀 《制藝叢話》博引繁徵, 向不苛 甚爲平庸, 器重其才,人多妬之。某科其子兩人同榜中式, 金, 求, 又别 經言官奏參,奉旨查辦。余充承辦司員,開手自以調閱 試卷 爲 而試帖有「落日照桑攤」一句,則奇劣。大家商議, 且「桑攤」二字, 無關節破綻可尋, 既揀得金, 自有價值, 兹又記一事,可證明者。 説得文章何等有價。今言場中衡文毫無憑據,兩説豈不相悖? 安知不别有避典耶?實亦大家怕重興大獄, 若僅以此詩句指爲文理荒謬, 若是金而不及揀, 某省某道員任海關道, 人謂其子本不通, 不是金而誤以爲金, 而鄉會 看此文字, 試 且兩 帖 先。 遂從寬發落 家貲 非 子同 此中自有 三場文 朝 決非 頗富, 殿 H

或云: 改,遂忙而交卷。場後急欲囘家,以爲必難徼幸也。及榜發竟中, 傳臚之日, 謂之補殿。 果未改。 丑,昭兄與余同會試。首場詩中,「痕」字訛爲「浪」字,係屬失黏。當時檢出, 「磨勘亦有勘不出 以爲 後來磨勘, 余隨 磨勘一定罰科也,乃告殿歸去, 班行禮。 居然 時候。」皆未可 無事。 皇上將升殿, 或云 知。 「場後試卷, 時丹陛上有一 此又試事之難以常理 以待下科補殿。中後不殿試, 房考必覆校 曲柄黄傘, 論者 謁房考, 便扶之而起。 次, 也 儘 謂之告殿, 可 看原 設 法 卷, 殿下盤 下科 改 疑未即 補試, 浪字

朱衣

在

春

巨繩, 長逾數丈, 初不解其爲何用, 忽殿上贊鳴鞭,有一人手執繩頭, 抖擻撲地, 聲震

九四

殿瓦。 又次引三

如是 者三,然後皇上卽升殿。 首引一甲三名,跪於前頭。 次引二甲一名。

旋即鳴贊行禮奏樂,迨禮畢各散。三鼎甲出

無人過問矣。

鳴鞭之制,

凡升殿 禮官送

Œ.

一陽門,

騎

馬歸,

此所謂及第也。二甲以下, 則由旁門出,

甲一名,

向前跪。

之及第而

返,

皆然, 不獨 傳臚然 也。 民間放爆謂之放鞭, 蓋即 取此義 敷

余試卷自卷 庫取 出,由粹弟收藏, 近已散失大半。 今所記者,會試首場題目,首係 「修己以

次言「而世爲天下,

則三見賢焉,

然後用之」。

詩「露苗

安百姓」、

「修己以安百姓」二句,

煙蕊滿山春」。二三場題目, 則記 不起矣。 鄉試首場題爲「君子信」 而後勞其民」 章,

爲「不大聲以色」,三爲「人知之亦囂囂,人不知亦囂囂」,詩爲「南飛覺有安巢鳥」。次場

「《易經》題『爲布爲釜』,《書經》題『弗詢之謀勿庸』,《詩經》題『維莫之春, 《春秋》題『冬, 會陳人、 蔡人、楚人、 鄭人盟於齊僖公十有九年』, 亦又何求, 《禮記》題『孔 如

何新畬』,

子曰: 一百十一名, 苦思 吾觀於 不得。 鄉, 卷爲錢 僅記保 而知王道之易易也』。」三場策題, 師 所取 和殿有一 鄉試中六十一名, 詩題爲「雪白薔薇紅寶相」, 卷爲孫師 亦未能 所取。 記 終難 出 文不 定其 鄉 高 會 爲 而名次低 何 覆 場 試 也。 及 朝 會試中 考題 本不

唯鄉試二場五經文,

取而進呈御覽,

爲可異耳。

照例主考覆命,

必有鄉試録擇文

呈者。 可見場中閲卷之忙,文章之無憑據也。 進呈御覽。首場多用元魁之文,二三場卻不拘,然未有六十一名之卷, 今科舉已停, 余以生員切己之事, 未及六 取而進

十年, 尚不能記清題目,過此更無人過問矣,故瑣瑣言之。

劂。 案焉。 之自由。 中無好手筆,意館中總纂必有一番斟酌也。 吏部司員起草也。 京師史館林立,余無分與修史事。時《會典》適開館,余充協修之職, 此亦文字關係,不可以常理論也,人特習焉不察耳。 風行海內,人人遂奉爲圭臬,以訛傳訛, 蓋向來修纂官書,不過聚翰苑高才, 總其成者, 余分得稽勳司三卷,原本尚多罅漏, 半皆耆年高位,以不親細事爲習慣, 分任纂修、 誰知依樣葫蘆, 流毒無窮。 協修之役, 隨意修飾, 迨識者指其錯謬, 略觀大意, 而全書成矣, 精麤純 數日卽交卷。 蓋吏部一門, 信手批閱, 駁, 余且得升階保 已無從補救 各視其人 即付剞 同 時部 須由

從前京師最高機 食已也。「白頭宫女在 家大事, **余在京時,查辦重案多次,凡陵廟、倉庫興作考査之事,多與其役。** H. 中經甲申、 頗得其大要。 關曰軍機處, 甲午兩次戰役,及累次外交膠轕, 前人有《郎潛紀聞》之作, 閒坐説玄宗」, 處在乾清門東側, 惜年來記性鋭減, 今所言者, 屋只三椽, 尤多有所閱歷,名爲部屬, 不過得其十之一二耳。 旁有小屋爲茶房。 半皆吾身親見之事 積年既久, 堂官兼軍 更事漸 非僅耳 而於國

録

機者,

辦事之所, 不能常到署, 俗所謂南 屋也。 有事須進内面陳, 余考軍機時, 司官多在茶房小坐, 人其室畫到, 見其屋小 湫隘不堪對面, 如舟, 一數 人埋頭作書, 即軍

内閣 燭幾見跋, 户部、 其景況與寒窗無異。 刑部、 都察院各署, 然其地極嚴重, 余皆因公到過 平時無論何人, 雖各有大門、 大堂, 不得踐其户也。 而辦事 之所無不 其餘 如

中者, 尤安之若素也

皆以數十人聚在一室,

刑部司堂簡陋尤甚。

當時夙夜在公,

事

固

不

而

居

其

狹隘

宰相堂餐, 余毎 到軍機處啟 斷不如是之節儉。 事, 其廊 下必排燒餅、 當日樞臣, 油炸裸數盤, 似尚 有羔羊素絲之遺意 爲備 樞臣召見下 也。 時作 點心 也。 古人

正座, 大學士名居揆席, 京官皆一滿一漢, 兩旁以滿漢尚書陪之, 滿漢四侍郎則在下面分兩旁坐, 非兼充軍機大臣, 分東西坐, 非如外官之坐, 幾與閒曹無異。 必中於堂也。 然位分不可褻, 故大學士俗呼爲中堂。 唯管部, 故大學士多有管部 則於部中添一 後

來不管部之大學士及協辦之大學士, 亦沿稱爲 中 ·堂馬

各部郎 御史爲 注意外放, 中, 朝廷耳 皆不願考御史。 員 外考取序補。 目之官, 國初 其實 有以 因御史輾轉 翰林 州縣 循 等得京察, 良行取爲 一二十年, 御 史者。 或積資開 亦不過得道府而去, 同光 坊, 以降, 部員得 則 京 專 是御史只是二等 以 察 翰 等者, 林 編 檢 亦

摺子, **樹聲之子張翰卿,聯合六部司員,會銜具奏。而適少吏部之人,託王可莊與 余言,** 院代奏。 從前給事 任封疆, 我無言責是也。 詹得講官者亦如之。 不畏彊禦, 而云然。 人曰:「歲將闌矣, 如此懵懵。」其 才耳。 要余領銜。 但我要奏事, 動爲 至滿 中御史, 余初到京, 而御史好弄筆墨, 不得謂此官之竟可裁撤也。 或平日緘口不言, 遇有要政, 語次流涎摺上?」可莊曰: 御史, 言官所指摘。 事 遂寢。 惟馬 例准風聞言事, 余曰:「此事關繫國體,袞袞諸公,自能力爭。 滿御史又該説話矣。」 其餘如編檢、 尤係不得志者所爲, 江 得 適使俄大臣崇厚因擅立條約有損主權, 敗衅, 由 甲 申、 我自主。 余過天津, 咄咄逼人,實有令人生厭處。 甲午之役, 同鄉參劾張佩綸失機, 而六部九卿堂官, 若他人寫便摺子, 部司員、 其所以招人訾議者, 「不列銜便是, 與余言之切齒, 蓋聽政日久, 偶有建白,多係受人請託。 獨能力排衆議, 議論尤多, 閣中書等官, 皆得專摺條陳時政, 風氣 叫我領銜, 係屬鄉事,不能不列名, 何必糟踏摺子。」余曰: 謂非撤都察院不 深疑其有賣摺之弊也。 尤盛。 如有陳奏, 但瑕瑜參半, 侃侃直爭者, 咎在朝廷鼓舞無權 京官紛紛具摺參劾。直督張 我雖 余絶不 我們草茅新 孝欽每於冬季語宫 初出 須呈由堂官或都察 न्, 輕 皆不愧 其有遇事敢言, 彈劾官邪, 發 茅 廬, 渠自有所激 非本意也。 「流涎卻 耳 進, 言, 李文忠久 亦不能 何 所謂

從前 有異議 奏, 推一衙門主稿。 尚書侍 然究屬少見。 國 郎也。 鴻臚寺各堂官也。名爲會議, 有大事, 究須歸禮部作主也。 九卿, 則交大學士、 在内閣會議同意者, 且議案雖取 則翰林院、 六部、 總之, 會同 詹事 府、都察院、 九卿會議。 實在主管衙門早定一稿,或主管衙門應迴避者, 紀綱整肅, 而決議究以主管衙門爲 即行畫稿,不同意者, 六部, 無權利可爭, 通政司、 即吏、户、禮、 大理寺、 或單銜具奏,或聯合數人另 重。 無意 譬如從祀 氣 太常寺、 可 兵、 用, 孔廟之案, 刑、 太僕寺、光 公事易公 工各部 或 另

言也

王道不 績。 予謚, 時不辦, 疆吏特據士民公呈, 惟是樞密之地, 幾幾呌我得罪人了。」乃特旨准謚, 從前易名之典限制甚嚴, 士民 外 然督撫得謚仍從嚴格。李文正之父曾任督撫,死後無謚。嗣文正以師傅入直軍機, 人情。 日久不忘, 乃事閲多年, 語稍涉私, 當日文正恩眷之隆, 呈請督撫乞恩, 奏請予謚。孝欽閱摺後,乃對軍機曰:「李殿圖若果 始行奏請?」恭邸即對曰:「李殿圖即李鴻藻之父, 朝臣非有勳望不得予謚。 便不免傳播, 文正登時磕頭謝恩。 督撫據情轉奏, 君臣魚藻之雅, 亦足見一時朝綱之肅也。 後來恩典漸寬, 都 並無冒濫。」孝欽曰: 此次召對, 下播爲 美談 大學士、 雖 無有加以訾議者。 不免夾雜私 應溢 「汝們早不説, 在任時確有政 尚書死後多 何以當 然

1

黄門者。 與服, 戸用 其殆以黄爲俗物 藍緞, 舊制 尚黄, 殿内 陳設 然皇上平常御殿, ?而嫌敗意歟?抑以黄爲正色而褻御不輕用耶?然外間一遇「御」 亦少黄色。 且宫殿春聯竟用白紙黑字, 多穿藍袍, 不穿補服,非逢五逢十並不掛朝珠。 門皆朱門, 未見有所謂

字,則無不飾之以黄焉。

以紅 褂, 旗。 也。 八旗之制, 色鑲邊, 平時習焉不察, 正藍旗穿藍馬褂, 日 正黄旗、 紅旗則以白色鑲邊。 但 廂黄 呼某旗某旗而已, 而正白旗則竟穿全白馬褂, 旗 廂或作鑲、正白旗、廂白旗、 旗幟 色, 及謁 陵時, 楚楚可觀, E 各旗 紅旗竟穿全紅馬 正紅旗、 分爲 人關時騎射之盛, 各色。 廂紅 褂, 正黄 旗、 旗都 正藍 至廂黄等旗則 殆不 統穿黄馬 旗、 過 如是 廂 藍

或由 飛舞, ~聖 純廟繼武仁皇, 扇一節, 祖庭訓》, 儒 臣潤 神 意義尤精邃。 采 灾 奕 奕 , 不盡 光緒初年重刊, 是御 或代 導揚文化, 似爲 擬之, 筆 也。 歴朝 仁廟 萬幾 書法 當時儒臣, 宸翰之最。 晚年聖學益粹,六十年文治之美, 京曹各頒一卷。 鮮暇 極工。 不能 特其詩 以紀文達爲最得優眷。 余於京師法 余領而讀之,中皆道學之語, 句與 躬親。 御製詩 江源寺, 亦 見碑 如上賞之福壽字聯區 集稍不同耳,大抵御製詩文集, 刻御製遊法源 洵有本原也 南巡時, 上幸白龍 其言暑不揮 多由南

春

明

夢

録

九九

不佳, 笛 十一 池南 1: 鳴鐘, 笑曰: 字使對。 即脱 書房作書,手帶一玉玦,刻《蘭亭序》,字極細緻。 句, 汝亦豈能當面大笑?」文達對曰:「臣非敢笑也, 「我出 上乃伸紙作詩, 玉玦與之。 積年苦不能對。 文達應聲曰: 一對, 當時海字承平, 汝能對, 纔寫「白龍寺裏撞金鐘」七字,文達便大笑,上怒 曰:「朕 詩 今觀御製七字,恰是天然對偶, 「若周之赤刀大訓, 即以此玦賜汝。」因指 君臣相悦, 天球 诚非晚近所能夢見也。 河圖。」 玉刻中「此地有崇山 文達侍側, 特因古人詩中有『黄鶴樓中吹玉 不覺喜而失笑耳!」一日,上 莊 重得體 目短視, 峻嶺,茂林修竹」 得未曾有。 乃就 rfii 睨之。

髮捻 漢漸無畛域。而月汀尚以此爲言, 與漢人十八省比?」此言爲其姪、世兄景月汀將軍星與余閒談及之。 未平, 滿漢大臣仍鬧意見。寶師嘗告恭邸曰:「我們滿洲特一洲耳,雖有人才, 可見滿族之解事者, 固早以排漢爲戒也。 當時天下承平, 何能

從前近支王公子弟,令在上書房讀書。 回家安歇矣。 本重武輕文, 儒者本有「三更燈火五更雞」之語。 無他, 是王子不能與人同 滿人出身容易, 即如滿洲大家教育子弟, 也, 不必學優而始可仕也。 時間 余帶引見, 三更燈火, 既 短, 每日僱 師傅又不無客氣。 進內時,天皆未明, 教讀, 今則甫經上課, 是滿族人才缺乏, 其僱價月不過數金, 大概有清以 至五 即見小王公紛紛 更雞 亦誤於 騎 唱 射得天 少 則已 則只 「何

必讀書」四字耳。

也。 藹, 此 只遇過三次而已。 末後有白 白片肉一盤, 滿人祭神, 地主之意。 漢人較, 筆帖式, 退讓者, 而蒸。黎明時, 肉 客去 雖 在京 一則 蓋全豕去皮 有鬧意見者,間或以冷語侵人, 故見漢· 簡箇 不 肉 卿寺堂官及出色司員,稍有才幹, 至尋常交際, 謝 末 必具請帖, 此余在京十九年, 可分爲三等: 鄉愿, 連遞而上,不計盤數, 盤、 謝 客集於堂,以方棹面列炕上,客皆登炕坐,席 人頗講禮讓。 宫中 則 而 白湯 蒸 犯主人之忌。 無爭無忤 名曰請食神餘。 祭神 酒肉徵逐, 其味 一碗, 一則一二品大員,年高位尊, 飲食周 與尋常殊 而已。 屢有賞吃肉之事。 而漢人之在京者, 即以下老米飯 滿人請客, 若遇有漢人在 以食飽爲度。旁有肺腸數種, 旋, 竊揣滿人心意, 不同。 所祭何神, 而絶無乖戾之態, 所日 便不免意氣自矜, 然一涉文墨, 者。 以 凡 相接觸 此 座, 席地而 有請者, 大半客居, 爲 客食愈飽, 其説不一。未明而祭, 大典, 者 亦知平常佔盡 轉不免稍 坐, 各自持重, 平心 固歴 必起早赴之。 以自帶之小刀切 然非富家不能辦。 但見其可交可 而論, 主人 面 歴在 涉拘謹; 排糖蒜、 皆白煮, 目 便宜, 愈 禮節周旋, 也。 較漢人尚多平易近 喜歡, 余在 人才 韭菜末,中置 親 則平常司 未有不 京十 肉。 不下鹽豉 謂 全豕 轉有 文不 余極喜食 取 大概皆 九年, 味 吉利 去皮 廿心 視 能 和 與

内庭供奉及武侍衞與焉,他人則無此口福也。

則以 也。 出, 外, 僕月需六金。 隨於後。 王公大臣許坐四人肩輿, 貧富 然亦 前 不能不斤斤計較也。 有不 馬 且前 論 後或 有引 坐 後因公事較忙, 不以階級 轎而 馬, 兩三馬 坐車 分也 後 足矣, 有跟 者, 余初 或藍呢, 緣坐 添買 騾 到 車則必用 計一 京 轎, 或緑 計 一跟騾, 皆僱 年所 紅套圍, 呢, 年所費, 則轎夫四 費, 車. 月亦 而 無甚區別, 坐; 至奢不過 至省非 非堂官卻不許僭也。 只費十金而已。 人必備 數年 非如外官, 後, 四百 兩班 八百金不辦。 始以 金,  $\equiv$ 一班替换, 相差 然在同官漢員 二十四金買 必三品 若坐車 要其 倍。 尚有大 坐轎、 始坐绿呢轎 京官量 騾 則 板車 車之 人爲 跟

特色。蓋當日京官之儉,實由於俸給之薄也。

苦難 租, 於民, 悉 清室王 地 州 勾 設莊 縣因 稽 凡馬 公富有莊 我王府莊田有名無實, 催徵不 層層侵蝕, 頭管之, 足所至之處, 田, 力議 又由 其地 處者, 歲歲 其 即爲所得之田 租歸直隸州縣代 銷 府中管家家 不少官樣文章, 磨, 若照原額收租, 則 莊 人 頭 統之。 是征服 與管家 徽者不少。聞人關之初, 其民欠是真是假, 我家何至如此拮据?」大抵天潢貴胄 地民田 富 年深代遠, 而主人貧 郎爲 子 矣。 孫不知田之所 功臣采邑也。 無 由 憶 褒獎功臣, 話也。 在 部 時, 但王 溥 在 倬 准 雲嘗對 八 一公佃之 其 册 跑 籍 旗 凡 地 亦

其勢使然也。

閒散 其官 定, 貴也。 可見食之者不寡, 光緒初年, E 一公及閒散宗室,例不許離京城四十里,並不許任外官,且不許其經商, 王公貧甚, 帽怕塵 而生齒日繁, 滿漢俸餉兩項, 王, 旋復舊額。 罩以紅布, 有爲人挑水者。 生之者不衆, 不商不農, 統計二百餘萬,漢人所得者十一萬有零。 是滿人俸餉仍佔漢人十之九, 持之以行。 獨仰此俸餉爲生, 雖勳戚世胄, 初制之優待滿人, 每遇朝祭, 席豐履厚不無其人, 其何能給?嘗見滿 亦適以害之也。 冷署堂官蟒 未嘗不可使之富 袍, 髮捻亂後, 其窮乏者究屬多數。 竟有畫紙爲之者。 員進署, 也。 所謂愛之欲其 誰 半多徒步 俸餉減成 知穀禄有 H.

峯。 情, 端王之弟也, 也。 老本家則 鍾 一杰人英,余之鄉會榜同年也。 歷朝 杰人往 畬曾後送以 請酒送禮。 諭旨, 仍在京, 岳州 瀾公與杰人之本家有姻親, 磁器, 又喜結交外官,李畬曾由工部捐知府,分發江西,渠爲之寫信與 極爲 到京自認爲本家。旗人最重科甲, 森嚴。 渠屢與借貸。 渠對余言: 光緒中葉, 由户部先得京察, 「李畬曾居然送我磁器, 當時王公實有窮則思濫之意, 防閑漸弛, 多與杰人相往來。余偶與之相見,便拉攏交 放湖南岳 如瀾公者, 故往來甚密。 未免見外了。」實亦 州府。 實不一而足。 清制禁王 載公瀾卽惇王之子、 渠本福 公 杰人又有親 州 與 意 駐防, 外臣 嫌 其 德 結 薄 曉 其

子針線, 津貼遂完了。去年我娶親, 世後, 内姪 之贖貨, 杰人往來甚密, 筆帖式?」嗣, 月租十二兩, 戚名惠某, 醇王至親, 尚給一二年。 何以亦 人極 卻花錢不多, 宫中亦以餑餑等物見答。但太監往來, 遂不諒其族衆平日食貧之苦, 莊順 與惇王亦有親, 恭 不闊綽?」恩曰:「不要説了。 惇王出五兩, 余晤同部郎 故於王公之情狀頗有所知,合觀此兩人之言, 順。 皇貴妃之内姪, 余問之日: 後因法國打仗, 恩灝, 給我二百兩, 但醇 醇王出七兩, 「汝亦算是皇親國戚, **莊順爲醇邸生母**, 王窮,惇王尤窮, 問之日: 慈禧太后言國用乏絶, 亦未爲公道也 此外毫無沾光。 餘外伙食隨意津貼。 「惠某爲醇 我家每年宫中本有二千銀津 那比恭王爲軍機,有些進款?我房子 惠即醇邸表弟也。 王表弟, 何以僅做筆帖式?」渠曰:「我 至於年節,我們卻有送禮, 我之外家亦一 二王均 亦可印證。 其貧如此, 每次須四兩應酬耳。」余與 官兵部筆帖式, 無權 貼, 今因後來親貴 概停給, 汝是慈安太后 我安得不做 慈安太后去 此項 與

豫親王後 「『窮奢』 丁丑同年盛伯 二二字, 家有莊 希祭酒显,宗室名士也。 實可 爲 田, 我滿人寫照。 其後亦不甚充裕, 愈窮愈奢, 人甚不羈, 其言自有感而發。 愈奢愈窮, 菲薄滿人, 此 而喜與漢 兩字當作如是解· 但其好買古玩, 人 爲 友。 也 亦不得謂 每 渠爲

特不俗耳。

春明夢録

揭,

· 更雜以 干三開

御

史賣

摺

一事,

情節複雜,

物議紛紜。

欽差大臣,

多託故不往,

方站

得

住。」余謹

受教。

到吉後,

窮一

月之力,

檢查案卷數

十箱,

千頭

萬緒

縷析

條

分,

 $\pm$ 

事畢

覆奏,

無異議。

此案係吉林將軍

先 長 順

與紳士臺灣藩司

于蔭霖

石

相參

私, 從前 成終始之兆爲疑者, 攝政 宣武 爲崇德元 至姻 余往吉林查辦事 京師前三門: 須 聳動當途, 王敗, 人心瓦 即借此 牢記 兩 **婭膴仕手握** 京官專講資格, 門額, 年, 此又莫之爲而爲者。 破格爲名, 凡辨 解 中日 且明以崇禎亡國, 而自爲 定有天下之號曰「清」, 兵符, 案必 件, 神州 E 瀕行, 脱潁 而後卒不應, 陽門, 原以抑倖進也。 陸 須腳踏實地, 沈, 竟任其棄城潛逃而 以便其顛倒而廣招徠,於是駔儈驟躋貴顯, 計。 寶師告余曰: 何非此「破格」二字醸成之耶! 東日崇文門, 當時京中, 清以 然同治紀元時, 其果讖耶?抑會逢其適耶? 奏摺中字字要有來歷, 自仕 清以崇德始, 宣統遜國, 途擁擠, 「此役兩面受敵, 遂有「下詔責人, 西日宣武門。 不爲罪者。 亦是 髮捻之亂未平, 以宣 而懷才不遇者, 一讖。 是舉國家之爵 統終, 喜言識者謂: 不可以意爲之, 種族主義, 頗不易恰好, 破格用 況順治以 崇、 人 我」之謔。 乃倡 皂隸 宣二字, 禄刑 即有以順治、 攝政 清太宗天聰 特其名 亦溷 破格求賢之説 賞, 但有一 倘後來翻案, 王 興, 也 衣冠矣。 誰 恰應崇文、 無格 知 語相告, 親貴營 同治將 宣統以 + 不破 年改

分堂司 以本部 徐主事 同部 結果則紳 屬刑曹外 溥 謙兩人, 倬雲同行。 敬止齋侍郎信及工部汪柳門侍郎鳴鑾任之。 士議 而辦事究以司官爲重。 餘事皆余一人任之。 處, 因審案必須用刑 工部所派者, 將軍則附片請旨申儆。 曹也。 則爲 此案兩方面因互爭意氣而起, 余雖係滿大臣所派, 何主事乃瑩、丁主事象震兩人。 欽差雖分滿漢, 御史賣摺, 余以掌印資格, 審無 而主稿則爲漢大臣所推。 而主意出自漢大臣爲多。 確 供, 所謂化小事爲大事 請歸 派作隨 另有刑部 刑部就 帶 司 王 近 . 員, 復 除審案專 郎 階 也。 中 遂 鵬運、 與

崑師 恩寬免。」 上尚有恩典, 充承辦司員, 三人以司官之言爲然。 司各官量予議處覆奏。 致鄉民赴部稟訴, 與余甚 當查辦未覆奏之前, 相得, 檢查舊卷, 汝何苦作惡人?但公事公辨, 毎見 此本小事也。 奉旨: 滿侍郎啟秀獨持異議, 必暢談數小時。 知禮部司官辦理實有未當。 「既係事非 余例應迴避, 時崑師與李文正公同爲尚書, 有一次, 一年, 我不怪汝。 不能與崑 遂單銜具奏, 官非 禮部儀制司司官因收地租事, 一任, 但事 師見面。 惟啟秀本無行小人, 非一年, 所有堂司 乃派徐蔭軒中 及事畢往見, 官非一 錢子密姻叔 各官處 任, 堂桐查 分, 此事之起, 師 爲 請旨將堂 不詳查舊 日 著 辨。 侍郎, 卽 皇 加加 余

就事

論事,

勢不能無所

軒輊也、

i

而

論

官廳

案卷

難保無彌縫之處,

而紳士之控案纍纍,

且所計將軍情節又多過當。

以 按侍 必啟 小 有 事單 袒 謂 護 郎 秀 其 拳 當 單 銜 受人賄託者。 匪 時 銜 X 弄些手 具 奏, 外人指爲 軍機 本爲 腳 我與高 耳。 大 禍首, 例之所許。 臣 啟秀亦 亦小題大做, 陽、 明 翰 子密三人力持 E 典刑。 林 但朝廷原 出 身, 遽請 觀此 由 查 可令其餘堂官明白覆 不可, |盛京 辦 人 類末, 殊爲 侍 渠乃 郎 調 怪事耳。」余只 可 京 知當 散布謡言, 後, 日 同 驟 奏, 升 部 共 可設 尚 興 無查辦之必要, 風 書, 事 作浪, 詞 人軍 敷 邪正斷難 衍 竟以此 而已。 此 相

容也

矣。 寓, 手。 辦, 古玩 京中 金。 店 適有 招 不 研審逾月, 余與承審之役。 财 數 饒 摇撞騙之風 制, 其 亦 素識之古玩店夥 H 實 未 不得謂: 道 1 有 加 路 放 始得端 無 攔 最盛, 陝 定 非險 紛 阻 傳 約 此案發難極烈, 西 主 迨 倪。 地 考, 放 到 也。 謡言最 訊 而 緣丁維是記是山東人與江 參案成焉。 寓 無 四 店 JII 贊老奏參陝西 確 夥 謂吾 據。 多。 試差之先 又來索賄 御 迨次 有 萬目所視, 初審 太監 史風聞言 日 日, 時, 門徑, 考官丁 1, 四 頗難 事, 古玩 自置之不理 JII 提饒訊問 西人饒士騰 放 可以買差。 維 大意, 人 無所 店夥又來, 湜 囑託 與丁 避忌, 而 饒 均 太 丁富 參摺 自外 及丁 無與, 監 以 謂説 偶 差竣 省解來 而 編 買 只 牽連, 則店 定四 饒貧, 修 説 差 目 考 風 京 夥之言爲 JI 差, 聞, 案, 丁似有 可 便 放, 到堂, 太監 難 两 奉 尤 解 難 旨 日往 無 議 默 脱 同 查 價

見, 僞, 乃以 夥當 雖 不 京師 卽 店夥敢於 言斥之。 謂 成爲言。 受之於秀才, 三句鐘 認罪 知情對, 放 應送 殊 步軍 何 不 四 日實有 人多詬病之。 姓 H 究。 知 JII 亦 、唐突, 何 憫 統 檢 不 事後索酬, 時 至太監係何人, 而毫無邊際。 當時 说合, 重, 也。 此等責 領 束 秀才受之於 我有應許, 並無主名可按。 議以 自非 省得吃眼 嗣 不 俗謂之九門 得要領 提丁到案 備 丁實未峻拒。 然其認真辦公時, 特京中人訛詐慣技, 革 無因 職。 問之丁, 雖是呆板官話, 公而散。 剃 至前 如何 前 究竟有何證據 提督。 虧也。 頭匠 其餘 索 切不 也。 人犯, 且汝當 嚴詰丁, 則 賄 再三訊鞫, **詎饒回寓後便自盡,** 日 其兵 剃 認。 頭 秀才甚點, 則推之剃頭 亦煞有可取。 ? 然既 以撞骗未 時 匠 沿緑營體 「渠賣的是四川, 則矢口 提店夥到案, 即應舉發, 何能定我罪案?」當告之曰:「伐國 丁又言:「店夥當日不過隱約其詞, 始供 問之店夥, 成參案, 制 不承, 匠, 出直隸秀才一人、 成 一到堂, **余承審賄買考官一案**, 蓋一時憤 分别 渠 俗謂之京營。 則官話安得 迨後來吵鬧, 亦一味狡賴。 亦游移其詞。 連 我放的是陝 便説 擬以 日 概 熬審, 不 愧, 知。 有關説情事, 流徒完案。 不説?」 剃頭 其下有 跪 恐無以 汝如果問 蓋劣生熟習例 西 多方印 練 其 匠一人, 實 人肉寸餘。 本兩不 自明, 其時查 渠 偵 太監 證, 而以 始 心 不問仁人。 我 無 無 相 是真 蓋店 即以正 始知 便尋 行賄 一辦大臣 名 愧 涉 閱 日 夥 是 亦 店 卽 時 未 後 知

往 係 便 有 鄉 紛 犯 福 中堂銀、 下 紛下 人供 只 由 番役 扮一 鄉。 H 他 徐中 賣油 頭 明 犯 H 時, 目 堂桐。 再審 如管带之類用 堂上如詰 作爲肩 福爲 即帶 步軍 草紙寫 挑 其人 其鄉里住址 貿 統 來矣。 領, 易, 數 字, 審案時, 尋 及平日 出 問其 便 線 如 可 索, 番役頭 何 職 行 辦法 業, 即帶之而 使 職 目前往 加意 權。 則 日 研求 歸。 其 供差, 鎮 昨 蓋 厭 番役頭 出由 步 地 站在 軍捉 面 此 目 門 ٨, 坐 潛 外聽 卽 勢 板 知 向 力 車 意旨, 不 固 遇 馳 甚 出

大也。

訊, 遞一 章彈 薛雲階 中 膽 甚 亦有 徇 重 親 劾 納 御 供 跪至 史 當 尚 其 書允升, 風 奉旨 同 時 與 臺之人, 臺 無可 聞 薛 而 點鐘 案 諫 言 查 公子相 辦。 仍 推 究詰 事 持 無 折 躬 尤感左 本無佐證 往 頭 大 頭 所派之大臣, 廉樸, 緒。 提其 來。 員 Ŀ 氣 視 僕, 於 右 如 後 熟悉 爲 炊 因 是 爲 該捐 同 難 快 供 甑 招 刑 係吏部 之苦。 朝 尤 事 摇 名, 大官 游 屢 職 日 上堂, 次量 移。 甚 爲 擊 適 及都察院 法家之泰 絶, 御 噴有 不 連審 有 只呼「革員冤枉」四字, 史謂 中, \_ 煩言, 數 實 日 (礙難 日, 堂官 其與 覆 他 斗。 審 御 毫 熬 謂 公子冶 史 時 余與承 審。 查 便 無 薛 有 端 辦 僕 再 遊, 薛公子 過 大 接 倪 候 於 閙 審 再 選者, 並 之役。 操 癖 厲 口 切 係内 矢口 涉 氣 臺 及 習 御 係 行請 卒以 閣 無供。 當 成 史竟指查 在 六 託詞 堂 中 風 都 品 查無 氣。 書, 頂 察 捐 且 撞 訟 院 上堂 職 實 承 辦 煙 審 爲 集 封 癮

案。 迥不可及。 分則例因命官考功,是以及此,互相表裏,毫髮不能爽, 日, 然當日臺諫黨見已深,勢燄尤熾, 與同召見,在板屋内少候,見面互致久仰之語,備極殷勤。 平心而論, 而朝綱未墜時, 冶遊之事, 百政尚屬清明,雖纖芥之隙,難逃指摘之嚴。 薛公子不無嫌疑, 非笞僕卻無以轉灣也。 而事過境遷, 津津有味, 絶無介意。 余與薛尚書素無往來, 苦無佐證, 且暢談大清律例與處 可見大臣風度 及今思之,不 不能據以定 有

禁神往

品, 也。 京師 過一次, 全國之精華,其現銀不過此數。余守蘇州六年, 九年,奉派隨同查庫四次, 而所藏 有十庫, 一係内務府銀庫, 且有前後任交代,一年不止查一次者。 不過 而銀庫居其三。 如此, 專儲金玉珠寶, 甚矣中國之不富也。 每次藏銀,至多不過一千一百萬,少亦在九百萬以上。當時聚 係紫禁城内庫, 不藏銀也。 然當時政不繁、 省有藩司糧道兩庫, 然兩庫所藏不過百萬。 存款百二十萬, 惟户部之銀庫, 賦不重,雖不大借外債, 備閉城日用, 則專藏銀。 每年首府均奉派查 蘇 州 爲 永遠不動 余在京十 財 賦 之 Thi

京師 庫兵十二人。庫書不人庫,而入庫者只有庫兵。 銀 庫防弊極嚴。 庫設管庫大臣一員,以户部侍郎兼之。 外省解餉到庫, 設郎中爲司員, 每萬兩聞須解費六 下有庫書數

計

仍

可勉力支持也

凍冰, 十兩, 時, 余初 之則骨 镳客保之去, 余聞之, 不可。· 庫兵之入庫門也, 兩 疑 庫門設一 其, 銀 恰 卻非明文, H 口 亦無以 鬆。 凍在 説, 内 可 相 均 板櫈, 茶内, 防被 過差。 然油 無銀 同人告余日:「汝不查過内 容。 難。 平時 不知庫書、 捲 也。 雖倒 鉅 至冬間偷銀, 跨之而 則 然其 निर्व 也。 開 向 雖嚴冬亦必脱去衣褲。 銀之分量 東四 、偷法 亦不墜也。 過 庫兵 庫兵如何瓜分。 牌樓 有出人意表者, 示股間 之貴 又有 重 庫乎? 秘密藥舗買藥服 其餘則重出 如此, 抽换茶壺之一法。 塞之於内, 無銀也。 内庫 似非 然庫兵入選之日, 則以 庫内别有衣褲, 且 三輕人, 庫兵不曾脱褲, 只能容半 兩手向上一拍, 品 穀道藏 區部費所能養其廉, 之, 茶壺出庫, 天平上亦不能 甚矣當日庫兵之笨, 點鐘, 謂男子穀道 銀 也。 亦不能穿之出庫。 户部門外, 因 工夫 法 口叫「出來」二字, 必 庫 用 無弊。 倒 亦有 藏 稍 猪網油捲圓錠 皆 開 是非出於偷 久 亦 大元寶也。 必先有十 驗。 交骨, 便出 然無論如 出 亂 服 示 庫 八 竊

孫師 以 户部 侍 郎 兼 管三庫, 余初 派 查庫, 往 詢 情 形, 語 畢, 師 謂 余日: 一今日

歎當 何,

日庫兵之可

憐

也。

大數不能

查

庫

時

須求適合,

可

見所偷亦有限。

又未嘗不

辰, 供之菜, F. 供 僅 有 如 菜 此 汝留 耶 此 慕韓曰: 用飯。」余以 浙 爲 人家食素儉 必有 盛 饌 也。 卽此便算是豐的。」又一日下午, 及 X 座, 六簋皆肉 類 73 問 太 日 老 留 一余喫 師忌 E

點心, 乃以膯飯 炒雞蛋相餉。 户部堂官, 場面算是闊綽, 而家食不過如此。 師之儉德,

可以愧當時之以八十金食一碗魚翅者矣。

數百 十疋爲 時, 緞疋庫, 加蘆席於上, 捆 特備賞賜之緞疋及官用之麤質布帛耳。 堂官率同司官十餘人, 捆, 亦户部三庫之一也。 捆高充棟。 積二百餘年來, 查不勝查。 余舉其最高者, 不過抽查一二捆, 分樓查點。 名曰緞疋, 不知加席 指一 每 幾次, 捆, 其實御用緞疋, 項多數千百疋, 庫中有樓, 點數而已。 腳踏其上軟如棉, 令其取下查檢。 有一日, 樓上積土, 或以 皆藏於内務府之緞庫, 庫役緣 一二十疋爲 而 余上樓查三 不許打掃, 塵 梯而 則甚囂 上 線羅 捆, 土厚時則 高 或以 兹所藏 舉 查 樓 數 列 庫

惡作 笑而散。 然無人敢檢拾者。 劇也。 倒擲地上,塵土墳起。 三庫内, 溥倬雲怨余曰: 宣紙多數十年物, 又有一顔料庫, 時方盛暑, 「誰呌汝多事,致上此當。」余曰:「要認真, 所藏尤雜, 積疊 揮汗如雨, 如牆。 凡各種材料皆備, 聞其中有蛇穴居, 面目爲之黧黑。 檀香成堆,散布於地, 蓋庫役嫌余苛察, 每次查庫者皆不 不能不上當。」一 敢過

庫, 余均查過。 内庫户部三庫之外, 則有內務府六庫。 六庫中, 銀庫在弘義閣, 問。

年年貢

品用之不竭,

日積

月累,

幾不

可數計。

月要歲會,

册籍爽若列眉,

其實偷漏

抽

换

固

無

可究詰也

畫尤 徽 石, 而 殿有兩廂"東日 胖。 磁庫 不免 多可觀 欽二帝 約 兩 有分班偷 又 内古磁, 指 及李、 有吴三 歷代 體 僅三斤, 仁閣, 如宋、 桂鬭 帝王 空時刻, 杜 小 西日 像, 鶴 像, 弘義閣。 元 金剛 鶉 各十 則 小 有盤古, 鑚, 惜 像 明所製, 未能编 ·餘幀。 因弘字避諱, 皆特 大如青果核者, 有湯武, 徽、 觀 色也 排列數十架, 也。 不設大學士, 欽 唐宋以 活 聞 他 如 又 畫蒙塵 緞 有 兩 故人鮮知其名。 色色俱備。 庫 王右 下則較全, 口 袋。 面 皮庫 目, 軍 墨蹟 餘則 李白 問亦 若南 記又 及古 金 庫 玉 面 藏 畫甚 薫殿 有 白 珠 有皇后像。 最 寶, 而 貴 茶 多, 顔 鬚 者 璀璨 庫, 料 稀 爲 庫 因 此外 滿 大 所 杜 皆視 藏 藍 雪 目 甫 如 字 面

之潮濕 行賄 領米 焉。 京通 員 皆倉書也。 先 看 其米色好者 十有七倉, 不 倉。 能 能挑剔 百弊 生 此倉 總之, 火 叢 也。 生, 只付與· 京倉日積月累, 米 領米 倉弊 計無 色不 則儲於通州倉, 對, 米舗 者 愈 所 |不能 甚 出 打折扣 則 换 得好米 只 而 有 訛 彼 米色紅朽, 一虧之於 倉, 以備宫中所用 而已。 詐 倉官者 若此 八旗官吏及參倉弊之被 而 米 愈多, 倉笛 名日老米。 兵米則不然, 而 已。 及五 筃 虧之愈 倉監 不 要, 品以 督形同 六品以下官俸及兵糧, 甚, 則倉監督必 上官俸。 每次發兵 竟至 傀 動 儡 御 、米時, 有 京倉米既 史, 當 放 而 查 從 火 與 八旗 中了 自 辦 夫 焚者 朽壞, 都統 倉 於是 事 者, 取 請 謂 必 則 派 米

外庫

爲

優焉

録

當查 書皆 律鋪席, 1得錢 點 也。 然數百倉厫, 與緞疋庫樓意同,席上粒米狼戾, 憶癸巳倉虧案發, 何能徧查, 奉旨查辦, 只飾其名曰抽查而已。 結成餅團, 口説官話, 幾與糞土無異, 而從中黑幕何曾是因公。 惟到倉時, 看其厫座外 任人踐踏而過 隙地一 米數固

暴殄天物。迄今思之,猶爲痛心也。

例推 陵也。 奉天, 陵 帝陵之方向以 寶華峪建萬年吉地, 毅皇帝同治陵也。 康熙陵也。 余當掌印後, 不能 歲修之别名也。 有慕陵, 無别 后陵在遵化州, 以陵工爲最重。 至帝后生前所造陵, 有裕陵, 本部堂官有派勘估承修各項工程者, 定名。 故特 宣宗成皇帝道光陵也。 西陵在易州, 稱 高宗純皇帝乾隆陵也。 爲 後因龍鬚溝出水, 東西兩陵, 如孝貞、 普陀峪定東陵、 是爲奉天昭陵之西也。 有另案工程, 名曰萬年吉地, 孝欽顯皇后陵, 有泰陵, 東陵有昭 有專案工程。 近日德宗之崇陵, 普祥峪定東陵。 是以於西陵改建慕陵。 世宗憲皇帝雍正陵也。 西陵, 有定陵,文宗顯皇帝咸豐陵也。 而繫之曰某某峪。 皆在定陵之東, 有孝陵, 世祖章皇帝順治母后陵也。 余多派爲監督, 專案者, 餘所云某東陵、 世祖陵也。 亦在西陵之内。宣宗本在東 特別修理之別 萬年吉地既葬, 凡后後死者皆另立陵, 今皆名定東陵是也。 有昌陵, 亦習慣應爾也。 有景陵, 某 仁宗睿皇帝嘉慶 有 西陵者, 太宗 惠陵, 名 聖祖仁皇帝 也; 則改稱某 昭 穆 另案 然兩 卽 陵 I 陵 可 視 在

德, 皇帝 與他 如僧 頂, 殿, 頂, 此 陵 覽 獨 有武 無所 如城 寶華峪出 無餘矣。 陵 附 墓 東 不同 列 西 東陵 功者則 樓形, 陵 詢之守者, 配 謂 内者, 寶城 殿 爲余所到者。 水之後, 前 各 西陵之慕陵, 建之。 左右 也。 更有聖德神 一。正殿後有鐵門, 不 知何 云此 有堞, 東 西陵 陵之孝陵, 重惜物力, 即妃嬪 故 所到 下卽隧道 聞最簡樸, 日景陵。 功 守者 碑 墳 者 亭 故改作一切從簡。 樹 亦 也。 啟門而 座, 也。 木 陵前 不能言其詳。 -葱蔚 宫殿均不油漆, 妃嬪之墳名日 日泰陵, 其 寶 有九空橋, 人 城之前 下之贔屭 前排 望而 日昌 園寢, 石五供 橋之北方 項長逾丈, 日 左右兩排, 兩陵地勢, 知爲王氣。 陵, 裕陵。 寶城之制 上蓋 有宫門, 排。 日昌 宫 亦殺。 以東陵爲 其 門 緑 有十餘箇 若惠陵, 製 琉 外 西 後 陵。 璃 可謂 人 石 卽 Ē, 蓋 人 宫 寶 雄壯, 則 昌 紅 鉅 宣宗 門 城, 顯 矣。 規模 土 西 石獸 則 豁 陵 堆 素 H 有 西陵 呈 只 此 最 頗 尚 有 隆 大。 員 碑 多 崱 儉 恩 惟 頂 圓 寶

能 承 報 修 而 東陵 東 西 殿 配 另案工 過 殿 保 簷瓦 保 固 固 期 年限, 程, 滿 破 損 不 中 肯不報 便設 油 有 景陵 漆 黯 詞要求, 淡, 也。 東配 殿, 然 並 卽 不 而 報修 請 在 勘估大臣斟酌款項 修。 應 修 兩 細詰 之列。 陵 I. 程 其 故, 到 陵 毎歳 乃 各陵 各 看, 知 不 西 能 殿中 中强爲 殿 逾萬 保 不 固 分派 期 過有 兩 限 滲漏 各 未 遂不免 陵請 痕 修 不

平

衍

也

辦, 有 遷 此 就之意 亦 勢迫 使然 然因 也。 此 敷 衍之故, 陵 寢歲 修, 罅漏 題目 不補, 不爲 不大, 積久傾圯, 而 儉 嗇 醸成專案 如 此 可 I. 程 見從前 則 度支, 用 款非 部

有限 制 固未嘗用 若泥 沙也。

知。 用 所擊, 余所辨 楠 木 殿頂以 全體燬 工程, 近時 金鍍之, 以祈 無此 焉。 或云守者舉 年 材 料, 殿 在庫領金六百 爲 最 以洋楠木代之。 鉅, 火於殿額後割蜂蜜, 工費將及百萬。 兩。 中 横卧 可 容數 於 一人, 地 祈年殿者, 以 致 對 甚矣 失慎, 面 不能 即上辛祈穀壇也。 規模之宏壯 見人, 然事後莫能 其圓徑之鉅 也 詰 也。 壇 爲 殿 口 雷火 柱

貫爲 苦, 其 頂一律刷之, 懸板 京 役。 師 宜 貢院 於承修時, 於 當未改造時 當時多以迷信斥之。 以置筆硯, 余會試時已極 以致 曾於應修之號, 無從覆驗。 人言「明 可謂苦極矣。 破 壞, 季因修貢院而國亡」, 誰 偷減掩飾 知國 各捐 號末 未亡而 雨天 座 灰一觔以益之。 位 滴漏 離 愈修愈壞。 科學 地僅 ·先廢, 及尺。 尤爲 有清 乃匠 不堪, 後經全體改造, 亦 號壁崩 代 可 人巧滑, 怪 每 也。 相戒 科必有 蝕 改用 不 棹板不能 焕然一新, Ï 敢改造, 灰水, 程。 安。 余念過來之 似以 將全號屋 毎以 余亦 仍舊 雎

從前 馳驛之證 欽差奉 旨馳 兵部仍奉旨咨行督撫, 驛 查 辨 事 件, 及隨 督撫卽轉飭首驛 帶司 員 併 馳 驛 者 州縣遞驛 出 京 時, 迎送欽差隨員並僕從, 兵 部 給 以 勘 合, 以爲

淺者 定例 轎皆阻 備 結,註明「照例 而縣 熬粥 隨後 半真字畫及醜 余所歷者言之。 耐二字相規 有謂其濫受饋 例 歷寒 則必以 均 奏請 H 並 不無 暑, 縣 須 以 進, 領 搭官輪 乘驛馬而馳。 鹽 將 酒席 款 勸。 就雇 菜侑 暑天 偶 iffi 而 動 供應夫馬 句 送 事 預 菊 相待, 備, 穿叢 之。 M 肝 實 數盆, 小 吉林之役, 日之兩餐一 船 滿載而歸, 相 由天津赴營 面各持一 火之時, 作正開 左 及到 葦 行 却之便無所得食, 然欽差與司員, 如 中, 河 房舍亦尚潔淨。 此。 奉天, 曲 並無額外多索」字樣。縣未出結, 説, 宿, 銷。 余隨 野 而旁人每以爲 甚有以 口 蟲 每次欽差出京, 而 以官階之大小, 起旱, 余初 軍隊 節前往 欲求稍稱 横飛 船 遲二百四 流索供 亦疑信參半, 出 則縣必供備車橋, 少頃, 接, 環撲 可省十二日程途。 人意, 不能矯情也。 上下吏役約三十二人。 癖氣太大, 十里 應, 結 刀 沿途州縣辦 綵 砧 將軍及五侍郎送燕 殊不 定膳費之多少, 燃燈 水 見諸 迨自吉林歸, 程, 與 易得。 不能 參案者。 魚 惟每過一站, 迎人 閱 肉 差, 便不 因驛馬萬 八 相 相 誰知到 公館 諒。 且. 攙 H 謂 敢行,因需 雜 始 而 每鬧赔累, 出差 日 菜 到 誉 乃得其究竟焉。 故 行 七月暑氣未衰, 老於出 不 不 奉 百 路 館中 席來,每人不止一席。 食之不 夫。 仍 過數錢數分己耳。 時, 種 者 能 則 應 種 陳 索例 騎 欽差 差者 設, 能 途 艱 謂 取 雨 也。 下 中, 難 後泥 長 有處分也。 地方官印 回京, 途 卻 咽 沿 途行 今姑以 必以忍 160 濘, 閱 有 伙 途 食船 歷 征 日只 必 A 尚 車

一人

道。 例 危險 非辰 派 矣, 則 軍 腹 亦 而 所 迴 菜 甚罕。 E 兵 避 大 謂 送 在 苦事 各站 此 無 滿 接 正 餘 1 營 味 漢席 甚 燈 行 亦 不 切 則 小 官 也。 護送 有 里 能 4 有 結 路 唯 便溺 數長 啟程 綵 站 膳費 跪 微 不 H. 卧房之後, 自奉 半 者 次 席 能 請 4 知 之器 糟 自 氣 奏 飽, 多 H 短 聖 午到 天 象 踏 門 由 未 明 安 隔 不 餘 之苦也 至 亦 前 斜 同 而 H H H 尖站 吉林 尚 己。 則 即係 自備家常 掛 而 由 後 度 預 竟有 堂 必 省 四 卽 卽 備 皇。 歇 飾 牛 盏 歇 1 庫 逕 日 意謂 白 尖站 者。 紅洋 遲至 网 按照 絶 以 欄 而 X 里, 唯住 日, 便飯 已。 無 猪 行 紅 卷, 布宫 宿 有 初 部定 布 臺 新 更而 飯 宿 整 站 此 鮮 而 次, 時, 理長 或用 燈, 卽 按 者。 尚 數 封 沿 而以 站 途 未 可 門 H 目 每 過征 途行 屋頂 站 勒 戎 博 路 紅 篾篷隔 到 行 撥 辦 食宿之苦 幕 給 呢 必 令 站 也 事 過 計, 設 其 者。 韋 飽 或 錦 之者。 73 將 守 此 牆壁蔽以 行 趕 州 也。 由 每 又催 及二十日 其 前 乘間 館 數 行 也。 希 本 H 館, 三十 根 吉林 地 只 寶 所以 拜客, 若 齊 代 進 到 成 高 火 吉 遇 張 里, 把 夫 日 按 辦 水 示 Ŧi. 産人參、 太 菜 守 敬 大 色洋 標 黯 馬 始 更 林 賢, 市 到。 擊 忙 也。 到 淡 事 開 時 榜 鎮, 鼓 每 無 畢 門 時 無 布 擾其 挨 鳴 暇 皮貨, 文武 至早 幔, 美其 光 算 則 每 晷。 晨起催 賬 次 有 鉦 食 到 名 各 晚 民 聊 過 申 宿 飯 擾 行 官 房 DJ. 橋 嚴 日 價 1 兩 初 種 人清夢 齊夫 一行 其 馬 密 過 來 餐 口 L.t. 而 種 澗 較 之日 濕 接 借 掩 不 始 馬 備 纺 H 例 備 就 果 歷 將 菜

按驛到 嘗矣。 诚然, 微服 爲抵 目, 試手 縛馳 不敢 月 役 實 敢 再 有 撫、 一人 畢 段矣。飲食 驟 潘 聞 事 蝕 偵 持 制 奉天。 人言欽差到境, 如 京 苛 贐 來 我 耀 主考、 訪 覆 求。 此 相 僕出京 實不免徒滋流 奏 售 到 如 卻無 以 拜 一賣者 太 摩 過 是 摺 相 奉到批摺 守 學 而 iffi 車馬, 將 炳年, 政, 盪, 時, 州縣 後 縣 明白 每 意 開 科 同 門, 僕從 照例 必抄 之間衝突者 曾出 爭論規費之事。 似皆以「夫馬不齊」四字 應官務求了 ifij 人 毎藉 供應 照辨, 弊。 己。 無 有底賬 因 將 **貴**, 馳 廣 口於京僕之苛索, 驛 次日 平心 何 軍 挑 西 仍送 不能 等 即照正 剔 一試差, 奢華 出 供 但主考官階較小者, 事 M 席一 多買, 應, 辦差者必 論 城 必不止一人也。 驛 至臨行之夫馬遲速, 絶不肯 余與之談驛站情形 次, 餽赠 人 到接 出 知縣竟翻臉不 山海關到京。 差 亦以 官亭, 開出! 差片 者明知沿途供應 何等豐厚, 爲媒介, 不肯痛快照給。 以欺本官。而其 歸 是非, 送行。欽差隨員各送《太上感應篇 途過崇文門, 將 學政則幕友、 其受屈 給 軍 臨 時煞 寄請 計往 自屬大謬不然。 印結, 而辨 及規制 事 屬白 費周 對待京 差家 情形最甚, 已屬 聖安。 京僕持之急, 返恰滿百日, 我只 恐檢查 束縛之苦, 僕從 書, 章。 例 1 禮畢, 外, 得 覷 僕 此次 人數較多 也 被 與之賠 無從察察爲 破 回京 此 即稍 而 謗 公途中, 旨, 則 功令森嚴, 卽 也。 過 亦可謂辛苦備 渠 委曲 時 以 禮 時絕不肯 Ш 日 遂從 而 不 禮 就 辦 明矣。 道, 余毎 給印 門 其沿途 行 「诚然 公 包名 中大 箇 仍 其 結

情形 子方 此, 後來輪船通行 旅無異。 制 他省 必不 軍 中國人多不曉中 余並不餽贐, 模 能熨貼。 更可知矣。 到粤督任, 督撫、 汪 一侍郎 至於督撫, 路過 學政多奏請自備資斧, 渠尚送文集一部, 曾任廣東學政, 南安, 隨聲 則 成權較 附 由大庾縣辦差, 和, 大 所言經過情形, 一味盲從, 答謝地主。 改坐輪船者, 似州縣無 余照例送之到大庾嶺行館, 大都類是, 可見督撫過境,亦不盡驚天動地也 不 亦不免 加意 可見馳驛二字, 奉 承。 長 言之可笑。 吁短歎。 然余在 實官員之苦 南 廣 安 東 冷靜與逆 尚且 時 陶 如

也。

國

事

通政司 之。 值 則 則 理理藩院、 刑 H 務衙門, 有奏摺 譬如初 之制 刑 部 詹詹事府, 即於是 都都察院、 以 係屬 變變儀衛、 日 八 旗 新設, 日呈遞, 初三則 則 而 大大理寺, 定。 光光禄寺, 吏部、 且事關 禮禮部、 堂官 因之六部、 内閣、 初六則工工部、 外交, 亦遞緑 皆以兩三衙門, 宗宗人府、 翰林院三衙門,省文曰「吏、 有要事, 内務府、 頭牌請 欽欽天監, 鴻臚鴻臚寺, 安。 當隨時陳奏, 理藩院, 省作三字, 有召見卽留 初四則 初七則内内務府、 亦各值 兵兵部、 口熟易詳。 牌, 不以值日 内、 常太常寺、 H, 不留牌則不 翰」。初二 此外 而以 拘 國 也。 子國子監,初 僕太僕寺, 九 則 則 見, 凡遇值 卿 總 户户部、通 各 理 此正 衙門 各國 初 日 Ŧi. 附 班

也。

若有

要事

則

不待

值

H

亦

山

加

班,

其

遞

牌

遞摺之法,

與正

班同。

尋

常

只

此

八班值

週而復始。

若遇令節、

慶典及特別事故

則推班一日。

先期則傳旨,

某日推班

次

行, 内。 H 13 散班 則改爲辰刻辦 接原班遞輪。 時, 冬天不過黎明, 事。 司官遇值日, 一到陵上行宫,仍舊丑正遞牌。 夏天不過日出。 有緊要公事稿件, 至於 並帶領引見者, 聖駕謁陵, 清朝勤 仍照 政, 常值 均於是日丑寅之間 固超越前明也。 日奏 事。 在路 E 進

太后重

出訓

政,

引見遲至黎明,

則微露倦勤意

矣。

管工 其所謂貧也。 津貼耳。 極 賤、 多幾數十倍, 清廷仿周禮六官之制, 薄 威、 本 職務猥 武六字分配, 各部之中, 無貧富之別。 聞尚別有進款, 今則六部改爲十部, 瑣, 以户部爲較優。 以 設立六部, 天下賤工目之, 羣信爲脗合。 而所賴以挹注者, 教育部則較遜, 名日 而禮部初改爲學部, 然吏貴而 禮部尚書一年千二百金, 亦尚 吏、 則以外省所解之照費, 户、 恰稱。 户富 恐亦不免於貧也。 禮、 惟以禮部 兵武 兵、 後變爲教育部。 而 刑、 爲 刑 侍郎 貧, 威, 工 飯食銀堂司 頗費 此其 俗語 一年八百 剖 易 以 各部政費比前清 富、 説 知 均分, 也。 金而已, 京官 貴、 I. 稍 廉俸 部專 貧、 此 資

得封 若犯那樣 吏部 余曾讀處 四司 典 情節 分則 樂 也。 人以「喜怒哀樂」四字目之。 例 又當 恰合分際, 及《大清律 如何處置?」旋讀第二條, 何等 超 初讀第 妙。 謂選 承 條, 平 ·時, 缺 便掩 補 而那樣情節, 缺, 閒 卷思之日 曹 喜也。 無事 吐 議 便有處置之法。緊接而來 處 這 屬 風 分, 様情 雅, 怒也 節 思之猶神 丁憂, 如 此 處 往 哀也 置 也。

人扣 毫髮不 爽。 可見當日字斟句酌, **煞費删定**, 非僅一二人起草之功也。

班, 公事 裏間 宿, 古所 也。 兼監 謂值 即出 設兩炕 到吏部, 署, 用印, 宿 屋極 也。 \_ 夜間 湫 即 例 隘。 櫃 應 所住之處,卽名曰「當月處」。 每日滿漢各一員, 學習三年, 闔署闃無一 凡堂司印箱均 每日下午接班 人。 學習期内, 滿員早起, 此差當至得主稿時, 滙 在一處。 晚餐菜只 所當之差, 赴内閣送題本, 屋只兩間 一碗 各司有用印 兩碟, 以當月爲最多。「當月」二字, 始得擺 外間 次早 則另有 多不住宿。 脱。 文 排一公案, 餐, 一牌來 **囘想當年清苦情況** 次 漢員則在署住 日 領 爲 用 下 午有 此 印之所, 即當月 殆即 人接

心實太平也。

恍

如昨

Ė

然從前

京曹循資按格,

毫無假借,

人人各守本分,

安之若素。

境雖

清苦,

而

部務雖分滿漢堂司, 每喜改余稿 而 ıĻ 溥倬雲出 有一日在朝房, 而事權究屬之漢員, 而語余曰: 欲動筆改「奏稿」二字, 「雖是漢掌印, 且尤以漢司員爲重。 那能 |如此專橫? |余曰:「奏稿 余不覺大聲呵之日 麟芝庵相國書好動 「不能。」渠遂 不能 筆 將就

頃間 余 可及也。 《斟酌 亦急 平心 余 不 H 能 而論 擇耳。 不 可 渠亦 相國 滿員得好處, 與 不 (我厚, 敢 强 當不我怪也。」相國 固佔便宜, 余屢拂其意 而主持公事, 然與 余終相 人本圓通,遇事頗好通融,每低聲與 得, 未有不讓漢員者, 蓋其 相度之謙 漢人固不 沖,

弱也。

然十數年來,外官免花寃枉錢不知有多少也。 應畫者皆能於一時許了之。而遇有此等稿尾查筆, 余當掌印後, 有處分」四字, 及近十餘年成案, 余少時記性尚好, 汝要寫信耳, 此等零碎條例, 例案既熟, 我在此, 查取職名議處。一面則寫信外省,嚇詐取財,外官豈盡明白, 皆能得其大意。而書吏往往摭拾瑣碎例案, 部例只看過兩遍,其犖犖大者,時常引用, 無關輕重,汝謂我不知耶?」故終余之任, **豈能容汝作買賣耶?汝謂我違法,** 年力正富,頗有一目十行之能,故每日例稿, 必取而勾之, 我便違法何如?行法當得法 於稿尾挑剔數語,以「例 固不必言。 吏每有執簡爭者,余曰: 部吏多有呌苦求退者。 必有四五百件, 即瑣碎條例, 動中其彀。

索賄奏參,密旨令吏部堂官拏辦。 余在吏部,曾充司務廳掌印, 在署萬難弋獲, 乃以「沈錫晉」三字告余曰:「此廷寄飭拏之部吏也。」余曰:「部吏寫信索賄, 不遇, 不得已, 須滿掌印同辨方可。」乃同滿掌印惠 須得其住址, 先回寓晚飯。 司務廳囼管全部胥吏也。時廣西提督馮子材,以部吏寫信 或可圖也。」尚書乃復寫出「炭兒胡同」四字, 日將夕矣,徐蔭軒尚書桐、許筠庵侍郎應驗尚在署未 少頃, 坊官來寓, 樹 滋森,後任浙江運使同 告以來歷。 坊官極力推託, 出 城, 余又曰: 決無真 訪 北

春明

「坊官未有不識部吏者,此廷寄所交拏也,汝其敢抗乎?」坊官曰: 「炭兒 胡

沈, 卻有兩箇姓沈者,但未知那一箇是部吏。」余怒其詐,乃厲色與言曰:「汝既知有兩 則那箇是部吏,汝豈有不知?我不能爲汝指實,汝自裁之。若賄放,則罪汝無赦。」 箇 姓

過故作嚴厲語耳。 臨行又告曰:「此欽犯也, 侍郎一人到部, 下得之。 明日覆奏, 下車, 誰知坊官前往圍門搜拏, 上乃大悦。 坐於車櫈, 須帶一穩婆往, 蓋前數日, 攔門口, 若本人脱逃,可帶其家屬來。」在當 禁人出入。而遣人入署搜捕,卒以不得主名, 該吏卻在家,潛匿内室不敢出, 户部亦有似此之案, 上面諭户部侍郎密拏, 穩婆人於牀 時,

堂官固拙,司官亦未必甚巧也。」

致被脱逃。

當時都下喧傳,遂有「户部堂官不及吏部司官」之語。

余曰:「此亦偶

中耳。

辦公事,且須例案熟悉。而經承則不然, 吏部之吏有兩種"一曰經承,一曰貼寫。 每季每科不過十餘金, 而每科一經承須僱數十貼寫,公費不足, 專管紙張及貼寫之工食。 經承如舖户之東家,貼寫特如夥計耳。貼寫專 則須經承賠補。 官中紙張、工食之費, 然經承

缺出 承可以藉 運如何耳。 必得由貼寫掣籤而得。 寫信 放有一得經承而轉致傾家蕩産者, ПП 索賄也。 但索賄之得與不得及司官之精明與不精明 貼寫一得經承, 非謂部吏便可悍然舞弊也。 則宫室車馬衣服, 均有人爲之代備, 亦 卽 且京中人類不 看經承之財

不清之日, 必日某某清吏司謂人 屬之司官, 尚 有藉 官濁 一書東爲傀儡而中飽分肥者, 卒有司官得賄之案, 旦謂部員未有乾淨者, 而 日 吏總明白, 「吏濁而官能清之,官濁 萬無不清之時, 所謂 皆瞽説 知其一不知其二 非謂部吏遂能獨得好處也。 也。 余嘗指署額「清吏司」三字凡部必有司, 謂吏亦能告發也。」後來書吏盡裁 而吏亦能清之。 是也。 然吏濁而官或糊塗, 世人不察, 遂謂 而 司之額 尚 部吏 有

則降 從前 主某 乃知 該 開 爲 而 缺, 典 加級亦有三次, 知 年則三參, 命、 縣 前 史乃又禀, 被叔 單 典史者, 級調用。 後典史不服, 所開 盗案處 再 E 案典史本 四 一曾慶, 分極 展 由 必先預 參應銷 有級可抵則抵, 一年則 恰可 JII 嚴, 督 禀川 備抵。 備加 聲 有三級, 卽 一級。 明, 督, 四參。 命案限 一曾慶所 級, 乃部 部單 將 咨部詰問 六箇月, 彀抵三案, 原 訛 以待四參抵銷之用。 否則實降知縣爲印官, 盗案尤嚴,初、二、三參不過住俸降留 稿對 所開 也。 中作爲四案, 册 因部 事 盗案限四箇 無 主王曾慶被 部即開明某案某案, 訛 中 而書吏故意將曾慶一 抵銷 便將 不敷一級, 加 月, 规, 時有四川 級 浮籤貼 典史爲 時 爲 11 議以 初 中 1; 只憑 典史, 事主某 參。 捕官, 並 實降 名 書吏 無 由 連上, 此 展 看 任内有 一年 寫 案, 印 册司 一級, 小 人被规 處 捕 分, 則二 後詳細 浮 事 員 同 籤, 加 ,列單咨覆 卽作爲革職 四參三案, 責成。 參, 到 紅點 24 覆 書 又展 明事 查 故

録

計陷之也。 蓋其迷信然也。 書吏巧於作弊故也。 多以司官紅點爲憑。 後將書吏革辦, 故曾慶一案, 然此種辦法, 部吏舞弊, **書吏寫信嚇詐,當時必是此典史自恃級恰彀抵,** 變出王曾慶又一案矣。此固看册司員糊塗, 而典史開復, 余早不以爲然, 只能抽匿文書, 然已喫虧不少矣。部中案繁, 及遘此事, 卻不敢捏造紅點, 乃籌公款九百金, 謂一 然亦由案牘太繁, 不肯花錢, 捏造必至 不能一一蓋 改造一完全 渠乃設 一破案,

官册

而弊無從生矣。

子、 軍事 中僅 秩,必待督撫調取宗圖册結報 初不以爲 平定, 男之封。 有抽換情弊。 憑督撫咨 另有清單, 凡尋常勦匪陣亡殉難者, 給予恩騎尉。 意, 朝廷論功行賞, 則臟 報, 賞世職者, 後乃日見其多, 列銜名也。 卽行檢 如果内外書更交通, 世襲罔替。 則有輕車都尉、 查。 刨 陣亡殉難者, 不 部, 阁抄清單 按其年月, 能議駁, 亦得陸續請衅。 方准 其不願襲恩騎尉者,准改爲文武生,一 議邮。 有名, 是此項邮典源源不絕, 此事專歸驗封司主管。 多在二三十年以外, 騎都尉、 皆得分别請衅。 督撫彙案請邱 原以防弊混也, 其官階大者, 雲騎尉各等 原 凡賞世爵者, 奏, 奉旨交議, 次。 將來冒濫,不知何所底止 無不隨時給鄭,其微員末 且驗閣抄清單向 歷時已久, 余掌印 其 陣 後, 由 則有公、 部 體應試。 向内閣 積牘 奉 行 不 日多, 抄出 則 故 侯、伯、 於 髮於 即 襲

商之徐 堂意 到 議 使冒名請 有 都 京察三年 世 碰釘。」侍郎以爲 時, 職 御史、 清, 案至 單 在 只因 躊 終遲 尚 陰 再 請 路, 准 有 軒 邮 条。 小 山 旨 其承 宗圖 疑 次, 尚 者得因之作 閣 見 亦 恭 我們不 當時陣亡殉 其三、 學士、 司 不 時。 書 册結未 雲騎 襲。 然, 決。 以子、 官 若不寬 則 辦 旋遍 後復商 蹙眉 如此 事 尉 如縷説情弊, 副 四 好, 午、 經咨部, 都 難未經議邺者, 言 商 則 Ŧį, 御 只要無 便 殊屬 各堂, 死者 史及盛 卯、 之徐忠 則 日 川 选起 變 六品京堂及内 停其議 無憾, 网 私 四 失。 改爲 愍侍 文武 京侍 均尚 循生, 24 案便准 年 不 邮, 認可。 請旨。 生, 而生 乃決將圖結未到之八千員 爲 怕 郎 郎 尚有 可以 爲 定期 無 八千餘世 者亦 是驗 對於 閣 權 \_ 讀 本, 摺上, 上頭 説 濫 八千餘員之多。 也。 便了 到 封 不 死者已不無缺 學、 每 得冒 八萬 如 司 在 届 職 掌 遂准 有疑 解。 翰 办 應 濫。 前, 林 兼 辦 不止。 未 余日: 問, 讀 京 年 如請辦理。 免太寬。」余曰: 直 否則 講 銜 分, 臨時即 憾 因 看似寬, 不止一省學 督 學、 驗封司 思 吏部 撫 「此本是驚 先行 該 H. 庶子、 爲 可詳晰 因 故員等 將 數十年之積弊, 來一 本, 議 此 在 實從嚴 政 血吗 懸 京 府 「寬此 人之筆, 案議 權 待 以 尚 丞 繕 仍俟 既經請 對, 圖 也 力 書 具 結, 繕 簡 、侍 八千餘 圖結 不至 具簡 剖 明 73 轉 山区 īE. 履

録

明

清

單,

通爲

本。

具題後,

二品大員則明降諭旨黜陟,

京堂等官則帶領引見。

歷

用, 稿, 造册密封, 填明守、 退 有奉旨議敘者議敘加一級,從優加一級,紀録二次, 後出榜宣示。 或原品休致, 吏部大堂 再由 其五品以下之翰詹科道及各部暨閣府院各衙門人員, 浮躁者降三級調用。 將應留之員, 封門磨對, 仍再覆 其猶行古之道歟。 政、 吏部堂官會同大學士、 以次過堂唱名。 送部及都察院吏科、 オ、 帶一 臨時候旨。 一不謹及罷軟無爲者俱革職, 吏部則在考功司封門磨對。 次, 照考語等第, 年四格,分别一等勤職、二等稱職、三等供職字樣,並六法應議人員, 記名後奉旨以道府用者, 其有年過六十未得一等者則歸老人班, 至於引見,則先儘京堂, 每屆封門考察, 其在一二三等者, 繕黄册進呈。 都察院堂官、 京畿道, 限封印前送齊。 余充幫印時辦過兩次。 畢, 有照舊供職者, 年老有疾者俱休致, 其填註六法者, 吏科、 於過堂時吏唱 吏科、 則由軍機處遇缺 餘則 京畿道考察。 京畿道前赴考功司面議。 分期分班帶領引見。 並小京官筆帖式, 開印後, 有原品休致者, 「應留」 亦由 請簡。 另行引見,或照舊供職 才力不 丙午幸厠一 吏部定期知照吏科京 先期傳各 本内照例議處, 二字。 三載考績 及者降二 等, 衙門 過堂 先由各堂官 均有一番進 如引見圜出 事竣開 例應迴 人員 畢 級 奉旨 即定 黜陟 在

有 屆京察, 余帶領老人班, 有一欽天監官員官階姓名,今已忘矣年報九十五, 精 神强

避,

則

未之與焉

步履稍差,每過一門,必蹲下一歇,方再行。 寬大,每屆勒令休致者甚少。此老人於次日卽步行出城, 仍准照舊供職, 幾有兩足朝天之勢。 可謂天恩高厚矣。蓋此輩所以戀棧者, 御前侍衞即欲下階干涉,会以全力急掖之而退。 及引見,背誦履歷,一切如常, 爲靠俸米以養餘年也。 到鐵門寓所道謝,亦感激余一 是日奉旨, 當時政尚 惟起立時

掖之力也。

如是也。 當甫 版,大家以爲引見必在寅正看版之後。 氣喘而腸似欲絶, 而皇上升殿矣。 余乃勉强分派。 查,引見者卻到得不少, 再看版,大家皆拏定時刻,不肯早來, 徐蔭軒尚書、 德宗性甚急, 人東華門時, 敬止齋侍郎已到,正在著急,曰:「太監已來催兩次, 有一日, 向之兩人帶一班者,今只令一人先管一班,到臨時再行騰挪。甫就緒, 黑暗之中,十分遷就,好在引見者均是京官, 必蹲下一歇, **茫無頭緒**, 帶領京察筆帖式引見,先期宫門抄傳, 而帶領引見者並無一人。所幸者,當小差事之筆帖式尚有幾人, 余一人奔馳乾清門及東華門內外, 方能再走。 如何是好?」余曰:「姑且進內再說。」迨入東華門一 余以掌印須先預備, 然後悟當日老人班老人過門一蹲, 乃於丑正往。 情形熟悉,故得敷衍了事 明日寅正看版祭祀前日看祝 路約數里, 說是今日 先引見, 而到外朝房時, 往返數次。 其苦況亦

部院 宣布 保送一 然。 聞已過堂, 欲易人。 員已過堂, 且即有之,查辦是否得實,亦未可知。若僅據傳聞, 曰:「中堂之言, 其殆爲某人被參之事乎? 此事我亦有所聞, 究竟有無其事, 將來其人如果被參獲譴, 終不能決。 如今日更正送部之後, 須指出事實方可, 公事, 即提及「翰林院京察, 慎重指平時而言, 「保人本要慎重, 等堂官 而填註考語, 即日須咨送部院彙題矣。 向皆按部就班, 時已上燈, 如何復議易人?」麟曰: 徐兩掌院皆吏部堂官, 必係真知灼見, 若以意爲之, 等第分明, 臨時更正, 余急欲出城 過數日又聞一等內復有被參者, 今既過堂定案, 我們意欲臨時更易一人,何如?」余曰: 翰林院濫保一等, 不許稍有假借,否則參案隨之。憶甲午京察, ,自亦慎重之意。 似非所宜。」 甯能於一二日之間, 書吏豈有不知?書更知之, 「過堂究未宣布, 麟乃到徐私宅, 乃掌院忽聞所保一等中, 乃侃直言曰: 因人言而忽游移, | | | | | 如果有人指參, 若明知故犯, 「以愚見度之, 「此人保出, 約余一人前往。時已申初,寒暄 即將一等换人,將來更多窒礙。」徐 豈能不容我們斟酌?」余曰:「不然。 忽有游移?況過堂雖未將等第明白 造能 明是規避, 則兩位中堂應照濫保例, 取 卽與公布無異。 有一鄂人, 回 那有 頗有窒礙, 再更正 今日咨文必 「翰林院京察 此理?」余曰: 何得謂之慎重?且 一耶?」立談移時 翰林院保送人 已經被參, 若要更改 奈何?」余 尚不可知。 須 送 昨日 意 降

運、 京察, 格, E 凡 劾者少。 任 部會同都察院吏科考覈題覆, 但 中堂均以爲然, 部題請 候升, 引見 一要放 放 分别等第, 在蘇 使、 調 缺 放差, 魯 通行各督撫、 察京官也。 時不記名而 道、 伯陽, 其六法人員則由部分别開缺。 則規避二字完全私罪, 州得過 劾者固當去職 然以 必 府以下等官, 本無從 乃傳呼院役, 中堂位分, 軍 由 次, 已。 機 軍 察外官, 機 大臣曰: 府尹辦理, 徇私, 進單, 自係老守資格。 可見當時部院辦事 言復如前, 而舉者候升只成空話, 督撫將 自必加恩, 則謂之大計, 御筆圈 「魯伯 若必强用手腳, 其得卓異者, 即刻用印行文, 藩、 例應革職, 應舉、 陽單内 上曰: 进。 臬二司由督撫出考, 此等制度亦古考績之意,但奉行日久, 改爲降留, 但三次俱未引見, 以丑、 若單 應劾之員分爲二本, 何等鄭 無名, 即或 「魯伯陽係江蘇候補道, 由部調取引見。所擬旨意, 余便急騎出城。後來鄂人參案亦不見明文, 内 是無私而爲有私矣。 加 無名, 稍失黜陟本旨耳。 未、 重, 不知何許 恩, 或改爲革留。 辰、 豈能過事必有黑幕哉 將何以自解?況京察只按目前資 便不能 並候升二字亦未邀恩 繕具履歷清單, 戌行之, 人 送内閣具題。 放。 似不能 若必臨時更改, 有一 余在江西得過卓異兩 亦三年 請兩害相權可也。」兩 放。」 日,上海道 則定以 咨部 上曰: 次。 奉旨後, 彙 舉者多而 加一級囘 也 將 題。 屆 「汝再 缺 時 出 其 吏 吏

查之。」次

日,

軍

機

E

去,

李

鴻章

所聞 無確 旋以 是 軍機曰: 玉銘, 績之事屬考功司, 金運動者, 刺其事也。 日遂特簡焉。 據, 也。 候補道發往直隸, 後亦因 「既係江蘇候補道, 然 京中好事者作一七絶, 有謂其目不識丁者, 不 可見破例簡放者只此二缺。 敷 日, 資格不稱, 軍機出來, 考驗二字與考績相仿。 珍妃被黜, 交李鴻章差遣委用,而上海道之缺開矣。 被參開缺。 不免有一番議論, 須電詢兩江總督劉坤一再定。」嗣劉覆電到, 首二句云"「一自珍妃失寵來, 妃兄志伯愚學士與放烏里雅蘇台參贊去, 而御史之參奏上矣。不得已,乃令送部考驗。凡吏部考 是時德宗親政, 即被參開缺。當日御史未嘗無威, 魯到部,即由余與滿掌印惠樹滋帶到軍機考驗 語便外揚。於是物議紛紜, 珍妃得寵, 伯愚鳥旦雅蘇台」。 聞有暗 同時又放一 通聲氣之事 或云事 謂卻 有謂其用廿萬 且專制時 四川 有其人, 爲 鹽 慈宫 茶道

狀元三年一人, 軍機亦未嘗無權也。 本無! 足奇, 而俗每羨慕之。 狀元拜客, 散殿試卷, 博人歡 迎,

習

俗

移

交部議處。 無專條, 挾妓』字樣。 賢者不免。 難以 時考功掌印爲盛蓉洲前輩植型, 重處。 『游讌二二字, 某科某狀元到滬, 李日 何能遽斷爲挾妓?」李曰: 「挾妓飲酒, 拜客游讌, 照例 帮印爲李小硯前 革職, 不免軼出範圍 有何難辦?」盛日: 「無論如何, 輩端遇, 掌印意在 經御史奏參, 不議以革職 「查辦 保 奉旨 全, 覆 我不畫 查 謂 辦 例 無

有掌印、 不應爲 大家爲欲顧全朝廷體面 印説此人有玷清班,不足顧惜,言之亦自成理。但開國以來,二百餘年,未曾辦過狀元, 應輕者,罰俸九箇月。 也。」余當時未得 從前勞積保舉之案, 掌文衡, 面子, 之大呌曰:「汝不要奚落我,我未當掌印, 余與戴藝甫錫鈎在司戲言曰: 有清 而 有何理可說?」李係山東人,素性戆直, 爲, 未必於此事無關係。 帮印,原以互相牽制。 愛惜狀元, 若再三陳請, 事理 帮印, 輕者, 今議由不應輕加等, 必交部議奏, 可謂仁至義盡, 不便自惹是非, 罰俸九箇月, 卻非有意徇私。 得旨著照所請獎勵 「不應爲而爲私罪, 當時朝中大官,實爲「狀元」二字所迷, 帮印如果執簡而爭,堂官亦無如之何,況掌印乎?且帮 部必照例 蔑以加矣。 加等, 到司後不復提起。 惟我是管部, 算我倒運便是。 是不欲重而又不敢輕,謂之不應中可也。」李聞 准駁, 議以降一 部便不駁。 此次之爭, 律有兩條。 督撫仍頂奏乞恩。 級留任, 諸事應讓正堂主 不知後來如何調停, 然遇例載雖奉旨允准 然議到降留, 清議多韙之。 不應重者, 而狀元保全矣。 成此謬舉。 如仍交部議 降三級調用, 尚是顧全帮 後升太常卿,疊 持,

印,

因

狀元事鬧意見,

汝以爲何人有理?」對曰:「帮印亦不能謂之錯。」師曰:「司官之

初

無

成

見

乃援

私罪

事後,

不

談次,師告余日。『汝考功司掌

即

稿

一爭論

數日不決。有一日,余到寶師宅畫稿,

明

仍應請

部

及今思

EII

更正 則又 不能不更正, 部只守例而已。 醇邸當國, 時孫文恪頗用事 意欲 裁抑部

平日 臣極端 衝, 凡遇 議 乃以 專 他案多 保案, 制矣。 覆議 從刻 御史屠仁守處分過於輕縱, 於是樞臣與部臣遂不免有意見,盧栗甫前輩其時充考功司掌印, 多有特旨逕准者。 何獨於此案從寬? 而部例有應請旨更正者, 且盧、 交都察院議處, 屠均 係鄂人, 而慮落職矣。 竟批 顯是袒護同鄉。 云「無庸更正」, 樞臣之意, 如此 適當其 以盧某 H 謂 吻

從前 案初到部, 文職保案, 檢查本員履歷,爲第 歸 吏部核定准駁, 關鍵, 文選、 考功兩司分辨。 查畢則照呆板例章辦理, 獲匪保案, 毫無出人。余每遇 則專歸考功辦

説

公道者

亦周

自有

人也

多者百餘員,

少亦數十員,決以二三時,

親手批定。

如有

舛錯,

再由同人檢校一次,

直遷怒

而

内

之耳。

然此等衝突,

不過

暗中風潮,

不數時而漸平息。

蓋其時朝

綱整肅

從前 各省 撫因 絶不假吏胥之手, 尋常勞績, 部 詳晰 費名目喧 説 明 傳 堅請異常勞績 外省, 使 亦 不就擱 人容易了 若部 時日 解。 者。 吏手 0 交牘 故定案極 其有被駁者, 眼 往來, 絶 大 速, 竟可 徒滋繁瀆, 書吏 每因聲叙不 顛 倒 雕 是非 寫信 余復手定獲匪 撞騙 明, 卽 在 或被本員朦報, 京 時 間 京 保獎 官 亦來不及矣 章程 亦尚 亦有督 有 通行 疑

部吏以寫信撞騙爲生涯,

事誠有之,

然有犯必懲

遇有牽涉,

即送刑部,

毫

無

科書吏、 紙工 部吏 辦法, 之又久, 此所以顯其神通也。其實外官之黠者,不肯花錢, 官情急 吏所 竇, 領只三百兩, 作 轉折 意同 原定公費,不及十分之一,法制未善, 得以索費者, 竟有至三百六十、二百四十者, 引見亦有費。或數兩,或百數十兩, 亦是 豈不 但其中亦有成爲習慣, 補缺遂有按缺分花錢之舉, 默許 雖無費亦核准也。余嘗告文選司同人謂: 無非 無錢辦 痛 閣科磨勘, 耳 則書吏賠墊不堪。 快?」渠曰:「題本事關閣科, 撞 其餘 騙。 公, 則有故意遲延之一法。 則補 若根本解決, 稍有滿漢文錯誤, 有 年, 缺 不能徹底嚴革者,雖不得謂之弊, 事, 故辦京察後, 同 月 多有至數百金者。 出有 非紙張開 然亦有原因。緣每屆京察大典, 補缺索費 恍惚亦有一定規矩。而最重者, 即駁囘另换。 知縣六缺, 何謂之遲延? 所駁换者, 流弊至此耳。以吏部論, 即以 報 與引見又異, 銷、 其有不願補苦缺者, 亦不肯花錢, 辦大計補之, 「此等情弊, 應行掣籤。 書吏給工食, 明是官話, 蓋補 一花錢便不錯,不錯則核准便速, 换再换, 缺 補缺合例與否, 須用 似可撞 中 勢之所迫, 究不免貽人口實。 何能指之爲 便躭擱 題本, 有 無法 用 領憑有費, 廣東二缺、 破紙 費何 可著手也。」 題本 則卓異引見道 數月去矣。 窗 萬難 亦以 等浩繁, 弊? 糊, 須經内閣 無關 領照 雲貴二 高 且 明 無非 F 閣 遲 弊

部吏乃向候選者索賄三千金,

謂

可選廣東,

如不花錢,

定選

一雲貴。

有一

候選者,

73

文選司掌印之至戚, 候選者, 不可與第二人言。」掌印乃笑謂曰:「吏非爾親, 我非花錢不可。」掌印不得已,乃告之曰:「汝可詢之同侯選者再説。」其戚曰:「渠云 「吏云不可對第二人言,言則定選雲貴,汝千萬勿壞我事。若選雲貴, 果人人都索三千選廣東, 因商之掌印, 掌印曰:「掣籤那能作弊?何人索賠, 乃恍然大悟。其爲土地,天晴喫猪頭, 何獨厚於汝,使汝花錢?」其戚乃詢之同 我可辨他。」 下兩喫羊頭之 盤費亦需 其

伎倆也。

結銀, 八扣, 此外即飯食銀也, 每司只一人得之。 老米多不能食,折與米店,兩期僅能得好米數石,若白米則尚可不换也。 余初到部時, 則兩份六十金,升五品則有兩份八十金。俸之外有米, 福建年約二百金左右。吏部有查結費,與同部之同鄉輪年得之, 僅有三十二兩。後數年, 京官俸銀尚是六折發給。六品一年春秋兩季應六十兩,六六三十六, 未得掌印,則不名一錢也。 飯食銀每季只兩三金耳。 改作全俸, 得掌印後, 年卻有六十金。 當日部員如此清苦, 則有解部照費,月可數十金。然 六品給老米, 京官許食恩, 安分從公, 約在印結半數。 俸之外則有印 五品給白米。 E 兩 並未嘗呼 俸 補缺 七除

枵腹

也。

從前吏部寓宅門前,

貼有「文職官員私宅免見,

一應公文衙門投遞」告示兵部則日武職官員,

科道則日文武官員,亦示關防之意,究亦僅屬虚文。 擊鉢吟。 雨天客有無車者, 故不得不自謹飭。 則套車迎送。 尋常讌會不輕赴席, 其時常集者, 余充掌印後, 雜賓一 概不見 張珍午、 多與 查辦之役, 郭春榆、 公退無事, 頗 曾幼滄、 露 只邀 頭 同 角, 鄉作 疑

瑜、

陳徵字數人而已

議, 亦聊 吏部 日讀六部則例, 分門別類 五本 大政諮詢, 爲 夏日皆辰 消夏 計耳。 换, 余尋行數墨, IE 入署, 卽此意也。」余遜謝不敏。誰知 閱時逾兩 余皆能判斷 王子恒表 未 年, 耐性讀之, 初散署, 如流, 叔, 二百餘卷乃卒讀 可莊之尊人也, 冒暑 頗中繁要, 鉅細 目 洪纖, 寓。 不得謂非無意中之效驗 兩 焉 日長 告余曰:「汝頗似林文忠,文忠在翰林時, 年涉獵, 無 聖訓 無事, 語遺 卽 漏, 玉蒼有 從容涵泳, 歷朝之上諭 然掩卷即 争 也 嗣 朝 行政 聖 後 不復記憶, 訓》, 遇 规 有 矩 同 借 備 當時 而 讀

是以 部名次第 余得京察記名後, 升轉, 名無 有不 求放 尚 道, 郎以 例應 有 坐升, 只求 定資格 户 逾年不即外放。 部一 放 等之葛振 乃因 一南省府 而余則一麾出守, 中東戰後, 卿寶華升補 缺之請。 其時內閣侍讀學士出缺, 各省停解 誰 知 無資格可言。 按格循資, 余出 照費, 京後, 津 不數年即升 輪應一等部 内閣侍讀 貼 淪落天涯, 無資, 學 且 尚 不 内 員 + 升補 缺 升 無 更爲 Щ, 江 ना 州 見 吏部 清苦, 余在吏 當 選 謫 H

之感,而自今日視之,則不止浮雲已也。

道咸以 票也 貴外, 金, 猶書「千佛名經」四字, 十賢人」, 即饋歲之意, 百金,然亦不無小補。光、 六金者。 Títi 大概尋常京官, 前, 如同 軍機亦有不收者。 餘則只送炭敬而已。 則有關拜項, 然而 三百則曰「毛詩一部」, 鄉、 外官饋送京官, 函中不言數目, 只以梅花詩八韻、 京官日漸加多, 同年及服官省分之京官, 謂每歲同年同鄉,有一次團拜也。 非有交情, 亦尚不直致。 其餘則以官階大小, 宣之際, 其數自八兩起, 夏則 外官所費已不貲矣。 不能得炭敬, 有冰敬, 何等儒雅。 惜濤不知所謂, 公行賄賂, 多有徧送。 冬則有炭敬, 至三百兩爲止。沈文肅送軍機, 親貴用事 交情厚薄爲 而别敬則較爲 十韻, 專重權貴, 余到京後, 其數不過十金上下, 舉以示人,後拆開, 時, 或數十韻代之。若四十則曰「 出京則有别敬。 同光以來, 衡, 有人送濤貝勒千 金者, 普通。 末秩開 來源漸澀, 後來漸重 督無藩 則冰敬惟督撫送軍機 曹愈難沾 同年同鄉於别敬 官 始知是千 每年所人不過 後來竟有降至 臬到京, 階 丐矣。 每歲只三百 而 輕 交 信 炭敬 除 情 匹 朝 面

京城東 廟尤盛。 西 廟, 雅 人好古, 每月 兩會期, 俗人好貨, 排列古董珍寶。 無不爭趨之。 琉璃廠每正月必排 余在京十九年, 到上元, 未嘗一履其地, 名曰 [廠店, 爲儕輩 視

以古董家爲然,嘗舉一笑話云:"「一班好古者,一日相約,各以家珍赴會,有醉漢持一元 物, 所絶 寶與焉, 三日不敗。」余曰:「我每日買肉一斤,三日三斤,不過三錢銀, 毛不拔, 絶不以 無僅有者。唯斜街土地廟之選菊, 羣嗤之爲俗物,醉漢曰:"此雅根也。」」衆啞然失笑。旭莊則不然,每詬 到底囊中能餘多少錢?」余曰:「否,否。天生我一人, 眼福自豪, 蓋非性之所近也。盛伯希嘗謂余曰:「我以百金購一碗,置肉其中, 则嗜好不能與人殊也。後雖徧查十庫, 何用此碗爲?」可莊亦不 便已贅矣。 若於一身 余日 飽間實 「汝

更有長物,

豈不更贅?」此數語雖近滑稽,

然亦煞有道理也。

鄭重 其饌較尋常酒館爲 票四 故借以名之也。 旦者, 同, 應召也, 京官挾優挾 十千,又下走十千, 腐集 貌美如好女,人以像姑名之,諧音遂呼爲相公。其出色時,多在二十歲以下。 席之費, 便衣穿小靴, | 隅, 妓, 若就飲其家, 地極湫藏, 例所不許, 特别。 多者廿 唱曲侑酒,其家名爲下處。下處者,京中指下朝憩息之所爲下處, 四金, **余曾爲龔藹人方伯所約,** 按銀價不及四金也。 稍自愛者絕不敢往。 然挾優尚可通融, 則備十二碟以下酒, 少 者亦必在十金以外。 或在其家請客, 而挾妓則人不齒之。 而優則不然,優以唱戲爲生,唱青衣花 在梅蘭芳之祖梅巧玲家, 酒後啜粥而散, 下走之犒 名曰 妓寮在前門外八大胡 喫飯。 則隨 名日排酒。 席之豐嗇 喫飯 食真珠笋 則 酒錢給京 而 視排酒 定,

嘗聞 冬則圍 署後 事。 I. 爲 味 芬年節前 爲賞音也 而妓寮則車馬 **刈消遣。** 爲 蓋 潘 有 最 文勤 美。 優 或知書, 爐賞雪, 之風 因下處甚清雅, 往 圃 然此 蓋 叫 平 雅, 盈門, 時最 取蜀 賀 毎 或談時 皆 仿 一室烘烘, 製之。 文勤 喜 閒 遠勝妓之妖冶, 黍初吐穎時, 曹年少 毫無忌憚, 善唱 事, 必袖廿金銀券, 然一盂所需, 夏則清簟疏簾, 崑 時爲之, 或熟掌故, 繞座唐花, 曲、 此亦世變之相因而至者也 其小如珠, 故禁令雖同, 兼工繪事 若官躋 出而 已踏 清香撲鼻, 各有一長, 可以觀奕, 卿貳, 摘而烹之, 親授之。 之朱蓮芬, 破半畦蜀黍矣。 而從違不必 年逾 入其中, 故學士文人皆樂與之遊, 冰碗冰盆, 耆艾, 鮮脆 見而 及任 别, 侍郎, 皆有樂而忘返之意。 京官清苦, 極可口。 一致也。 則仍 尤可供雪藕浮 至老不衰, 便不 屏絶徵逐 余在 後來下 大闸只能以排酒 與之相近 蘇贛宴客, 都下 以 處漸 不僅以 瓜 避物 傳馬 像姑 之便。 消 而 顧 議 韻 蓮 曲 或 因

燈, 堂既爲不作詩者所佔 余自庚辰 三四人, 觴詠 大放 後, 光明 到寓 洵足怡情。 小 始聯社作折枝, 集。 尤增吟趣。 余素有萊公之癖, 如有大聚會, 而 松亦無一 堂之前後種 不兩年便改爲擊鉢吟十一集, 存者, 則在 榕 松 春夜每捐 · 陸堂。 此 1 株, 亦詩事中之黄粲一夢也 意以 榕蔭堂, 金購 爲 後 蠟 即福 郎 X 余選刻。 哦詩 旭莊 州 備也 家中, 新館之客廳 晚間 破 善製 誰知癸丑到京 悶, 也 噴 則 墨 約 字 窗 同 畫紗 明 几 鄉



校訂, 故, 適以 論斷 及?余用爲太侔慰, 不乏其人,遺書誰惜, 居投分之交,未嘗無顯赫有力者, 瓿之感。 余友太侔沈君之逝, 尤嚴。 往嘗得觀 屬爲 君殁中 庶幾出茂陵之遺草, 自謂積十餘年心力, 喤引。 而滌秋獨於風 ·輟, **余題其端**, 聳慂付梓。 余維太侔才高命蹇, 全稿未 而益以得交滌秋自倖也。是書多涉同光間軼事,虞初九百,足資掌 忽忽年餘, 審流落 所謂 瀟雨 冥漠增吁, 或觀全書; 雪鈔露纂, 太侔意未遽諾,復出示所輯 晦, 「自依燈火爲追寫, 何所。 毅然以閩幽發潛自任, 朱子滌秋, **顧轉得之于相交未久之滌秋,斯豈人事** 至于更倡迭和,託爲名高以及執贄隸門弟子籍者, 侘傺終身, 拾安石之碎金, 滌秋意誼諄復, 乃成此 眷念簪舄, 書, 更挈悲酸相與偕」者是也。去春方議: 即所著書數十種, 蓋與《瑣録》體例晷同, 不忘 藉存瓌寶。 此其用心, 將鋟其所爲 《便佳簃雜鈔》二十餘卷, 死友, 猶冀竭 日月爲期, 易勝感佩 《東華瑣録》, 亦都飄零漫漶 力搜求, 而搜採較 計量 非關 ! 抑太侔平 而 貽書 敦迫, 徐圖璧 付刊, 命爲 得 有 尤 覆 相

以資滌秋,知我有深喟也。

一四四

先以是書爲嚆矢可耳。嗟嗟!酒爐之恨,已甚黄公,憂生之嘆,將在魯國。率紀所觸,

民國戊辰三月吴江黄復

## 杜序

唯雜以 阻, 供異日之憑弔已哉!予幼讀書,最喜游記,名山大川, 美惡, 何處矣。 曾于遺著中得其手鈔《留燕雜記》一 亦庶幾藉悉掌故。 音曾滌生宴居, 前, 瞭如指掌, 必寶而藏之, 政事 無或稍間。 古跡之源流 回環再三,强半與先子所述若合符節, 毎 一念此, 不能與游記相次比。 强半咸自紀載得之。其用心之深,成功之偉,豈僅如常人之紀日記, 每際秋高氣爽, 其後練湘軍、 筆而書之, 昔吾先君漫游燕趙秦晉, 猶深痛惜。 風俗之良陋。 紀載益多, 今觀沈太侔先生所著《東華瑣録》, 平髮匪, 必偕故舊遨游 册, 毎接 繼以戊戌之變,倉卒出都, 標明第二十三卷,其中所述近畿民俗舊跡綦詳, 散失愈易。 賓, 人材輩出, 酷嗜金石鼎彝, 山林, 退後亦必紀其舉致豐度、 讀先生之文,益增予思親之痛矣。 繼官京曹, 既歸, 如探囊取物。及大軍所至, 奇跡異聞,匪特足以洗滌 每游深山窮谷, 必詳記其地之遠近, 前二十餘册不識散失人 爲日較久, 述都下景物歷 言談志趣 或得片瓦殘 記述尤多, 始予負 景物之 胸襟 地勢險 歷 如在 日習 徒 間

録

笈北來時, 曾與其哲嗣共硯于順天學校,時先生名震海內,學際天人。才幾何時, 而竟

老成凋謝, 齎志以終, 豈文人命蹇,竟成定論耶!先生著述徧天下,斯録正其餘**沫** 深慮 耳。

索序, 斷簡殘篇, 先生既没, 謹述其所懷以歸之。 遺著散失者, 久而湮没, 特爲 不知凡幾。吾友朱君滌秋, 冀世之覽斯文者, 編纂付梓, 以闡潛德之幽光, 勿僅以筆記目之可也。 少年倜儻, 先生之忘年友也, 朱君亦庶不負其故人矣。

編成

戊辰清明前一

日南浦鑒儂杜岑

侔之作亦多矣,以滌秋之識,而不梓其精者,亦何有於環瑣是刊也?」余聞言, 華瑣録》傳於世。 問 侔有一日之雅, 太侔者, 隨園之言, 珍視曰: 此關係之文也。及觀其竟,影響卒無, 類論文者,故敢以枚言爲答。」或嗒然去。余不禁重有感焉:夫今之人,著作如林,莫不 莞爾曰:「昔有與袁枚論文者,枚答書有云:文人之大患,在乎有心爲關係。今君之問, 沈公太侔, 因書其事以歸之。而朱君發潛闡幽之功, 可謂隨園之知己,若滌秋者, 于以嘆太侔之作,于以重滌秋之刊, 詞場之耆宿也, 屬爲之序。 或有問于余曰:「以太侔之才,而不務其大者, 道山歸去, 余不敏, 曷敢窺測高深而爲文, 倏二年矣。 可謂太侔之知己矣。 自不可及也, 不知所謂關係者,抑何在也?余于以服 蓋皆能自得其得而不因人者也。噫!若 其友朱君滌秋, 滌秋既定是刊, 更不足爲公榮, 老去詞仙, 何有於瑣瑣是作也?太 定其遺稿, 益當引爲大幸。 獨感或 復以余與太 謀刊 竟不覺 \*東

戊辰閏花朝丹徒叔磊胡世欽

張

## 级

先師 慇厚情, 徑, 卷, 生晚乃衰病, 勳昭後世, 知其言之悲, 云尔。]校讎既竟,予復懇其出示所著詩文,願爲鳩資刻行。先生喟然嘆曰:「當今國學凌 序。 即以所居便佳簃名之,囑予司校勘之役。嘗曰:「非敢謂隱持風氣, 番禺沈太侔先生殁後三年, 零篇斷頁, 經史且束置高閣, 予愀然心痛, 有逾父兄,蓋其情益重而予之痛也益深, 其稍 恐旦夕死, 不復請焉, 太半覆瓿。 可慰者, 終日不能成一詞, 何況詩文詞?縱刻集盈尺, 無足以傳後世者, 身雖可死, 恐益其悲也。 追思先生容儀及曩日之言, 戊辰春, 文章不能死耳。 先生既殁, 其悲傷何 吾君朱滌秋手其遺著《東華瑣録》, 乃搜羅侯陽可備後人之史料者, 痛益深, 如也! 余少從先生游, 亦徒供他人覆瓿, 其嗣不能世其家。 乃往便佳簃搜集其遺稿 歷歷如在, 故惻惻然無以寫其悲也。 而先生墓已宿草矣。 予念文人一生無功 何必多此一事。」予 亦聊寓微尚所存 教誨綦至, 將付梓人, 輯雜抄廿四 而 塵埃迷

戊辰季春東筦張江载

一四九

傅序

自給 予少讀故詩人沈太侔先生《國學粹編》及《著涒吟稿》, 頗有記述, 能有所造術, 差幸有成, 名家,望勉之,勿兼鶩,苟持以恒, 滄桑之感也。先生又嘗寓喜于余, 絕撝謙, 乙丑之秋, 京師歷史方輿之學, 社不能如期予潤, 予友標李朱滌秋, 視予爲忘年交。其後暇輒過從, 然亦非朝夕事也。予得書, 所著《東華瑣録》, 余始謁先生于番禺館中, 深負先生之雅望矣。 而先生恃之頗怠, 成《春明鳞爪録》一稿, 先生之世好 紀事詳贍, 先生早年侍母來京, 鐭而不捨,自無不成之理。某三十以後,始學詞章 **勗治京師掌故之學,謂能專一研究,** 也, 相見如平生歡。 滌秋憐其境遇, 深滋慚感,以先生期予獨厚,徒因衣食奔走, 嘗爲紹介斯稿于畢倚虹君, 文筆隽雅, 多話勝國軼聞, 刊於報章, 予生也晚, 文采風流, 尤冠于他作。 輒先解囊假之,其勇于風義有如此。 先生讀而 官詞部, 帝京舊事, 善之, 輒爲 久居京師, 恒以前輩禮之, 晚年落拓 欽服。 **唏歔以言**, 刊于《時 十年以後, 致書嘉惠 及長, 京華, 習聞 報》, 掌故, 殊不勝 然先生 焉。 必成 鹅文 未 泊

五

其為念故舊之情, 前歲先生捐館舍, 予滋愧耳。校畢屬余爲序,余既傷太侔之逝,復念滌秋之誼,爰書數 予與滌秋爲理遺集,謀以刊行。奄忽今日,滌秋已先校刊斯稿傳世,

言以誌感焉。

戊辰閏花朝曼殊傅芸子

## 朱序

宣南, 余既爲 秘聞、 助?」因檢舊箧, 河沙 搜羅其中, 二月有奇始竣。倚虹深加贊評,謂稗乘中之有價值者, 得藉 夙器其才, 太侔又逝, 太侔编校曲話蔵事, 社會瑣事以及臣僚之卑鄙, 談及海上文藝之凋靡, 此以窺 雖罄千百瑣録, 瑣録云者, 今乃執筆海上, 念及故交,不勝黄爐之痛, 一班, 得瑣事若干則 畀余, 或亦蒐羅史料者所不棄乎?今此書將付刊, 亦野史之一耳。嗟乎!宇宙之大, 難以盡載, 畢君倚虹復貽書索稿, 幾庵怒然優之。 説界負盛譽, 史乘皆晷而不載,於是野史尚矣,無論賢不肖臧否,悉 則是瑣録實滄海之一粟,曷足以言書, 屬轉倚虹, 用誌數語, 太侔曰:「幾庵與余,曩在著涒吟社,過之甚 彼既有振起文藝頹風之意, 爲其張目。三日一校,五日一寄,迄 塵務栗六, 亦應有盡有矣。夫歷代相沿朝野 以抒悲感。 變化萬端, 卒無以應。 公之于世, 形形色色, 曷可 日訪太侔于 然使後之讀 而倚虹已 何止 不爲之

戊辰春仲滌秋序于日下秋籟閣

## 東華瑣録

僅存目錄。兹擇其尤警策者錄之,以見一斑,朝鮮妃宣淫亂國, 宫受刑杖,志國舅熱河卸兵符。罷海軍萬言誣左相,講洋務一切委醇王。韓邊外憤充前 海内。有某君者,佚其名,著爲《東海傳奇》, 敵隊,漢納根購定後膛槍。師奔弟逃,吹犢客幸離虎口,君辱臣死,姓駱人獨佔鼇頭 亭老妖恣狂嘯,張之洞大地得回翔。衞達三呼寃臨菜市,劉坤一忍淚出榆關。珍貴妃冷 家受辱于人,或見諸説部, 王文韶王文錦天津善後盼同宗, 甲午之役, 固由東瀛之師, 或發爲歌詠, 未可輕敵, 李鴻藻李鴻章地府告終分異黨。 其他尚多, 如《普天忠憤集》、《中東戰紀本末》, 久已風行 仿稗官體裁,抒寫當時情事, 實亦中朝之戰和未定致之。 懮時之士, 日本婿奉韶回京。 惜全書不傳, 約百餘回, 陶然 憤國

太常寺署中有蝴蝶, 四足雙翼, 黄質黑章, 人欲見之, 呼曰蝶仙, 即飛至掌中, 栩

不及詳録。

五四

東

華瑣

録

所傳: 最契, 館拓界所佔據,後遂以太常寺爲工部衙署, 匪尚未至, 魂所化。 栩然略不 次兵變均未被燬, 因 「蠕動蟄之時, 驚駭。 顔 乾隆戊申冬, 蝶忽遷于全浙會館之妙光閣。嗣後兩宫由西安回鑾, 齋曰「來蝶」, 有欲捉之者, 蝶仙踪跡則無復考求者, 來賓果是奇。 上齋宿郊壇, 曾著有《蝶仙小史》, 即已預知, 異夫羣物體, 詢太常寺卿, **蹁躚不肯下。舊有祠額曰江東廟,** 猶是蝶仙亦有顯晦之異矣。 江東廟不復有知之者。京江紫丞學士與蝶仙 所記事甚詳。 **覩此一仙姿。」詩勒祠壁。** 乃以盒進呈, 全浙會館在宣外下斜街, 兵部街之工部衙門爲 有《太常仙蝶詩》, 庚子之變,拳 或謂元 即世 時忠 使

爲雙塔慶壽寺, 三里而 西長安街大栅欄南有井, 近。 舊爲 斜分對峙, 八爺府,似爲府之廢園。 浮圖二,平視則在街北, 刻石于上, 爲明大學士范景文殉節處, 余幼時猶及見之,有銅鹿, 惟黎明從長安門隙視,則南北各一。 距原 咸爲 郵傳部基址約 墨銅云。 鄰近

間, 仍舊 制 有僧自稱萬松野老, 萬 松老 塔尖則加 人塔, 合者也。 在 西四牌樓南大街之西, 居燕京從容庵, 今甘石橋有磚塔七級, 耶律楚材見之,參學三年,僧以湛然居士目之。 其北則 磚塔胡同。 高丈五尺, 乾隆 石額日萬松老人塔。 十八 年, 勅修九 級,

其語文正 「風 流彩扇出 嘗從文正撫, 日:「以儒治國, 西州, 以承華殿《春雷》及種玉翁《悲風譜》赠之。 寄與白蓮老社頭。 以佛治心。」文正亟稱之。 遮日招風都不礙,休從侍者索庫牛。l 老人有《萬壽語録》、 嘗寄孔雀便面 《釋氏》 新 聞》。 附以 又

亦佳話也

H, 城例 所。 也。 閱水嬉, 閘在 近則就城隅別築鐵軌, 自齊化門外 都 到處流連, 門 豪者不難揮霍萬錢。 昆明 東便門外, 湖 登舟, 長堤, 或旦往夕還, 自五月朔至七月望, 至東便門易舟至通 例禁泛舟, 較前易舟稍免周折, 夕陽既下, 隨人意。 十刹海僅有踏藕船, 惠河, 青簾 簫鼓中流, 午飯必于閘上酒肆, 畫 然舊時風景亦因之變更矣。 外城則自東便門外逕往。 舫, 連騎歸來, 酒肆歌臺, 小不 堪泛, 小 爭門競人, 飲既酣, 令人疑在 其 秦淮 爲 或 游 此亦銷金窟 徵歌板, 舟或買之竟 河上。 人薈萃之 内

H, 如進 黑寺 寶 黄、 回 之狀, 十五 黑寺, 日 皆有跳步扎之舉。 及白骷髏二人或四 雍 和宫二十一日, 人 金剛 旃壇寺初六日, 力士、 到 處 鞭 闢, 天龍 夜叉, 有儺之遺意焉。 繡衣 面 奉白傘蓋佛以 具, 皆由内製 每 歲正 遊巡, 月, 王公大臣 黄寺十三

華瑣録

東

一五六

朝服臨之,雖近兒戲,典至重也。

汗所 七寶爲之。 日居于上, 凡八十一 建, 據樓上爲巢窟, 西黄 寺在京師正北, 西寺名達賴 樓有御座, 飲食沐浴, 間, 雲窗霧閣 廟, 從此佛火消沉, 不在平地。 蒙以龍袱, 爲班 東寺建于順治初, 屈曲 禪額爾德尼所 相通。 金銀佛像若干區, 樓上正中, 無復當年之盛矣。 班禪將 建, 西寺建于雍正初。 爲其卧室, 皆喇嘛 入朝, 富麗爲諸寺冠。 廟 韶仿西藏布達刺式建此。 也。 錦薦厚半尺許, 西寺有樓, 東寺名普静, 庚申之亂, 仿烏斯藏式爲 陳設眩 係活佛惱木 掠劫 目, 既 至, 雜

晶瑩, 不返, 方卓錫東城之賢良寺, 夕照斜射, 清淨化城, 未幾人寂, 無復堆砌之跡, 奪霞光於南海, 在兩黄寺之間。 遺命葬京 亦往問訊, 上以文石鏤爲金花,遠望殆如海上三山,金銀宫闕。 師, 映嵐翠於西山, 乾隆初, 韶建塔于此, 班禪極折服之。 班禪厄(額)爾德尼來朝, 诚哉其爲清淨域也 賜名「清淨化城」。其塔以白石爲之, 明日饋以盤飱, 堆作塔形。 住達賴廟, 毎朝陽初晃, 班禪 達天和尚 璀璨 自 知

在宣武門外西南二里白紙坊,舊名廣安寺。天順甲申,尚膳監陶榮復建,

治。俱云寺乃南梁漢興元府唐安寺也, 既訖工,賜今額。内有翰林院修撰安理、太常寺卿張天瑞二碑,一立于成化, 在慈仁寺後山門,左右廊有懸鬼物圖, 畫下劉元 一立于弘

歸寺内, 其藝僅次于劉元。こ 等物也。 繪佛説法, 六月六日, 聽者濟濟。 有晾經會。 √按: 寺有勝果妙音圖, 劉元乃元代雕塑大師, 乃傅凱亭雯所畫, 此言「下劉元一等物」, 初在 報 國寺, 美

閑田鳥自飛。 齡《寄大能仁寺還一和尚》詩:「遥望嚴城隔翠微,靈山自昔會來歸。堂開講席龍初下,門傍 今殿宇僅存, **大能仁寺,在兵馬司,初名能仁,元延祐中建,明洪熙元年修,** 龍象剥落矣。 攝足頓穿三寶地, 閑身不掛七條衣。從他法臘年年换,何日相逢有**息機。**」 加賜大能仁額。 毛奇

樂 日保真, 時 建, 大德顯 成化中更拓之。 又營龍虎殿, 靈宫, 在四眼井, 以奉真武。 嘉靖中復建昊極通明殿, 其舊門亦在兵馬司, 西殿有柏, 雷火所擊, 東輔薩 相去半里許, 乾隆間重修。 君殿, 石額尤存舊跡 日 昭 德, 有老松六, 西弼 王帥 也。 明永

屈

時有蕭聲駐鶴驂。」 秋斜日窺金像, 曲 若數百年物。 古木寒雲鎖 明馮琦《登顯靈宫閣》詩曰: 石龕。 地迥樓臺三島接,天低烟樹萬家含。 「極目長空雁影南, 十峯當檻落晴嵐。清 虚疑縹緲仙 Ш

Ŧi.

八

收, 全爲 鹵 使館餘 亦未拆改, 簿并乘輦者。 鑾駕 庫 地, 初在兵部 黄屋遥 其房屋尚未 自庚 街極北, 膽, 子後, 全燬。 魚鱗一 與宗 使館 片, 拓界, 初以 人府 收存乘 碧瓦朱甍,衡宇 猶可想見遺跡云 改貯鑾輿衛, 興法 物, 相望,爲鑾輿衙收儲金 其房覆瓦用黄色琉 而舊 變駕庫之在宗人 璃 府 輅 左 木 經使館接 輅 近 及法

於路, 起, 球, 燃燈於上, 今不可問矣。 如球 燈 市, 女雲 觀者如雲, 緋, 集 望如星 在明代爲極盛之地。 如霞 每上元五夕, 童 電者, 標。 稚 九 歡 軌之衢 呼。 由燈 今則無是。 店肆 市以 馬猪市之東, 竟夕不能舉步 舊傳 東, 鐃鼓之聲, 憶舊友某君云, 相對俱爲高樓, 至四牌 東四 樓以 如雷 香車 牌樓下, 北, 如 寶馬 霆, 髫年尚見路南樓六楹, 樓設氍毹簾幕, 相 燈棚 好 銜 不 參錯其間 事者燃水 斷, 數 架, 每 澆 又各肆 初 蓮 爲燕飫之所, 愈無出 月 乍 高 升, 丈菊 歸然無恙, 懸 Ŧi. 街 各 नित 塵 色 夜則 愈進 火花 不 燈

街至湖 當日之盛 且燈其門, 煌煌 燈火樓臺, 至庚子後, Щ 民物滋豐 制六部皆有燈, 火城, 至燈 **蹕路**所經, 市則 女緑 燈其室, 惟潭影間雲烟荒落而已。 官署遷易, 舉世從容, 不過聞 男紅, 惟工部最盛。 每值燈節, 燈其陳設之物, 萬人空巷。 不復昔日城市 人談述而始知也。 以頌太平。 亦稱極 門内燈彩四環, 猶記十歲時, 盛, 舊觀, 是通一院皆燈世界。 而上元五夜, 當庚子以前, 惜未及見。 正陽門修復, 尚及見工部燈, 空其壁以燈填之, 爲歲之首, 滄桑再閲, 工部燈因 此由吏胥匠役輩, 正非易易。 故不惜鬥靡, 破損 聞故老言 遼鶴重來, 假其廊 曩年聞 太多, 以 際海 不能 紙醉 猶 笙歌院 海 燈 不及 甸 幻 再

受刑 和亦 窮于應付, 庚子之變, 頭 挽華簪者, 倉皇 出 固 固由中朝昧于 走, [非拳匪之果足爲禍 何啻貪功膺賞。 行宫花落, 時局, 繁盛爲墟。 實亦 宫廷誤信, 亦非時勢之真無可 疆 吏所持見 徒使論世者第歸坐於 委罰 廷臣, 解不同, 爲。 邊吏追誅 以至剿撫既 而 身陷 守舊之師 白 刃 取憐譯 者, 昧于 幾先, 館。 比于 執 遂令 無辜 法

六〇

功獲罪不同, 内禄外禄, 之官吏, 而樞洲(紐)疆吏,轉得逭死。當時有爲之聯語者,曰:「南廷北廷, 碌碌無人。」寥寥十六字,可窺覘輿論矣。 (二廷,爲廷用賓、廷少民, 然剿撫無定,各有主見,仍不足取。内禄,謂榮文忠始見好於孝欽,

通電自全,外禄,

係直督裕禄。)

之尊, 及者。 事,不可以甲午爲履霜之漸,甚且謂合肥之議和,一誤于伯行公子,以東瀛椒戚, 自挽一聯。「朝聞道夕死可矣, 日商爭利,一誤于逢迎孝欽之慶壽典禮。實則合肥之苦心,常熟之卓識,皆非他人所可 一聯云:「悠悠蒼天, 有非世人所能喻其艱苦者。又逢東瀛尊王傾幕之後, 翁常熟協揆, 竟至放歸田里, 庚辛之變, 朝廷始有意召還, 以甲午中東一役, 咄咄怪事,昭昭青史, 尚稱保全。 今而後吾知免夫。」 蓋常熟相國, 已以卧疾死久矣。聞常熟捐館舍時, 始則主戰, 耿耿孤忠。」語極合分際。說者謂尚不如公 本經史大儒, 既聞合肥與論時局, 明治變法之初, 而海 疆 宗旨遂變, 事 變, 雖 挽者甚多, 中國疆場之 其籌 以師保 兵 而 轉

端匋齋方任直督時, 以扈從侍奉兩宫梓櫬, 沿途拍照, 爲李國杰嚴參去職, 意鬱鬱

不樂, 名法令删。」匋齋得詩大喜, 有朝士獻詩云:「高廟何曾盗玉環,長陵坯土穩如山。 贈以百金, 某携金往勾欄, 一日而盡, 漢家若用張廷尉, 謂「如此盗泉,何足污 定把無

哲, 高, 落職 得長享光天化日之優容, 望可言, 誦詩不達, 踏跼 聞捉刀者, 不可爲子,不可爲人。再四思維, 振 育周貝子以納楊翠喜爲趙芷生啓霖侍御參揭, 金臺大嘩, 卒因更事之無多, **有難安之隱。所慮因循戀棧,貽一身後顧之懮,豈惟庸懦無能,** 乃專對而使四方, 恩寵有加, 泗州楊杏城士琦也。 振頗不自安, 倘他時晚蓋前愆, 遂至人言之交集。雖水落石出, 亦具疏乞罷斥, 惟有仰懇天恩,開去一切差缺, 遂破格而躋九列。 或尚有墜露輕塵之報稱。」婉曲微妙,文詞斐 其詞畧云: 其事世人所知也。 「臣系出天潢, 條因艱難之會, 聖明無不燭之私,而地厚天 願從此閉門思過, 案結, 負兩聖知人之 夙 本無資勞才 叨門 趙以妄言 蔭,

年, 凡所興作, 張文襄之洞 輒遭 七十生辰, 部臣齮齕。 樊雲門增祥撰駢文二千餘言爲壽, 有警句云:「不嘉其謀事之智, 中叙述文 而責其成事之遲, 襄 外任四 不諒 + 餘

其生財 之難, 而 **責其用財之易。」數語直抉出文襄心事,** 相傳此文係交電局分日 拍 文

六二

襄閲 「如有佳語, 至此段, 掀髯笑曰:「雲門的是可兒。」又文中叙述文襄禁學校沿用 不含鷄舌而亦香; 盡去新詞, 不食馬肝爲知味。」措詞亦殊佳妙。 東 洋 名 詞,

後兩 奢侈, 意, 奩 櫛 妹標梅之歲, 清宫監李蓮英有兩妹, 即爲指婚。 所着 均向隆裕后 平金紅緞鞋, 出閣時, 太后爲召集青年二百餘人, 假 用, 僅二三日卽棄去, 妝奩之富, 而七福晉偶一留宿, 慈禧輒呼之爲二姑奶奶、 足擬王侯, 宫中打掃太監, 于南海承光殿 必飭人回府取 至今都人猶艷稱之。 三姑奶奶, 襥被。 月終必獲兩三筐紅 命 恆留宿宫中, 兩妹隔簾選婿 兩妹既荷 殊 所用 繡 寵 端相. 鞋 、個具 性尤 其

于是京中大官貴室, 敗, 謀逆實證 童子觀音, 遂勾 京 西北塢村王奶奶者, 結宫監蘇老公及劉 僅 施符咒水, 止假借神道惑人斂財, 遂不遠而至。 妄言禍福, 城印, 初本鄉愚, 其子年十餘, 旋爲 内監 王又密布黨徒, 遂薄責發落。 京營捕役偵知, 而隱于黄冠, 其母 四散要路, 皆 歲首思爲聚衆斂財之計, 王氏, 詰其惑衆, 一時聲勢連 村嫗之有心人也, 如茶棚酒肆之類 逮捕以去。 内廷者, 爲之揄 以無聚衆 遂自 見子既 知爲往

甚。 也。」及産竟爲女,某指之質問, 朝送子觀音者,則詢其狀, 此亦由其徒偵察之力,一時爭神之。後竟自號爲龍天聖母, 飛報媪。有問孕者,媪焚香降神, 媪曰:「某日汝因某事神降之罪, 作態許久, 庚子之紅燈照, 汝忘之耶?」其人恐 開目曰"「男 即其徒

有據。 故居。 鎮攝 紳民 及奶子 可言也。 政部街; 有改易, 注 城 京師 以易辨認。迨和議既成, 府, 衛 又有變更無定者, 重首都, 然豐盛之名仍其舊, 地名, 有較舊時名義爲善者, 其他 民政易稱内務, 皆爲 而 如禁衛軍設嘎嘎胡同 東瀛警察, 明代奉聖夫人客氏宅, 皆沿明舊, 且皆室廬所關 更名内 亦于此時輸入。其始爲編查户口起見, 如勾欄胡同, 清初入關, 又不緣丞相之例; 務街。 因有民政廳及安民公所之設, 如爛面易爛縵,繩匠易爲丞相, 各國退出,遂設巡警部,于是逐漸修明, 因 將地名改爲禁衛街, 初以巡警部改民政部, 亦無改更。 庚子後, 粉子胡同, 其私邸, 奶子府改爲迺兹府, 以農商部設于是, 一其賜邸; 乘輿西巡, 已無意義矣。 其地實巷之大半,遂稱民 魏閹 後乃改爲協巡各廳 粉私廳爲分司廳, 用白牌, 魏閹改爲魏染, 胡同 改稱農商 暫爲 爲 各街巷名, 有巷名皆墨筆 更有豐盛 明 客兵保衛, 末魏 部街, 尚屬 胡 時 猶 同

在位者之羞也。

一六四

毫無意義。其餘大率無所取義而爲之,蓋全爲塗飾耳目之計, **絶無徵文考獻之思,此亦** 

耀樞, 將印文之意露出, 上聯本係: 王乃私刻一印, 連科及第。」久未有對,後有某君對云:「四川省公侯伯子男,列爵齊封。」或又云, 想其得土獨厚, 光緒丙子恩科, 戊辰爲洪鈞, 「五科狀元配五行金木水火土」,則更難對矣。 文曰: 一時都下傳爲美談。蓋溯甲戌鼎甲一名爲江蘇陸潤庠, 因此自負不作第二人想歟。是時京中有一聯曰: 以上四人之名,皆藏有金木水火等字, 福建王可莊先生仁堪,禮闈報罷, 「落第狀元」,其自負可知。越年丁丑, 既而臚唱, 而先生之名及字, 果廷試第 一甲一名爲曹鴻勛, " 「五狀元金木水火 一,授職修撰,方 辛未爲廣東梁 藏有土字

積不相能 以欽差大臣被戕于亂衆, 人己彙, 鳳 全號 弗堂, 既貪且酷, 惟趙爾豐、 由州縣起家, 宦轍所至, 沈秉堃兩觀察, 誠由 暴動, 民怨滋深。每對人尤很很自好, 歷任繁要大官大邑,積貲至三十餘萬。前巴塘事 亦自有以激之也。 居心行事, 號稱莫逆, 核其生平殺人以 兩道又皆赫赫一時, 輒自稱 鳳老子。 媚長官, 與同 營私 起, 論者 官 鳳 तिर्व

還看沈胖娃。」一時傳誦, 以 云:「鳳老子自號多年, 鼎足而三焉。 開弔之日,以其身殁于國事也, 舞爪張牙, 威聲不減趙屠户, 評爲確切不移。 趙沈皆爲封疆, 諸寅僚同往執紼, 狗奴才也有今日, 然趙卒不令終, 見 粉身碎骨, 壁 或亦横 上 聯 逆之 挽之 顯

實有以致之。

者或以 貴且 鬼蜮 裁。 釐 員皆懼文介之彈 部 案 立至。」: 仲恭 伎 孝 萬人如海, 實爲財賦之匯 倆, 仲 欽 爲反抗新學, 訓 恭 到 而 部後, 以詭術欺世, 政, 侍 文 仲恭請其說, 御 介性尚 一時什伯庸衆,羣才所萃, 劾 置景廟于瀛 以 家已中 或以 劾南海 節儉, 當時以爲無甚關係,憑書吏權算, 所謂城中高髻,四方一尺。 落, 苟合取容, 爲諂事 肆主曰:「但如我教而行可耳。」時閻文介方爲大〔司〕農,極欲清 臺, 黜 未蒞署之先, 口 有世代交易之估衣店一處, 孝欽, 原 後乃放 衙 其所予奪, 門行 實則伊平時之心性, 開 封任, 部曹皆爭市敝舊官服, 走, 豈容伊嶄然露頭角。 其疏猶及見之, 一日各員皆接見, 調任 皆無足輕重。 開歸 漢員爭此者絕尠, 陳許 衣肆主人曰:「能厚給 毎持 拉雜 聞 道, 蓋户曹以 初在 初以 人同我異, 貴州 支冗, 衆皆衣色敝壞 郎 北檔房綜核各省撥 迤西道。 官 優美聞 滿員愈不復過 觀 不 人異 成 政 户 奏 八我同之 我, 當 曹 議 時 部 體

六六

袍服 皆聞堂憲蒞任有日,買自衣肆者,大有踊貴屨賤之勢。」文介改容,因飭其與漢司員清釐 部案。此爲進身之始,皆肆主人所教也。此事鑿然不謬,其餘可例斷矣。 「司員父祖皆宦達,故教子弟不敢以僞事尊上。司員所着, 嶄新, 文介色不懌,謂之曰:「我輩乃心國家,首宜崇儉。」方語至此, 尚是箧中故物, 仲恭 各司員所着, **儋**日:

爲汝淚滴。」且以榻本示之。及至,則别一硯也,自是人間有兩菊花硯矣。 戊戌之變, 如矣。」且加媵一銘焉。銘曰:「殺汝亡璧,況此片石。銜石補天,後死之責。還君明珠, 銘曰:「空花了無真實相, 梁任公啓超在湖南日, 梁出 奔海外,硯亦不知所在。壬寅冬,黄公度貽書梁曰: 「吾已爲 唐佛塵贈以菊花硯爲締交之始, 用造别偈起衆妄。任公之硯佛塵贈, 譚復生 一撰銘 兩公石交我 語, 江 君 作 作 建 藺相 證。」

地, **畧大臣如賽尚阿、** 彼皆從田 長白文文端公慶, 而以用人須破滿漢藩籬。實二百餘年未經人道語者也 間來, 知民疾苦, 訥爾經額, 于咸豐初年爲大學士、 熟諳情僞, 皆以失律獲咎。 豈若吾輩未出國門一步哉。」其平時建白, 公嘗言: 軍機大臣, 「欲辦天下大事, 是時海内多故, 當重 寇盗 用 縱 不拘資 漢 經

怖, 逃, 善技擊。一日, 加 前迎之, 亂 死, 擊, 欺其孤弱, 遠見林間 燕趙古稱多感慨悲歌之士, 一毫不挫, 幸勿觀望 衆皆辟易, 賊甚衆, 有人起伏, 徘 能全身而還, 肩錢數十貫, 孰非一世英雄!有遼陽某君, 徊 且各携有 一反接, 自貽伊戚。」某不語, 心知 從城外歸, 將及近郊, 有盗, 已爲厚幸, 欲置之死, 馬骨功名, 與某既相遇, 不可驟進, 越貨奪財, 力戰 衆皆叩首乞命。 狗屠富貴, 道光間 衆盗。 大言曰: 又不敢退以示怯。 猶其餘事。 日已西匿, 由武元充頭等侍衛, 拳數揮 往往不爲士人所齒。 「倘有貨 然後將盗魁二三, 某君既習拳勇, 是處故多盗, 財, 盗 言次勢愈近, 已倒 速爲 膂力絶人, 獻 急奪盗 而 Щ, 每利人獨 植立縛于 膚橈 毫不恐 計惟 貸 刀仗 汝 H

狀, 有某君者, 向之買肉, 其 阜城門内錦什坊街, 車並 亦以 羊 肉 之未封者, 令其自取 武力見稱, 舊有回民推車市羊肉, **覩其擎數百斤之重**, 比肉已割, 輕如片紙, 伸手向之取錢, 去地二尺許, 若無 遇有 事然, 驀然過之, 泥潭, 乃如蜻蜓撼石柱, 以手持車之兩端, 欲試其技。 便捷之態, 以大指二捏錢數 未動纖毫, 好整以 如擎 暇 匣

樹,

泥塞其口,

俯拾肩錢,大笑竟去,

郭門猶未鍵

也

東

某君見鑊 君笑曰:「與汝。」兩指一開, 中肉未 出釜, 口銜煙筒就竈畧一伸, 錢如齏粉矣。 明日, 肉鑊已移動, 某君向伊設肆處訪之, 引燃訖, 復還竈上。 某回 不 某回聞 在

連夜遁去。

病, 此當時嘲張幼樵、 追論皆列于賢毫, 八表經營, 不過山右禁烟, 林少穆、 君子于此觀世變焉。 張香濤聯(中語)也。 廣東開賭, 三洋會辦, 曾幾何時, 請先看侯官降級、 全成往事, 且當時或引爲詬 豊潤 充軍。」

名畫。 垣, 數株, 所居在厚載門者, 鼓樓街, 自書詩, 著《清秘述聞》、 法梧門祭酒小西涯故居, 外則植竹數百竿, 茅屋半欹, 有移居詩。 覃溪和之。 灌園人棲止焉。曾見羅兩峯爲祭酒畫西涯十景册, 背城 《槐廳載筆》, 《湖海詩傳》稱其自登仕版, 畫極荒率之致,寥寥數筆, 面市, 寒聲疏影, 在松樹街東頭,李公橋西壖下第一家。 畝之宫, 在成均, 如在巖谷。 有詩龕及梧門書屋, 著《備遺録》,其餘有資典故 經師文士, 宛然街市之景也。 即以研求文獻, 藝攸長, 室中收藏萬卷 宏獎風流爲事, 祭酒初居此, 有翁覃溪序, 今已無人居, 莫不容接。 而未刻者 間 以 故在詞 甚 後移舊 爲詩 法書 多。 梧門

乎典故 於翁覃溪《復初齋文集》, 爲志伯愚鋭、 只循後海卽達普濟寺, 而 舉而 掖 以外孫承繼, 不癯 後 盡售之, 進, 視其詩更爲足傳, 清而能綺, 崔磐石永安二太史購其板,藏之翰林院中。 壇 站之盛, 爲書肆所得, 後亦不振, 故問字求詩者, 號爲 稱其於典簽卷軸, 幾與隨園埒, 陳笠帆中丞曾梓之。 西涯一角, 所藏書籍字畫, 印行於市, 往往滿堂。 湖光山色, 而品望又過之。」按先生 價遂頓賤,然止詩集及述聞、 每有所見, 出賣殆盡。光緒中,其家又將先生著述之 以生平 《寄蝸殘贅》云: 罨畫樓臺, 必著於録,其中有係乎考證,有資 摹西涯 梧門又有《陶廬叢録》六卷, 風致, 晚 居者忘爲城市云 歲, 「祭酒文譽卓 又所 罷 官 載筆三種。 居近積水潭 家 居, 著, 卒 尤 見

又怡 城北 大半馬 法石帆有詩云"「讀易樓前隔歲苔, 親 來。」「買書容易到斜陽, 何義門介紹 玉元圃棟官學士, 王府藏書之所, 毛子晉、 歸于 , 怡府。 錢遵王 居城北,藏書最富,凡王漁洋、 日白 [善堂, 一所得, 乾隆中, 讀易樓中萬卷凉。 毛、 大樓幾楹, 四庫館開, 樓門十載未嘗開。不窺園隻覃溪 錢兩家散出, 積書皆滿。 零落都門諸梵字, 天下藏書家皆進呈, 半歸 黄叔琳兩家書多歸之。 絳雲樓未 徐 健 庵、 火以 鮮 季 惟怡府之書未進 紅 滄 前, 老, 小印 章。 其 特 辨 宋 築 王 爲 一黄。」 元 讀 徐之 尋書 精

其中爲世所罕見者甚多,

如《施注蘇詩》全本有二,

此外可知。

内城, 陸、 器相尚, 代世家, 蘭臺之盛事矣。 君爲之廚。 表》未刊。 錢塘朱修伯宗丞得之爲多,其實當時得之最精而博者,允推盛伯熙祭酒昱。蓋盛居 載恆以狂悖誅,其書散落人間,聊城楊學士紹和、 得之較易, 推翁大興、 好士爲士大夫之冠。 與祭酒同時, 未幾, 孰知拳變之禍,王君殉之,伯熙先卒, 盛司成有重刊太學石鼓文之舉,王司成有重開四庫館之請, 又具搜羅之力,故收藏甲于諸家。 阮儀徵之餘緒, 爲山左王嚴生懿榮。 家擅園林之勝, 當時以潘文勤、 光緒初元, 庚子之亂, 翁常熟爲一代龍門, 祭酒爲肅府舊族敬文莊公之孫, 未幾滄桑爲幸, 常熟翁叔平尚書、 京師諸士以文史書畫、 收藏未盡失去, 而學術至是亦爲 有《蒙古 吴縣潘文勤祖 而以盛、 駸駸 金 石古 乎觀 王 世係

朋興, 皆因 自 海 張香濤《勸學篇》之作, 憤時感事, 禁大開, 西 積不能平, 風 東漸, 雖非無因, 新學書籍日益蕃滋, 而不覺言之過激 然調和新舊, 此所以來學究家之訾議也。 其間如《校邠廬抗 尚不失爲作者, 議》、 至端匋齋初附會 湯氏《危言》諸 厥後新説

之一變矣。

自解免, 始得與徐仲虎、 文夢九齡、 詞語鄙俚, 周采臣暻諸人。 吴調卿同列于農工商局。又改詹事府爲局署,入幕之賓爲金甸丞蓉 殊無風骨, 未幾政變,大獄以起, 後竟得爲霸昌道,則俳優之不若矣。然川案猝發, **匋齋又請裁局署,進《勸善歌》以** 

能屈,

《春秋》許之。

稿以呈公, 生感悔伏地, 君子貴有以養之,子能痛改前轍,余之願也。」于袖中出金榜, 士,爲之緩頰, 再看小人。」明日,公坐堂上,獨判先生爲四等,卽日發落, 生員出署回寓, 金聖嘆先生, 公展閲, 大哭曰: 「士得一知己,可以不恨,某雖不敏, 勿許。 絶世聰明, 道中設遇美婦人, 文體詭異, 立召至,公一見,顔色忽霽曰:「余在京慕子名久矣,牢騷之氣, 放誕不羈。 微晒日: 觀者是乎?不觀者是乎?」公徐應曰:「一看君 「好秀才,姑退。」先生揖而退曰: 學使法公海按臨蘇郡, 請事斯語。」由是公與先生 而弁冕實先生名。于是先 重施夏楚。廣文以其名 先生信筆直書, 「禀 問大宗 頃刻脱

嘉慶中, 臺灣東郭農人鋤園獲一古玉, 色黝黑, 長尺有八寸, 寬二寸二分, 厚四分 遂爲莫逆交。

貴胄, 五釐, 潛携之去, 不敢私, 權之重三斤許。 鼎革時, 獻之法華寺, 郡人大憤, 依鄭氏居東都之野, 携之人郡, 籲於官府, 郡人以爲至寶,使董事張某典守之。乙未後,忽爲日本人所得, 爭訟數月,乃索還,存于三郊許藏春家 考古者識之, 曰: 是鄭氏敗, 闔門殉國, 「此明寧靖王之玄圭也。」王爲王室 此圭遂沉淪土中。 農人得之

垞家, 李怎 篆似 悔, 添 字尤工。 益以朱提五 家婁壽碑。」聞此印後歸潘德畬, 自宫門哀燕后, 一佳 秦重, 伯謂襲 襲 再 最後爲嘉興文後山所得。仁和龔定庵舍人,以朱竹垞所藏宋拓本《婁壽碑》相易 傳 定庵官京曹時, 承恩 重 百, 似獨以鳥跡寓名。 問 爲 其序云: .赫號青。」「錦裹檀薰又幾時, 人所欺。 遂歸襲氏。 似網繆 可憐孤負玉無瑕。」「黄門詔記未全誣, 玉印徑寸, 印, 昨觀吴石華集中, 得趙飛燕印, 此册乃何夢華所拓也。 觀蘸香泥押臂紅。」「不將名字刻苕華,體制依然 嘉靖間,藏嚴分宜家, 今不知流落何所。 厚五分, 狂喜賦詩, 潔白如脂, 有題此印詩, 摩挲尤物不勝思。 載在集中, 詩云:「碧海雕搜出漢宫, 按趙婕妤凡三人。一鈎弋, 紐作飛燕形, 後歸項墨林, 小印斜封記 所紀 甚詳, 而不詳其緣起及印之形狀, 煙雲過 得 特録如 又歸錫山 文曰「婕 無。 眼都成 回首故 ٢, 録, 華氏及朱竹 好妾 回環小篆 内 以爲藝林 一宣主, 轉 宫 家。 趙, 憶襲 應 懊

閉歇已多, 蛋爲之。 能互相爲用之妙。亦有設于花肆中者,則取茉莉諸花點食, 珠餑餑, 杖,反面作各種圖繪。 聞另有名蟈蟈白菜者, 指之禪。於是有薰煙, 鼻煙之來, 有辛家皮料及古月軒, 亦名韃子餑餑,如西洋之糕點,其發明之後先,亦與鼻煙同時,故以上兩肆, 歲時餽送, 不勝今昔之感矣, 始于滿人入關, 宫寢薦新, 振羽欲鳴, 拈鬚欲躍。後有匠心獨運者, 亦有書作清語及漢字古文者,筆墨所施, 有洋煙,其味之等級, 其花樣大半屬陶器。 雍乾以後, 幾若必備之品。近則狐裘臺笠, 始大發明, 可别酸、 有五霸彈者, 踵事增華。 皆是面質, 羶、 糊、 以水晶爲壺, 繪雄雞五, 盡其精妙。 京國重來, 豆、 匠詡郢石之鼻, 雑以 甜五種。 牛乳和糖及雞 又有所謂曼 作相聞 此類諸肆, 用象牙爲 其 狀 貯煙

爲真, 所以 重璠璵之戒, 古器之發現者, 或以爲贋。 惟於某邑有人掘土,得崇伯卣, 有由然矣。吾宗清溪釣徒, 往往不問何時, 金碗玉魚, 曾購得虞書《汝南公主》真本, 難藏茂苑, 蘭亭繭紙, 古色斑斓, 土花剥蝕, 空説昭陵。 的非僞造, 賞鑒家或以 昔人 西

人有欲購之者,令我追憶覃溪不置也。

樣, 海疆 想得 後漸失其意, 六合同春之意, 多故, 乘軒從退食, 國門街市各處黏壁。 衛懿好鶴, 邊事正 亦有廢邸無力蓄豢, 其實則以鹿附 鶴有乘軒者, 殷, 風流可繼半閉堂。」 翁常熟相國 時有某名士口占譏之曰: 《春秋》譏之。 鶴。 蓋恐法所不貸, 縱之禪刹 時寓東單二條, 故制, 以終天年, 偶一 則以 各王府賜邸, 「陪都烽火照遼陽, 鶴飛出, 血飲之立斃, 皆數典忘祖故也。 因出 皆于園林蓄鶴鹿, 招貼, 所謂鶴頂 相國終朝訪鶴忙 甲午之役, 大書訪鶴字 紅 也。 蓋取

而修造工廠乃在西山。 屬屯田風月, 城勘丈, 演隧道之用。 時有琉璃廠, 我愛緑楊紅樹句, 飭其按照佔用範圍之内, 即設於今之廠肆, 猶憶工藝局初建, 玉步未改, 光緒朝, 月明惆悵海王村。」 金湯無驚 清初以來, 其地基所臨, 因兩宫大喪並見, 預爲 雖劫歷庚子, 騰出, 專以其地爲梓宫隧道龍輔, 孫丹五詩也。按: 繪圖立説, 適與演車隧道空地有礙, 乃由官署倡設香廠, 鴻雪因緣, 以爲標識。 海王村即今琉璃廠, 猶有爪痕歷歷, 其時楊柳 曾由 試演窆穴之所, 而廠肆遂以備試 工部會同五 曹司 今則春明 蓋明 猶

依舊 夏甸更新, 考古之流 又多一徵求文獻之資焉。 試誦綠楊紅樹之句,覺後之視今,

亦猶今之視昔矣。

日 木之勝。虞衡司聯,爲賴仙竹郎中所撰:「歷紅羊刦後,頓改曹西, 仙蝶重來, 長屯田司印, 守虞侯藪薪, 司舊有海棠, 公所撰, 春陰。」按: 「郎署共宣猷, 六部公署中各司公廨皆有楹聯, 文子乘先生輅所書, 明月梅花同起舞; 京師各署楹聯, **衡麓林木,拓仙蝶祠邊,宏開粉署,感懷應念舊,且勿忘藤花月夕,** 春時盛開,爛漫如繡。今之新署,爲太常寺廊廡餘地, 補刻懸於司堂。 舊雨應聯杜工部; 前人記載中多有及之者, 兵燹失去。 庚子後, 詞壇翻舊譜, 汪範卿部郎曾撰聯以紀其實, 其傳者, 工部屯田司一聯, 詞人能作吏, 疑有流鶯萬囀, 以太常寺改建公署, 曉風爭唱柳屯田。」文爲錢塘沈文恪 然皆盛傳之作, 文曰:「粉署焕新猷, 曉風楊柳樂喬遷。」又, 當時最膾炙人口。其文 幹國重維新, 分建司廳, 無復花 此則非滄桑以後, 長沙谷太守方 虞衡 倘 莫徒 逢

明萬曆甲辰, 厚載門外, 皇城一帶墻下, 忽影出城郭、 山川、 樹木、 人物諸相, 有

仍服官於舊署者不及知也。

東

雄

瑣

鐵騎 刻更有 更如 之不見, 秋獺之前 教 「如有婦人衣白衣, 數百臨 人來, 已而 至文皇駕崩始 宫中 城 較向來之人尤悍烈, 果有其人來, 時有黑影, 城上皆樹旗 止 若線絰狀, 三次皆不得過, 職, 憧憧如男女, 此與明 與畫圖無異, 甲申三月十四日以前 仍前阻之。」門者 自棋盤 皆古衣冠者, 街由 其人遂痛哭而 移時及滅。 東而 如迷惘 西 且時聞有哭泣聲, 必力阻之, 説者以爲女真之兆。 返。 不能禁, 忽有人道妝類瘋 少問 而明遂亡。 瘋者又來告, 千萬勿 如出 癲者, 聽 其 暗 相傳熱河 按以前諸 言。「少 陬 過 戒 門吏 門 刨

説,

皆鄰妖妄,

然故老流傳,

當不盡無徵也。

洋人, 捨之, 之具飯者。 人心之險, 京師有婦人李氏者, 署如 聲益高,然至人家, 且行且置, 得錢 故 一一指 初聞尚 既 凡政府 多, 陳無少諱。 則以 掩耳, 之闕 羣呼爲李瘋子, 則又 之修廟 失, 初爲 久亦安之。 和顔款接, 士大夫之敗檢, 金吾執之獄, 所修凡七廟, 瘋子 年六十許。 初無 所至, 瘋狀。 然形狀 行陣 皆 延僧主之。 羣兒隨之, 每晨提一 問其 狂易, 之弗 所以 武 籃游 無可 行詈如故 如是之故, 市肆爭施以 有司之不 於市, 科之罪, 無弗歷 職,風俗之侈 遇冠蓋 錢, 撻之不 自言三十歲 或 及外 有爲 也 無

時

夢神迫其如此,

不從則疾作。

不知其别有所託,

以女子而佯狂避世如此也。居恆亦

于金、 者, 慕芳姿者, 傾家者, 而露鬢雲鬘, 無從向忉利天、 咸同之間, 張、 然皆無所就。 須得就中一人先容, 史、 作閨閣妝, 許中, 京師士大夫奔走於柳陌花堤之外, 花鬘劫, 以後門前冷落, 結無遮大會, 時而怒馬鮮衣,作長安少年游俠狀, 參魔女禪, 然後定期至,或杯酒,或拇戰, 衆香國遂別開色界。 車馬漸 問色究竟, 稀。 或謂各有所適, 別樹艷幟, 天上因緣何若矣。 時有金九妞、 不侑酒, 大張北軍之旗鼓者, 皆若殊遇厚寵, 或云憔悴相 不留客。 佟四妞之名, 有願 繼而没 有至於 時 傾

唱時或 貴家大族, 主人須設專席, 恩曉峯, 亦作 遂若有開必先,莫爲之後耳。 園閣 或有彩觴, 旗籍處女, 時妝。 如宴賓之例。 特簡招之, 女子人梨園者, 玉貌娟妍, 聞其後亦時往戲場中酬贈, 倩唱其劇, 珠喉瀏亮。 以恩爲首屈一 相一奏技。 或唱 指, 盲詞, 但始終不侑酒, 亦與男伶合演, 然不受金錢, 或演戲劇, 不與男伶雜座。 男妝辮發, 其時女戲尚未 第於下場時, 不演

夤緣署三司。 乃既躭曲糵, 復癖芙

簡, 字在也。 永朝皆若夢, 揭一聯於邸報, 有雙鸞、 皖省汪以誠者, 雙鳳及四九旦者, 誠心聽戲, 以納貲來都,得爲某省候補道, 當時傳誦, 誠意聽戲, 文曰:「以酒爲緣, 名優也, 四九旦登場賣笑, 某道寢處, 以色爲緣,十二辰肆志追歡,永夕 皆同爲之。 雙鸞雙鳳更銷魂。」亦暗藏個人名 案牘卽廢, 撫軍登之白

威, 弓長,未必人稱富有,千金買佳麗, 雖允其納爲簉室, 張彦謀之妹婿也。 不得已乃遷於他處,別爲一宅。 趙菊曾名有倫,某部郎也,雖籍隸江蘇, 己乃百端凌虐, 人以其身最高, 使之飲食起居皆無生趣。 咸以趙高呼之。 除是明天弦斷,方容爾去敦倫。」横方爲「大宋千古」。 同寅某君撰一聯嘲之云:「一味逞豪華, 而語言態度無異北人, 初納一妾, 畏大婦如帝天, 已立券矣,旋爲大婦所覺, 且自頂至踵,無 仍無解於淫 若非暗地 雅骨,

同光 朝有以佛法爲 戲場者, 得二人焉。 日瑞 和尚, 嵩祝寺掌班者也, 駲 馬燕 मी 蓋藏趙字爲額,

以有倫二字嵌於聯尾也。

異常人, 所短者, 星星一鏡髮耳。 瑞雖居僧寺, 退歸之後, 嬌妻艷妾甚多,且别開外埠。

蕭則施粉塗朱, 又有蕭瑞峯者, 網巾袍服, 焚香寺喇嘛也, 無異伶人, 廟中經懺, 亦彼法中之游戲三昧者。 酬應如故, 與瑞和尚同工異曲,瑞則不登場,

是增 太謔矣。 嘗聽戲乎?旦上白口, 曰"「旦白堂」,聯曰"「家居化日光天下, 集名流以榮鄉里。 高 某長隨歷侍數顯者, 閥閱, 規占膏腴, 事爲紀文達所聞, 即爲奴家二字, 畫閣 次第薦剡, 朱樓, 書聯撰額爲賀, 竟至富有金帛。 比於邸第, 至聯語貫頂, 人在春風和氣中」。或以問文達, 青衣赤腳, 某榮之, 徧示戚里, 則明明家人二字也。」巧誠有之, 雖出身微賤, 侈埒侯王。 時思所以示子孫, 文達莞然曰:「不 已乃盛張管弦, 懸之庭堂, 亦 額 於

你來。」 臨盆, 不幹者個營生。 昔 調侃京城 切莫更爲此種勾當。 有嘲士子之熱念功名, 士子, 比及三年, 亦可謂至矣。 誕彌 學臺上院, 比於婦女之戀于愛欲, 厥月, 良人人室, 翻然改云: 莞爾笑曰: 大丈夫非忘功名耳, 其聯絶妙。 小娘子豈無 文云。「秀才落榜, 我 人情乎, 去我去, 你來 孕 再也 婦

到在前, 員司在廬, 日恭與寶同 寶文靖與恭忠親王同值樞垣,皆詞鋒敏捷,每相嘲謔。恭王來之人内, 可謂巧合矣。 有事須關白者, 於寅卯時待漏, 座, 寶以出恭二字請對,王卽應聲曰鼈寶。俗以察見金銀器者爲鼈(彆)寶。 方得乘間亦請, 候長官之人, 以待有所陳説, 如失此時, 則須於人內門便旋時,俗謂之出恭。 俗謂之鼈堂官, 而文靖之名稱 值班者必早

味, 人才經濟特科, 恐亦未必有偶焉。」一時流傳以爲口實。然如《山雞舞鏡賦》及《干蝴蝶三十韻》, 枯索無興 「若吴任臣之博覽,徐嘉炎之强記, 不知何取於此?至「大學子程子曰」一段, 南中不讀, 康熙間, 考取博學鴻詞五十人, 同授翰林官訖, 碩學通儒, 當時人告, 可稱二妙,若李因篤之杜撰故實, 皆有倣照詞科之語, 有問閻百詩此中人物云何?閻曰: 隨園且至於落第一晚近有保薦 其源可以濫觴矣。 汪琬之私造典禮,

字。 有某君實姓黄, 其他 楹聯有專用於某姓者, 如 四傑才名楊以上,六朝人物謝之先。隱王姓也。幼時在京, 其友特誤以爲王,某君以詩曉之,語極淺近,然頗可篩"「江夏瑯琊未結 如"祖武箕裘, 皇猷黼黻; 家聲麟鳳,國器珪璋。 猶記某君 明嵌祖家二 所 誦。

盟, 問 瓜 生。 草頭三畫甚分明。 右軍若許庭堅誤, 他家自接周吴鄭, 孤負籠鵝道士情。」此作極膾炙人口。 敝姓曾聯顧孟平。 須向九秋尋菊 有, 莫從五月

記。 遺聞 司員, 班必先趨, 以爲壽), 惟嬉笑怒罵, 兹録數語, 江 惟語太刻露, |西程樂庵,名志和, 名牌偶誤, 談軼事, 溥小驚趨欲繼魂(溥小峯侍郎, 恐落後也)。 則不遺餘力。 以見一班: 要亦眷懷時局, 未呈看左右堂, 惜不能舉,長吏曹屬, 竹板不留妻子面, 名進士也, 官工部, 維已至郎官, 松壺斜倚檔房門(謂松龍齡本名壽,以諂事閹宦,刻 嘗有工部記事之作,皆拉雜叙述當時堂司官吏,可爲劇談之資 感憶前游者, 而右堂某遽有煩言), 與松皆爲清檔房總辦, 一例詆毀。然事非皆無因, 本司呆對先生臀。 所樂爲紀述也 河道何妨去謝恩。 名牌也許幫閑話(某次 而性既孤僻, 小峯跛足而身短, 酒半茶餘, 語 人復寡合, 名 長 不 於 相 能全 與質 引見 故侍 便壺

石 字命對者, 邊 栽 蒲 虎耳。 柳泉 蓋不 誌 當時 礼事 惟辭意絕不牽强 對語, 以 爲 絶唱。 如猪 其實此種 血紅泥地, 且偏旁用五行字黏合無痕, 語句, 對羊脂白 皆非 玉天。 出人意想之外。 又有 鵝 尤見匠心。 施湖 近有以 裏種 烟鎖 雞 此聯自同治間 頭 池 塘 對羊肚 柳

東

對, 江橋五字屬成,遂爲的對。]陳扶蘆君言:「此對爲清彭雪琴早年赴試,途遇女子, 兹再紀之。德先君云:「此聯係出之清季成都赴試諸生,偶有以此命對,經儕輩以燈壓錦 已聞之, 合也。」如是則此聯尚有一段軼事在也。 當時因難遁去。迨雪琴敵髮軍於鎮江, 有以炮鎮海城樓屬對者, 終覺勉强。昨昔滌秋過訪,有貽書於彼, 城臨之以炮, 始悟以炮架鎮江城對之,誠巧 述及此事, 以此屬

筆成蠅, 書「間」字,或以問之?曰:「吾所寫者,别一詞也。」因朗吟:「黄河遠上,白雲一片孤城 萬仞山。 題扇書裙, **羗笛何須怨**, 偶爾涉筆, 藝林韻事, 不必有意於其間也。 楊柳春風不度玉門關。」殊屬狡獪,然才思敏捷,亦可見之。 蓋所傳者, 純在書法可貴, 京中某名宿, 爲人書箑, 不必爲字句之匡謬。 録黄河遠上一詩,落 昔有作畫誤

某君作 皆賞其佳, 咸同 分咏格, 間, 然多恐其前程不能遠大。 王味雲、 上金魚下陞官圖 法小山、 陳灌雲、 聯云: 後某君果竟以教授終於官,蓋無心之流露, 趙小魯、 到老不知江海大,此中已覺宦途難。同 蕭紹亭諸君, 曾於日下結社 一聯吟, 時 此又非 作 有

卜筮讖緯家所得知也。

易其 形。 歸而述青塚之狀, 青塚琵琶,千秋恨事,故其生爲人所九死不堪者,而名或反賴以傳。有傭僱歸 土人或以之射覆, 日凡三變, 賭勝負焉。 如朝視之,則圓如粉合之類, 塚出白土, 細如鉛粉, 婦女以之飾鞋底, 自朝至於日中昃, 無異宮 綏道

即名之爲昭君粉。

大笑不止, 下臨無地, 陛級如山 重要者, 竹岡侍郎鳳鳴, 上必召見。以爲超擢必將不次, 亦不獲派。或有與樞要親密者,微問之, 地位相懸, 非欲攷察其人, 俯視奉召, 官工部左侍郎時, 或行稍疾, 見人之行動地上者,真如蟻蛭緣沿。竹岡身肥而短, 亦非有愛於其才也。 足短不能遽前, 將來亦潘伯寅之流亞, 面圓唇露, 中貴有知其事者相告, 行步蹣跚, 大有手足並用, 乃不徒一無陞遷, 目眥紅腫, 匍匐將往之勢,上遂 蓋九 上坐於堂皇, 然每工部值 重 即工程 閶 E 日

云:「上東門外杏花開, 元時杏花, 齊化門外最繁, 千樹紅雲繞石臺。 東嶽廟石臺, 最憶奎章虞閣老, 羣公賦詩張宴, 白頭騎馬看花來。」至明時則 傳爲 盛事。 果邏 洛納新

東門花事衰落, 庵外袖吟鞭, 繁杏春開十里田。 西郊漸盛。 萬曆後, 曾與村翁舊相識, 摩訶庵杏花, 多至千餘株, 看花不費酒家錢。」 朱養醇太傅詩云:「摩訶

動龜 服 又潭柘寺有少師庵, 姿容 毛撲(幞), 京師 瀟洒 有姚少師 雙睛如電光之燦。 直得虚空笑點頭。」蓋本色衲子語。 畫像, 亦有像, 面大而肥, 錦袍袈裟, 像賛云、「看破芭蕉掛拂子, 紅袍玉帶, 頭左顧, **髠頂上戴唐帽。** 署「獨庵老人題」。 形如病虎。 等閑徹骨露 而崇國寺畫像, 獨庵,少師 風流。 自號也。 猶是僧 有時摇

石, 有謂 爲日 繚以 湖南岸, 所謂:「李文正對王文敬, 短垣 以告來者, 在淨業者, 人攫去。 明李西涯墓,在畏吾村, 今名高廟, 花木列 或謂李閣老[胡同]乃其故宅遺址 有詩尚在, 亦稱海淀。 圃 夏日荷花楊柳, 四時不謝, 千古興亡兩墓門。」不勝今昔之感。 詩極有價值。 更有謂蝦菜亭阮翁臺, 初無知者, 中懸有額曰: 紅酣 禄暗。 墓與王文敬墓南北相對, 嗣經翁覃溪、 其 西涯 寺有樓, 園在響閘銀錠橋 在後門西冰窖一 角, 法時帆始爲表而出之, 所謂日下第一 爲常熟相 西涯宅, 中隔長河, 帶。疑李閣老爲住宅, 左近。然米萬鍾湛園 國 有謂在積水潭淨業 書, 樓也。西院廣榭 庚子之變, 錢西湄詩 銘墓 誌

舉往 夏, 銀錠 問 一代名流 事春夢難尋 曾與鐵 橋 西煤廠,乃法梧門故居。 誰 梅 屬, 同 游, 無復 只餘李西涯、 興酣落筆, 蝦菜亭、 魚藕 高廟西樹與某府相界, 公撰聯以贈寺主人松巖, 洪北江, 監 如此湖 幾多文字, Щ 尚在人間。」鐵梅以隸古書之, 猶傳天壤; 乃其别業及結社聯吟之所。 其文曰:「登樓懷古,悵望千秋 把酒 [憑欄, 蒼茫百感, 欲刻

未果也

濱, 波通 蓋 女母不 嬉日久, 蝶之尋香, 讀書舊家者 女年及笄, 餐影衣 一群焉, 與某姓 動詞色, 刹 時維溽暑, 海, 以故 香, 婉 婦邂逅河干, 天然秀麗, 轉 在地安門外, 但曰: 相就, 居人就河之北岸, 婦女之自愛者, H 與貝勒遇于河沿, 都人士以此間爲銷夏勝地,茶寮爲之滿。 穠李夭桃 遂往來如外婦, 「好寄語汝主, 青年素服, 向引昆明湖水, 大爲削跡。 設几茗以欵客, 望皆避席 媚麗宜人。 貝勒見之, 我爲其幾祖姑, 呼之爲佛 有某 以資灌溉。 與某貝勒 即目 動心。 姓者, 貝勒喜動顏色, 收茶資焉。 眩神奪, 今菜姑年已及笄將嫁, 居相近, 夏日荷花, 貝勒見獵 初以舊家 遣從者饋食, 有某具勒者, 同光之間, 陵夷, 鄰里 心喜, 問居址 連接數拾畝, 咸 爲 僅 H 危之。 海内 有 往 欵金帛, 花間, 邸第近在水 且致詞焉 母母 苦無奩資, 晏然, 女母亦 紅裳翠 女 託微 酣

八六

姑在, 可將千金以助, 何不 - 先告, 勿 倖未 轉眼如隔世也, 唐突, 脱訴人府, 明日即遣人往府走取。」貝勒聞之大駭、谷從者以「族祖 不惟我爵見褫, 汝輩 亦無噉飯地也。」遂相 與鳥

獸散,

自此

淫威稍奪。

人有知之者,

女與母並非天潢,

蓋出于一時之急智,

亦行險

而徼

亦靚妝 園路, 某甲潛將衣襟縫紉于一處, 臚 女羞澀甚, 歡 京師人煙稠 往 改爲 爭獻骨腴, 觀, 旁皇計無所出,後有人剪之,始各慚惶而去。蓋乘二人視燈, 由 髻盤寶勝, 内庭至北長街, 密, 以爲祝嘏之地, 車馬喧闖, 衫着茜羅 而某甲先遁去,將以博笑, 帛彩燈花, 平時亦春濃似海, 設經棚及戲臺焉。 衆方屬目, 互相焜耀, 忽 月滿如潮。 僧裝者, 後因海氛不靖, 紅男緑女, 謔而近於虐矣。 糾纏襟袖,已結不解之緣, 某年西后七旬萬壽 追逐 其 始將由宫内 間。 不及他顧, 某室女者, 至 薄海 頤和 爲

弋獲。 人不 覺, 京城歲 某鄉人跨驢人城, 以 剪 時廟 竊 物, 會, 其術 以游 以所市之物繁于擔之一端, 百端, 人填塞, 其徒極衆, 故多草竊剪綹之事。 且出 没不時, 荷于肩後, 剪綹亦曰白 雖 有巡 緝 物當肩背, 錢, 街 市 兵卒, 又名 小 目雖不見, 掠 每苦難以 蓋乘

蓋尾初繫于擔,鄉人以爲肩荷之重,與初無異,因是不覺,旁觀者向不敢告,告則以其 然動必覺,遂不復防。剪竊先以驢尾繫于肩擔,仍隨以行,審其不返顧,遂剪之以去。

所以處之者處之,受害更甚焉。比鄉人至市,

始知所市之物已歸烏有。

之去,曰:「吾廟不需此。」比入,則此軸已失,向所過者竊也,竟面失之。如此剪竊, 某大僚如期往,姑覘其異,至期竟日無睹,比歸, 值鉅萬, 至是仍還之,主僕均未知也。更有某廟畫像,值甚鉅,某竊乘人衆之際捲之去,而廟主 琉璃廠廠甸, 遇于門,竊者急向前白之曰:「小人得畫,頗獻方丈,隨意付值可矣。」廟主笑揮 遠勝各處廟會, 遂飭金吾追索甚急。金吾畏勢嚴飭, 每歲正月, 而剪綹之流益伙。某歲, 自元旦至元宵, 竊知之,匿名告捕,言當于某廟會還之。 例有會市,一歲之中,僅此數日, 則帽沿嵌犀如故。蓋某竊初以他帽易之, 有大僚往游,失去瓜皮便帽上嵌碧霞犀, 故游人 固

親友疏遠, 有故家子, 呼籲無門, 家業零落, 祖遺房産, 遂至短褐蕭然, 盡供嫖賭之費, 一燈無燄, 家中長物, 預料不能自存。 典質一空。 有祖祠一所,以 復癖于芙

蒙莊《胠箧》一篇所不能詳者。

東

公産故 祖宗呼吸相通, 相視莫敢先發, 僅留得香烟一脉; 數楹幸賴以存, 看子孫勤勞不倦, 故家子藉蔽風雨。 也居然燈火三更。」亦大可憐 一日自 撰聯揭于破壁云: 與

文秋 恨事。 使之淪于貧賤, 波萬頃月黄昏。」年甫二十三而卒, 近爨火,無不烟塵蔽面, 柳先生, 餅 師 常誦其得意之作, 某,幼喜爲詩, 字鏡寰名海, 蒼蒼者果何心哉? 稍長,裒者一尺。惜執業既賤,而又市餅, 如:「荻花楓葉滿江村, **垢膩滿身,若從皮相衡人,鮮有不失之子羽者,** 極愛重之。奈先生亦貧無立錐, 牢愁懮患, 竟以況瘁早夭。 夕孤 府欲斷 不能資助其改業讀書 魂。 天既賦以資秉之殊, 正是客愁無着處, 類皆未明卽起, 故名不 彰。 又復 誠 煙 躬

息, 某屬對殊敏捷, 不能暗誦一字, 餘歲,文藝卓然可觀, 揭聯 于門云:「 句云: 師大怒, 如不 能對, 齊家治國平天下, 而行檢略無所顧 將解館去, 明 日 仍 不 東家出而婉轉勸慰, 到館。」 日, 一以貫之。 聯曰: 師教之讀, 師異之, 吃烟飲酒宿娼寮, 始允復館。 不顧而 疑其有人提刀,因抗聲曰: 他視,使覆誦所業書 某仍入學, 三者備之(矣)。 師怒未

遼東某家子,

客京師, 嗜酒賭博,

又癖烟霞,

而才則優越,讀書過目輒不忘。

對對 東啟明 固佳, 西長庚, 但我未面見, 南箕北斗, 不足爲信。 誰爲觀星使? 如我再命屬對, 某遽對云: 能當面寫出者,乃足憑耳。」遂書云: 春富貴, 夏菡萏, 秋菊冬梅,我

是探花人。師大奇,後竟聯捷成進士。

所出瓜果矣 金陵墜諸名。 瓜主人已售出 有紅沙瓤、 畿 南 帶有 黄沙瓤, 别有蛤蟆酥者, 心瓜節, 即不任咎也。 三白者, 市瓜者先與種瓜人預購 謂皮、 俗以 皮青似翠, 瓜 子、 爲 甜 瓤皆白也。 瓤赤如火。 瓜 亦名香 年, 瓜 初皆哈密、 西瓜自六七月後, 先後摘取, 有羊角密、 惟約 榆次種, 葫蘆酥 定 方於街、 後 以後則多内地 卽 有 市叫 青皮脆、 劣 敗, 賣

不如 或飾以 上 所謂奶茶也。炙奶令熱,熟捲爲片, H 御 後來之精 羶 肉 兩膳 瓜子之屬, 酪漿, 大官光禄 潔 耳。 以充 謂之八宝, 京師 饑渴, 别以金銀器蓄之。 筵 宴, 因邊 紅白紫緑, 蒙回並 塞苦寒, 有酥皮、 列 不易烹飪之故。 班 藩 火皮之目, 市肆 爛可觀。 或, 故筵前 亦有 溶之如湯, 市 牛乳 實以山楂、 飲器 但自 者, 以 唐 牛乳馬 則 以 有 來, 核 白 凝 如膏, 桃 如 錫, 多以 珍貴必備之品 石, 所謂 充飲 沃 如沸雪, 雜 酪 以諸 也,

以餡

而爲餑,

其實皆所謂酥酪而已。

果, 雙捲兩端 切爲寸斷, 奶捲也。 其餘或凝而範以模, 如棋子以爲餅; 或屑爲面 實

著 各種物品, 假杜詩看,乃濕字也。此賭法大有此意。近聞海上詩謎之風,狂易殊甚,甚且有賭紙烟及 列四字, 或五言七言, 出之者也。 格上, 雨胭脂口, 京師向有以詩習飛錢賭者, 俟一次賭者即畢, 義意相類似, 藉此斂錢,並設女子招待以誘引, 其設置, 其應射之一字, 第七字爲風雨剥蝕,不復能看出,於是或猜潤字, 乍賭有如賣卜者流 如以爲此四字中第幾字, 然後揭示。宋蘇東坡與友人至某寺, 别封于詩之紙尾, 蓋亦參用詩鐘之籠沙嵌珠,酒令之射雕射覆, 平舖一 **` 詩格爲之掃地,不勝感慨係之。** 紙, 不露明。空其字之原位, 爲所空之一字, 紙尾平畫四格, 或猜落字, 即用錢押于平畫四 壁上見有少陵詩: 中爲所押詩一句, 界以朱圈, 因詣寺僧, 一而以局賭 林花 【格之

書多暇 勝之。 通 以其 海 以 文酒餘閑, 來, 爲 明儕歡會, 西風 東漸, 且以添春明佳話、 藉寫離踪, 光電之學, 粉黛爭 燕山鴻雪焉。 以次昌明, 妍, 偶窺色相, 攝影所傳, 曾見一像, 而文人詞客, 遂與畫工並 爲寶香士、 名公鉅 駕齊驅, 寶似蘭 而且 徐 簿

鄭軒 時裝, 照相之真 識者攫去, 片紙至今尚存, 村 Mi 盛伯希,男妝女妝,僧伽羽客,狀態不一。有梳如意髻, 雙翹弓彎者,聞其中之僧道裝束者,初亦欲作女妝, 跡, 铜 齋諸 題相之字, 背 有某君題詩于上, 摹 人攝影蒨園 \_\_\_ 圖 幾如細 然後編徵題詠, 名倩 蠅, 詩頗刻畫。 園雅集 想必皆名流遺墨, 允爲藝林盛事。 圖, 曾屬覓畫師, 又一日, 惜未卒讀。 見廟市售袁爽秋相片,惜爲不 而梅叟旋歸道山 總未如法, 仿李龍眠白描羅 河山象服者, 何梅叟罷官京居, 因改爲方外。此 漢畫法, 負此一諾 有圓結作 就

至今猶耿耿

也。

云 不同牽强, 坪、麟芝庵、許筠 毛煦初、 人皆有戒心。某科聽宣簡命方下,羣相額賀, 錢崑嗜蟹, 人之姓名,偶然聯綴,能幻成絶妙理解, 寶佩蘅, 否則終不免有鍛鍊之跡存也。 毛寶放龜。 庵 平列看去, 人謂之平平安安,以諧聲而得之。又某科主司爲錢湘吟、 當時以爲絕對。 乃錢崑毛寶四字, 所難者同在一時,或同營一事, 以爲是科必應無事, 有不可思議者。棘圍自平齡一案發後, 有才隽之士, 集《龍文鞭影》 是科乃翁叔平、景秋 故信手拈來, 崑小 語爲偶句

ーサニ

知耶? 文字也。 學使兩和解之。 與某生見, 宫訐告。 遂成絶調。 於禁體,以文字被禁,遂並其無與於詆毀者,亦橫加鍛鍊,於是向之家絃户誦者,至此 」某答以「讀書太少,至所謂天蓋樓,向未寓目,學使何以知之?」云聞自某生。 晚 學使召某生至, 南中某科,學使按臨, 村文字, 學使召至, 然第虚懸諸功令,初未揭示《天蓋樓》作如何程式,不過相戒勿言, 故老流傳,尚有知者。 咸在禁例。先生之著述有《天蓋樓(四書文)》一種,但皆時藝, 詰以「天蓋樓既被禁, 氣字清華, 所取案首,有人謂其録《天蓋樓》文字, 學使頗憐其才, 故未得見, 初見卽詰以「天蓋樓文字人禁,汝不 汝知其爲禁書, 其同學某經向黌 何由見之耶?」 實未見此 本 某請 無關

急趨歸 敗壁 壯, 嚴然一巨白 民既少, 人好説鬼, 間 京師隆善護國寺, 地遂幽 有物蠕蠕欲動, 倉皇無人色, 面 一日自親串某家秉燭歸, 其大如盆, 僻, 廟市一散,或昏夜經過, 齒猶震震有聲。 每逢七八日向爲廟市, 心畏之, 摇摇焉似欲攫人之狀, 逡巡欲避, 家人見其如此, 假道于此, 而燭竟滅, 大有入廟見神似鬼之概。有士人某,膽素 餘日卽歸空曠。廟外東西廊下凡巷二,居 意大駭, 時已三鼓, 强之卧, 急遽不 乃遽前逆而踶之,隨影而滅。 達旦不能成寐, 彳亍僻巷, 知所措。 稍近視之, 見廟後頹垣 竟成驚 則

乃云前 疾, 而甘心者。 旬餘始瘥。 :在某廢寺僻巷中遺矢,不知爲誰氏子所蹈, 乃悟所遘即是翁也 會往所親店吊 座有老人 亦病新愈者, 傷臀, 病已近月, 促席接談,意甚款洽。 掀髯大詈, 問其

闐。 俱有實境, 乃一犬, 有商 宣武 非真 家 門 非盡無稽耳 子 外 夜 有鬼也。 南 横街 一帶, 見一人首髮蓬蓬上指 是以義山《雜纂》, 近接荒塚, Ħ. 與市 以文酒之餘閑 據地 曹伊 踊躍隨其 邇, 每月黑之夜, 後, 寄幽深之妙解, 以爲 厲 所憑。 碧燐 其意想一類 掩 映, 行漸 近 號 街 爲 144

忠武、 誓不並生, 風 粹編》及《忠武文集》, 言炳丹書, 薄 俗 歷觀往古, 文信 挽頹 誠貫 國。 世: 波, 傳 所謂 金石。 閑嘗過安定門内教忠坊, 至戰爭最烈之際, 而天又摧殘不遺, 痛 其最 無良馬對》及《小重山詞》幾闋, 飲黄龍, 可痛心者, 壯志空齎。 不世出之奇傑, 勁風 公正 疾草, 經文丞相祠柴市遺跡,增人慨想。 王之文字, 命後,惟婢緑荷與襄窀穸。 令人扼腕。 每起于其間, 吉光片羽, 爲其孫珂所保存, 其間之至死不變者, 其凛然節概, 已足不朽。 至于忠武與 其見于 《正氣》一歌, 必有 則 《金陀 金胡, 惟岳 足以

東華瑣録

于反間。 交必窮, 竊負公尸,葬於京廣渠門内廣東舊義園中,佘僕終身守塚不去。 明袁元素崇焕以萬曆進士,由邵武知縣,累官兵部尚書,總督遼薊,鼎革之交, 陵谷有變易, 君恩死後知。」又《韓淮陰廟》: 利大爭必起。一朝反間來,大抵惟利視。」又《度大庾有懷張曲江》:「相業生前 其《樂性堂遺稿》, 傳者不多, 遑問赤松子。 」數語皆不啻詩讖。 「如何解報恩, 如《黄金臺》:「樂毅下全齊,十倍賞可擬。 禍爲受恩始。 當督師之被戮, 丈夫亦何爲, 襮尸於市, 功成身可 其僕佘 利盡

類, 此處亦有名,謂之留客住,尤見古人雖兵兇戰危,亦有不忍之心。至於某稗乘載酷刑之 **丐所吹之竹筒曰善人知,此皆有意義。至舊武器槍鋒未盡處有八棱而圓,** 所有酷刑, 而火灼令紅之後, 有以熨斗熾炭於内, 尋常器物,無不有名,如賣藥之串鈴曰報君知, 一概蠲除, 令罪人著之, 惟駢首、 而底如漏卮, 槍決、 名爲紅繡鞋, 絞候三者矣。 以熨貼受刑者之背, 此則名極佳,而其事慘無人理。 售絨綫之摇鈴曰唤嬌娘, 謂之杏花雨,又以鐵作 似鎚 清社屋後, 而極 又叫夜乞 鞋形, 小,

帝大 談, 以受請托, 而 婚 内 跂足吸旱烟自若。 城 舊刑 鄭大承辦 部街鋪墊店鄭大, 夕叩 鋪 朝頒 墊, 獲利 清季納貲捐官之風開, 竟如傳舍。 百 l餘萬。 與李蓮英訂金蘭之契, 鄭常 慈禧未没, 出人宫闈, 於是一 李閹當權, 般與宫中有往來者, 慈禧太后呼之日 宫中什物, 鄭固煊赫一時 多鄭經手辦差。 鄭大爺, 無不 也 鄭雖立 廣 開 光

掩映 婦 Thi 態 大脚 女下 川 而行, 哂 京 裳猫: 師 又無法 蓋 婦 後乃 掩履 纏 女多大脚 纏 足之風既深 復短其衣邊, 足, 舄 因爲 者, 而 鞋 高 底 故某名士 X 人心, 履而 不 故示流露。 露 殺其底, 曾集 中 人情見 葉以 句云: 後, 少則 風俗頹靡, 謂之花盆底, 宫中 怪 朝 雲暮 高髻, 無足異 必有爲之俑者, 雨連天暗, 底高則足小也。 者。 四方 清 尺, 初宫妝 野草閉 故不僅纏足可 梳 初尚 頭 花 既 尚 滿 嚴 長其下裳, 較前爲 地 體 愁。 制 大 一狀 故

娘

也

凡 故謂之演 大朝會, 房 象 在 役象 阜財 所 甚 坊 而 多 宣 錦 衣 武 駕 衛 門 輦 自 内 駝寶皆用之, 有 西 馴 城 象 墻 所 象 房 專管 橋 若常朝則止用六隻耳, 側 象奴 明 及象 弘 治 隻, 八 年 特命 建。 象 錦 所受禄秩 初 衣 至京, 衛 指 揮 先于 員 但 射 視 提督之。 所演習, 武弁有

東華瑣録

日山 技, 性發, 必斜睨象奴錢滿數, 而後昂鼻俯首, 其 亦先後病死。 在象房, 則預以巨縷縻之,管象房緹師, 人有入視者, 今之議院, 能以鼻作觱栗銅鼓聲, 卽昔日之象房云。 嗚嗚出聲。 習知象性 象將病,耳中先有油淋漓滿地 觀者持錢畀象奴, 光緒紀元後,久無貢象, 奴教之, 而原有 始獻 名

千年以前之記載, 近人誤以武艷親王屬之喜奎。 安驛》各戲, 固與劉喜奎 洪 憲時, 無涉也。 作派又復流艷動人。 封黎元洪爲武義親 又焉可信?此昔賢所以有盡信書則不如無書之嘆。 喜奎艷名噪一時, 按洪憲迄今, 不過數年, E 有黄遠生者賞之, 同時有女伶金玉蘭者, 初不習武技, 戲爲上封號曰武艷親王。 劉少少尊之曰劉王,此外並 而以訛傳訛, 花旦而兼擅武技, 歧異至此, 武 能演 無封號, **艶二字**, 然則數 辛

皆如生。 繪, 巾 緑 袍, 清初 但 無 彩色。 高宗 坐于 旁侍坐者觀音及大勢〔至〕二像, 泉比, 時, 上亦 章嘉 報以 赤 兔 呼 馬 圖克圖 碗, 傍倚, 爲 入覲, 釋 關 迦牟尼佛像, 〔平〕周〔倉〕 以 華鬘纓珞, 腦骨碗一 器獻。 二像, 于寶蓮華 相好莊嚴, 持刀奉印 血絡瑩澈 上結跏 俗所謂 跌 侍於側, 坐 結爲關 佛二菩薩也。 螺髻寶 壯 有 繆 如 光衣械 像, 白 描 圖

爲 或箴 天時之鐵書, 刻 建 成或銘, 寶王刹 雞蛋 莊 子 謂匠 及 刻 或各體書, 桃 時大彬之砂壺, 坐微塵裏轉大法輪也。 石去堊, 核之類, 或爲山 運斤成風而郢鼻無傷。又懸虱三年視之大如輪。 尤見巧思。近有于歗軒之刻牙, 亦既一藝成名,奔走豪傑。 水花鳥鐘鼎人物之類, 自餘以技得名於時者, 意到筆隨, 近人陳寅生之以刀刻熟銅墨盒, 馬伯宣之畫鼻烟壺,些微皆現 雖小道亦有可觀者焉。 全忘刻畫之跡。 佛書所謂舉一毛 更有人

正未有艾。

界寺, 水一 塔影如牟尼 就原有之基, 香火之外, 猗草堂, 烈, 京西翠微山八刹, 寺 中有五 惜其 爲 名流 幢 寶 加築長廊及放 地 珠 態味, 無泉 映現 洞之前院, 色魚長尺許, 水際。 石膏肓, 號爲 春明勝地, 鶴亭、 最多。 聞諸故老云, 春 金睛 故既不據形勝, 時 玉蘭 錦鱗。 其最有功於斯山, 韜光庵諸勝。 海内知名。 盛開, 以後福 初牟塔在池心, 游人甚衆。 名亦不傳。 燕市鐘鳴, 恭邸復卽 介竹與香 則靈光寺之靜一上人。 其後岳雲村於 以後即爲 海寺 其地建天游閣 臺基輪圍 日可往返, 鑒海, [(困), 毓于讓薩午橋 E 結修福覽勝會於香 故其地雖爲禪 Ш 磚石玲瓏, 而 必經之路構禄 魚 初與崇地山 池 澄泓 林, 池

就其地四時集會, 務 齋見石罅地 椽甚多。 處初設, 端甸齋罷官, 形 奉中央旨往勘視。 似有温 以寺有龍泉, 曾往西山於秘魔崖證果寺結茅其上, 潤, 苔蘚之色亦異他處, 西人在翠微山避暑, 水極甘冽, 名以龍泉, 因即其地鑿井, 地址遂在四平臺。龍王堂主僧清川 非真爲龍所窟也, 日歸來庵。 水極甘潔可食。 廟中舊無 有紫荆樹、 自時厥 水 匋 卽 香

奉題《東華瑣録》應滌秋屬也

後,

風流歇絶,

名山香火,

遂無繼者。

顧醉英

風 「變蒼黄百不同, 塵滿眼著新書, 兀兀窮年意未舒。 風流雲散自成空。 莫道輶軒今已闕, 金臺多少銷魂事, 盡入沈郎一網中。 萬人傳誦說《虞初》。

題《東華瑣録》

王蟬齋

館, 宣 南夢憶總無聊, 自署其居日南雅樓。 南雅樓中句費敲。 著有 《宜南夢憶》, 載《北京畫報》。 又爲東華成雜録, 多應痩盡沈郎腰。 太侔僦居宣南番禺

圖,題咏甚多,王西神編《小説月報》曾紀其事。

塵土功名萬念灰,

東塗西抹

編開

落花吟就春如夢,

還向楸陰感舊來。

太侔有楸陰感舊

義重, 能畫、從張烟樵學。張爲放畫家林畏廬之弟子,因是掌奇畫益精。太侔頗以此娱晚境焉。《便佳簃雜鈔》共十二卷**,鄭** 碾然 金粉潑胭脂, 往日隨宦揚州, 兩般秋雨盦隨筆, 京華煮夢, 春明掌故, 楊味雲曾議刊行, 調寄百字令奉題滌秋社兄編沈丈南野遺著《東華瑣録》 感舊兼風雅。 是東陽痩沈, 老去閑情惹。 清詞麗句, 此卷分明一例看。金石文章還掌故, 未果。 膝下輕拋女畫師。遺稿叢殘誰檢得, 開篇夜讀, 當年親寫。 風流頓盡,騷壇猶自稱霸。 塗滿香羅帕。 依稀如見南野。 一自秋墳添鬼唱, 百首落花傳士女,傾倒拜鴛樓下。 荒凉怕問便佳簃。 賸得文章盈把。 儘搜軼事付詞壇。 (丹徒君素姚增祺倚聲) 碧血愁深, 太侔有女日掌奇, 杜牧尋芳,

## 《東華瑣録》校點後記

鄭炳純

玉 源先生的藏本。 于《莊子·大宗師》: 畸人者, 年乃貧病交加,卒于民國丙寅(一九二六)。《瑣録》凡八十八則, 王國維諸氏倡立國萃叢編社, 一九二八年十月由天津北洋廣告公司用機製連史紙鉛印爲綫裝本。 《東華瑣録》, 沈太侔著。 畸于人而侔于天。光緒間官禮部祠祭司,辛亥前後與羅振 太侔名宗畸,廣東番禺人而流寓北京, 輯印《晨風閣叢書》多種行世。其詩文詞聲名遠播, 原本爲其友人朱滌秋所 後以字行, 我所據的是關世 蓋取義 晚

上者乃原注。原文簡畧處須待補字始能袪惑者,所補之字加口 北洋本中明顯誤字, 逕行改正, 疑不能決者于當字下括注應作字, 以别之。 其括號内二字以

一九九三年五月



